

Максим Горький

МЕНИНГ МУСОҲАБАЛАРИМ

ЎЗ БАИРОФИНИ БАЛАНД ҚУТАРГАН ҚИРОЛ

...Узун қилич таққан ва хилма-хил орденлар билан безанган хизматкор мени жаноби олийлари кабинетига бошлаб кирди-ю, эшик олдида ёнимга ўтиб, қўлларимдан кўз узмай турди.

Қирол йўқ экан. Мен бу улуғ зотнинг бутун дунёни ҳайратда қолдирадиган ишларни ижод қиласдиган лабораториясини диққат билан кўздан кечира бошладим. Жаноби олийларининг кабинетлари узунасига икки юз фут, энига юз фут келадиган бир хонадан иборат эди.

Хонанинг шипи шишадан ясалган экан, Чап томондаги деворда катта ҳовуз, унда ҳар хил кемаларнинг моделлари сузиб юрибди. Девор бўйлаб узунасига кетган токчаларда турли форма кийган солдатларнинг фигуralари семитрик ҳолда саф тортган. Ўнг томон девор энди солина бошлаган расмлар турган малбертлар билан банд. Улардан олдинроқда рояль клавиатураси тартибида тизилган катта-катта бўлак қора ёғоч ва фил суюклари полига ўрнатилган.

Қолган нарсаларнинг ҳаммаси ҳам шундай совлатли эди.

— Менга қаранг, дўстим,— деб мурожаат қилдим малайга. У қиличини шарақлатиб, эътиroz билдириди ва:

— Мен церемоний мейстрман...— деди.

— Жуда хурсандман,— дедим,— бироқ менга тушунтириб берсангиз...

— Жаноби олийлари келиб сиз билан саломлашсалар сиз унга нима дейсиз? — деди у сўзимни бўлиб.

— Салом! дейман.

— Бу одобсизлик бўлади, — деди у совлат тўкиб ва қиролга қандай жавоб бериш кераклигини ўргата бошлиди.

Жаноби олийлари саройнинг пухта солинганига ишонган ҳолда, маҳкам ва ғурур билан қадам ташлаб кириб келдилар. Юрганларида тиззаларини букмай, қўлларини ёнларида тўғри ушлаб, ҳеч бир аъзоларини қимирлатмасликлари жаноби олийлари қоматларининг улуғворликларига улуғворлик қўшарди, сарв қомат ва истиқболга боқишига одатланиб қолган кишиларнидек бу зотнинг кўзлари ҳам ҳаракатсиз эди.

Мен унга таъзим қилдим, йўлдошим честь берди. Жаноби олийлари марҳамат этиб, мўйлабларини қимирлатиб, тантанали равища:

— Сизни нима билан баҳтиёр қила оламан, — дедилар.

— Мен сизнинг океан каби улуғ донолигингиздан бир неча томчи обиҳаёт ичай деб келдим, жаноби олийлари, — дедим худди менга ўргатгандаридек.

— Шундан сўнг ақлим камайиб қолмаса керак? — деди Қирол, ҳазиломуз.

— Бундай бўлиши ҳеч бир мумкин эмас, жаноби олийлари! — дедим унинг нозик ҳазилини ҳурмат билан маъкуллаб.

Бўлмаса гаплаша берамиз, — деди у. — Қироллар билан тикка туриб гаплашиш лозим-ку, лекин сиз ўтирангиз ҳам бўлади... агар сиз ўнгайсизланмасангиз...

Мен янги ҳолатга тезда кўнидим ва шунинг учун ўтиредим. Жаноби олийлари елкаларини қисиб қўйдилар. Қирол гапирганида тилидан бўлак ҳеч бир аъзоси қимирламай, улуғворлик сақлар экан. Жаноби олийлари менинг олдимдан нарироққа баб-баравар икки қадам ташладилар-у, уйнинг ўртасида ҳайкалдек қотиб туриб, сўзни давом этдирдилар:

— Шундай қилиб, сиз кўз ўнгингизда қиролни, яъни мени кўриб турибсиз. Қиролни кўриш ҳар кимга ҳам насиб бўлавермайди. Нима истайсиз?

— Сизнинг ҳунарингиз ўзингизга ёқадими? — деб сўрадим.

— Қирол бўлиш — ҳунар эмас, эстеъдод?! — деди у

совлат тўкиб.—Худо ва Қирол, бу икки мавжудотки, уларнинг ҳаётларини ақл бовар қилолмайди.

Жаноби олийлари қўлларини юқори кўтариб, олдинга узатдилар ва ғавдалари билан тенг тутиб, шипдаги ойнани бармоқлари билан кўрсатиб, давом этдилар:

— Қиролнинг нималар қилаётганини худо ҳамма вақт кўриб туриши учун шундай қилинган. Фақат худо қиролнинг фикрига тушунади, уни... фақат худо текшириб туря олади. Қирол ва худо — яратувчидир. Худойим кўз очиб юмгунча шу олами яратган!.. Менинг бобом ҳам ҳаш-паш дегунича Германияни яратган. Мен уни такомиллаштираётиман. Мен ва менинг ота-боболаримнинг содиқ фуқароси Гёти немислар учун ҳаммадан кўра кўпроқ хизмат қилган бўлса керак. Мен ўша Гётидан кўра кўпроқ иш қилган бўлсан керак дейман. Ундан кўра, ҳар ҳолда, мен шубҳасиз хилма-хил нарсалар яратдим. Унинг Фаусти, хуллас, ахлоқий жиҳатдан шубҳалик бир одам. Мен дунёга бронли Фаустни кўрсатдим. Буни ҳамма дарров фаҳмлаб олди. Аммо, Гёти асарининг иккинчи қисми ҳақида бундай деб бўлмайди. Шундай...

— Сиз кўп вақтингизни санъатга бағишлайсизми, жаноби олийлари?— деб сўрадим.

— Бутун ҳаётимни,— деди у,— бутун ҳаётимни. Халқни бошқариш энг қийин санъат. Уни мукаммал ўрганиб олиш учун ҳамма нарсани билиш зарур. Мен ҳаммасини биламан! Поэзия қироллар учун табиий бир нарса. Гўззалик ва латофатга муҳаббатимни билгингиз келса, мени парадда кўрасиз. Ҳақиқий поэзия, мен сизга айтсам, интизом поэзияси. Буни фақат парадда ва шеърларда англаш мумкин. Солдатлар полки — бу поэма! Шеър сатрларидаги сўз билан сафдаги солдат баб-баравар... Сонет бу сизнинг юргагингизни атакага олиш мақсадида тизилган сўзлар взводи. Штикка! дейилиши билан юрагингизга бир қанча оҳангдор сўзлар тизилади. От! дейилиши билан қалбингизга ўнлаб ўткир сўзлар ўқ бўлиб тегади... Шеър билан солдат, мен сизга, бир нарса деяпман. Қирол мамлакатнинг биринчи солдати, унинг илоҳий сўзи ва биринчи шоири ҳам шунинг ўзи... Мана шунинг учун ҳам мен жуда чиройли машқ қиламан ва шеър ёзишни ҳам дўндираман... Мана қаранг. Марррш!

Унинг сўл оёғи дарҳол юқори кўтарилиди ва унинг орқасидан ўнг қўли елка баробарига кўтарилиди.

— Смиррно! — деб команда берди қирол. Қўл-оёқлари дарров ростланди, у сўзида давом этди:

— Бу аъзоларнинг эркин интизоми деб аталади. Улар киши онгига боғлиқ бўлмаган ҳолда ҳаракат қиласилар. Оёқ силкиниши биланоқ дарров қўл кўтарилади! Мия бу ерда ҳеч қандай роль ўйнамайди. Бу муъжизадек гап. Мана шунинг учун ҳам мияси сира ишламайдиган солдат энг яхши солдат. Солдатни онг эмас — команда овози ҳаракатга келтиради. Маррш! дейилиши билан у жаннатга, жаҳаннамга, қайга бўлса ҳам кета беради. Штикка! дейилиши билан, унинг отаси социалист бўлса,— отасига, онасига ва ака-укаларига штик санчади... Унга барибир! Тўхта! дейилгунча санчаверади. Ўйламай қилинган бу ҳаракат ҳайрон қоларли даражада гўзал-да! ..

У чуқур нафас олгач, яна ўша бир текис ва қаттиқ товуш билан сўзини давом эттирди:

— Мен балки идеал давлат барпо қиласман... Менми ёки менинг авлодларимдан бири. Бунинг учун мамлакатдаги барча кишилар интизомнинг гўзаллигини англашлари керак. Агар одам бутунлай ўйламай қўйса, қироллар буюк, халқлар баҳтли бўлади. Пул! — деб команда бердими қирол, барча содиқ фуқаролар сафларга тизиладилар. Бир! — деганда қирқ миллион қўл индамай чўнтакларига суқилади. Икки! — деганда шу қирқ миллион қўлнинг ҳар қайсиси ўн маркадан пулни қиролга чўзади. Уч! — деганда ўша қирқ миллион қўл қиролга чест беради-ю, кейин кишилар жимгина ўз меҳнатларига қайтадилар. Бу гўзал иш эмасми? Мана кўрдингизми,— одамларнинг баҳтли бўлиши учун мия керак эмас: улар учун қирол ўйлайди. Қирол бутун ҳаётни қамраб олишга қодир... Мен ҳам шунга интилаётирман... Аммо ҳозирча фақат менинг бир ўзим қиролнинг ролини шундай чуқур тушунаман... Ҳамма короллар ҳам ўз лавозимига муносиб иш тутмаятилар. Улар қон-қариндош бўлсалар-да, ҳамжиҳат эмаслар. Уларнинг ҳаммаси бир куч бўлиб, бирлашишлари лозим. Буни ҳозир жуда осонлик билан қилиш мумкин. Социализмга катта эътибор бериш керак. Ўнда қироллар учун бир қадар фойдали нарса бор. Социализмнинг қизил машъали ер юзидағи ҳамма обрўли кишиларни ваҳимага солмоқда. У маданий жамиятнинг жонини—унинг мулкини ютмоқчи. Шу баҳайбат маҳлуққа қарши курашмоқ учун қироллар ҳаммани бирлаштироғи ва қадимги доҳийлар каби шунга бош бўлмоғи лозим. Социализмдан

қўрқиши авж олдириш учун ёрдам бериш керак. Шундай қилиб, жамият ақли-ҳушини йўқотгандан кейин қиролларнинг қадди-қомати ростланади. Қироллар конституция берган даврлар ўтиб кетди,— уларни қайтариб олиш пайти келган!

У бир оз дам олиб, яна сўзини давом эттири; бу гапларни эшитиб... доноликдан лаззатланганимдан менинг нафасим қайтарди.

— Давримиздаги ҳар қандай қиролнинг программаси ана шундай! Агар Европанинг ҳамма қиролларига бу программани таклиф этиш учун ҳарбий флотим етарли бўлганда, аминманки, улар бу программани қабул қиласидилар... Ҳозирча мен тинч маданий меҳнат билан шуғулланиб, меҳрибон халқимни камолга етказаётирман. Мен ҳамма санъатни әгаллаб, уларни қирол ҳукми илоҳийисига посбон қилиб қўйдим. Сиз менинг «Ғалаба хиёбони» деган пъесамни кўрдингизми? Ундаги ҳайкаллар санъати немисларга ерда Габсбурглар ва Гогенцоллерларнинг кўп эканини кўрсатади. Бу хиёбонлардан у ёқдан-бу ёқقا — бир-икки! бир-икки! — деб ўтган киши отабоболаримнинг улур кишилар эканини дарров билиб олади. Бу унда ўз мамлакати қироллари билан фахрланиш ҳиссини уйғотади, уни аста-секин қироллик ҳокимиютининг самимий муҳлисига айлантиради. Вақти билан мен ҳамма шаҳарим кўчаларига ота-боболаримнинг ҳайкалини қўяман. Кишилар ўтмишда жуда кўп қироллар ўтганини кўриб, келгусида ҳам бусиз кун кечириш мумкин эмаслигига тан берадилар. Ҳайкал инсон учун фойдали нарса, лекин унинг фойдали эканини биринчи марта яққол мен кўрсатиб бердим.

— Жаноби олийлари, нега авлодларингизнинг кўпчилиги қийшиқ оёқ бўлади?—деб сўрадим.

— Уларнинг ҳаммасини қабр тоши ясайдиган битта устахонада ясаганлар. Аммо бу ҳеч маҳал улар руҳининг улуғворлигига путур етказмайди... Сиз менинг музиками эшитганимисиз? Йўқми? Мен уни қандай чалишимни сизга кўрсатаман.— Ўзининг тўғри қаддини найзадек тик тутди-да, столга ўтириб, бир оёғини кўтариб, ҳали мени олиб кирган малайига деди:

— Граф! Этигимни ечишга ёрдамлашиб юборинг... Шундай... носкини ҳам... Раҳмат! Гарчи қироллар фуқароларнинг хизматлари учун раҳмат демасалар ҳам..., буни улар назокат юзасидаи қиладилар.

У шимини тиззасигача шимариб, бўйини қирқ беш даражагача эгиб, оёқларига синчилаб қаради.

— Мен буйруқ берай, кўзим тириклигига буларни бронзадан қўйишсин,— деди у.— Келгусида ясаладиган ҳайкаллар учун ҳам бир неча ўн жуфт қўйиб олишисин. Қиролларнинг оёқлари қийшиқ бўлмаслиги керак. Оёқнинг эгрилиги қиролимиз баркамол одам бўлмаса керак деган мулоҳазаларга сабаб бўлиши мумкин.

У қўлига кист олиб, ўнг томон деворга яқинлашди ва бир оз чапга ўгирилиб гапира бошлади.

— Мен айни бир вақтда музика чаламан ва расм соламан. Мана қаранг, клавишлар полга қоқилган, асбоблар пол тагида. Нотани механик аппарат ёзиб олади, у ҳам пол тагига жойлаштирилган. Мен расм соламан — бир!— У, мальбертдаги полотнолардан бирига кист билан бўёқ сурди.

— Клавишларга оёқ босаман — икки!—жуда қаттиқ товуш эшитилди.

— Мана шу холос!— деди у.— Бу жуда осон ва қироллар учун доим камлик қиласидиган вақтни тежайди. Худойим халқ доҳийларининг бу дунёдаги умрини икки қатла узайтиrsa бўларди. Биз ҳаммамиз фуқароларимизнинг иқболи учун самимий хизмат қиласиз, буни у дунёнинг қувончларига алмашишга шошилмаймиз... Лекин менинг хаёлим бўлинмоқда. Қиролнинг фикри дарёдаги сувдек тинмай оқади. Қирол барча фуқаролар учун ўйлашга мажбур. Ундан бошқа ҳеч ким бу ҳақда ўйламаслиги керак... агар унга ҳукумат топширмаган бўлса... Энди мен сизни янги пъеса билан таништираман... Мен уни куни кеча тўқидим...

У бир вароқ нота қофозини олди-да, устидан бармонини юргизиб, гапира кетди:

— Мана ўрта саф регистрнинг қадам ташлаши... Кўрдингизми қандай қатъий тартиб билан туради? Тра-та-там — тра-та-там. Иккинчи линейкада улар тоққа чиқадилар, гўё тоққа ҳужум қиласидилар! Тез қадам ташлаб, ёйилиб борадилар... Ра-та-та-та! Бу жуда таъсирли. Қориндаги санчиқни эслатади, нега бундайлигини кеинчалик биласиз. Қейин шу нотанинг командаси билан солдатлар қатъий тўғри сафга тизиладилар — бумм! Ҳеч гап эмас, гўё сигнал учун отишдек... ёки тўсатдан бўлган юрак бурғидек. Улар бу ерда айрим-айрим тўдаларга бўлинадилар... ўнлаб зарба! Суяклар қирсиллайди! ..

Бу нота лат еган қўлнинг оғриғидек сирқираб-сирқираб, бир маромда давом этади ва ниҳоят ҳамма ноталар бирданига рррам! ррата-там! Бум қилиб бир томонга йифилади. Бу ерда ноталар тартибсиз равишда сочилади. Лекин ўзи шундай бўлиши керак. Бу финал, умумий шодхуррамлик манзараси.

— Бу нарсани нима дейилади,— деб сўрадим, тасвирдан қаттиқ завқланиб.

— Бу пьеса,— деди қирол.— Бу пьесани «Қиролнинг туғилиши» дейилади. Музикада абсолютизмни тарғиб қилишдаги биринчи тажрибам... Чакки эмасми! А?

У ўзидан жуда мамнун эди шекилли, мўйлаблари учеб-қўниб турарди.

Менинг фуқароларим орасида мендан олдин ҳам кўпгина яхши музикачилар ўтган, лекин энди мен ҳамма ногорамга ўйнасин деб бу иш билан ўзим шуғулланмоқчи бўлдим.

Унинг мўйлаблари қимиirlаб кетди, балки илжайишини истагандир, лекин ўнг томонига ўгирилиб, сўзида давом этди:

— Энди бу ёққа қаранг... Буни сиз нима деб ўйлай-сиз?

Катта полотнога қизил ранг билан калласи йўқ, қўллари кўп бир мудҳиш махлуқнинг сурати солинган. Унинг ҳар бир қўли яшиндек бир тутам ўт сочиб туради. Бир тутам ўт устига қора ҳарфлар билан: «Анархия», иккинчисига: «Атеизм», учинчисига: «Хусусий мулкнинг ҳалолкати», тўртинчисига: «Ҳайвонлик» деб ёзилган эди... Бу мудҳиш махлуқ шаҳар ва қишлоқларга қадам ташлаб борар ва яшиндек ўт сочиб, ёнғин чиқарар эди. Кичкина қора кишилар жон ваҳмидага ундан қочардилар, мудҳиш махлуқ орқасидан шод-хуррамлик билан қизил кийим кийган одамлар келардилар. Улар кўzsиз бўлиб, бошдан оёқ аъзойи бадани қизғиши-сариф жун билан қопланган. гарилло маймунларига ўхшарди. Рассом қизил рангни аямапти. Полотнонинг катталигини айтмайсизми.

— Ваҳималикми?— деб сўради қирол.

— Ваҳималик!— деб унинг гапини маъқулладим.

— Худди шундай бўлиши керак,— деди қирол, унинг кўзлари олайиб кетди,— менинг идеямни тушинган бўлсангиз керак, албатта. Ҳа, шундай, бу социализм. Кўярпизми, унинг боши йўқ. У фалокат уруғини сочяпти, бе-бошлик уруғини сочиб, кишиларни ҳайвонга айлантира-

ди. Равшанки, бу социализм. Ғайрат билан ишлаш бундоқ бўлибди! Гавдамнинг пастки ярми қирол ҳокимияти ғоясининг барқарорлигини тасдиқлаб турган бир вақтда, унинг устки ярми шу ҳокимиятнинг асосий душманига қарши кураш билан машғулдир. Санъат ҳалигача ҳеч қаҷон ўз вазифасини менинг ҳукмронлик давримдаги каби мукаммал бажармаган.

— Сиз жаноби олийларининг бундай оғир меҳнатларини фуқаролар қадрлашармикан? — деб сўрадим.

— Менинг қадримга етадилар дейсизми? — деб сўради у. Унинг овозида аллақандай чарвоқ оҳанг сезилди. — Қадрласалар арзиди. Мен улар учун ўнлаб броненосецлар барпо этдим, ҳамма кўчаларни ҳайкалар билан безадим, музика, расм ясадим, динга хизмат қилдим... Бироқ... Баъзан бошимга гуноҳ фикрлар келиб қолади. Менга, мени яхши кўрган фуқароларнинг ҳаммаси — аҳмок; ақллилари эса — ҳаммаси социалистга ўхшаб кўринади. Ҳали либераллар ҳам бор. Аммо улар ҳамма вақт ўзлари учун жуда кўп фойда олиб, гарчи ҳалқа ҳеч нарса бермасалар ҳам, қиролга ҳам жуда кам фойда етказишга ҳаракат қиласидилар. Умуман улар халақит берадилар, холос. Ҳокимият бус-бутун қирол қўлида бўлганидагина ҳалқни социализмдан қутқариб қолиши мумкин. Аммо буни ҳеч ким тушинмайдиганга ўхшайди...

У қўл-оёғини букиб, тиз чўкиб ўтириди. Унинг кўзлари ўйчанлик билан шокосасида чапдан ўнгга олайиб турарди. Аъзойи бадани бўшащандек лалайиб қолди. Унинг чарчаганини кўриб, мен сўнгги саволимни бердим:

— Жаноби олийлари қирол ҳокимиятининг ҳукми илоҳийлиги тўғрисида тағин нима дейдилар?

— Нимаки керак бўлса ҳаммасини дейман! — деб дарров жавоб берди у. — Аввало у мустаҳкам ва ягона ҳақиқатdir, чунки у ажойиб ва гўзалдир! Миллионлаб кишилар минг йиллар мобайнida ўз устларидан бир кишининг ягона ҳукмронлигини ҳақ деб келганларидан сўнг, энди тентакларнинггина буни инкор этишлари мумкин... бу равшан. Мен — қиролман, ҳа, мен ҳам инсонман, лекин кишилар менинг ҳукмимга юришни истасалар, мен буни муъжиза деб билишим керак... тўғри эмасми? Ахир мен шу миллионлар бусбутун тентаклардан иборат деб тасаввур қила олмайман-ку! Уларнинг иззат-нафси ни коитмаслик учун ҳам уларни ақлли одамлар деб ўйламоқчиман. Мен фуқароларим ҳақида бушчалик ёмон

фикрда бўлсам, ўзим ёмон қирол бўлар эдим. Шундай қилиб фақат ёлғиз худонинг ўзигина муъжиза кўрсата олади, равшанки мен унинг қудратини ва ўзимнинг қадри-кимматимни тасдиқлаш учун тайинланганман. Буни инкор қилиб бўладими? Бу олмосдек мустаҳкам ҳақиқат, чунки кўпчилик шунинг тарафдори...

Унинг кўзида мамнунлик жилвалангандай бўлди, бироқ дарров ўчди ва жаноби олийлари ҳарбий кеманинг ишлаган буғини чиқариб ташлайдиган машинага ўхшаб, оғир нафас олди.

— Ортиқ вақтингизни олмайман, жаноби олийлари!— дедим ўрнимдан тура ётиб.

— Хўп!— деди менга буюк халқнинг доҳийси.— Хайр! Сизга... энг эзгу... нима тиласам экан... Ҳа, ҳа, сизнинг Қиролни яна бир марта кўришингизни истайман.

У улуғворлик билан пастки лабини сўлжайтириб, мўйлабини кўтариб қўйди. Мен буни унинг хайрлашгани деб билдим ва ақлли ҳайвонларни кўриш учун ҳайвонат боғига қараб йўл олдим...

Киши баъзан одам билан суҳбатлашгандан сўнг кучкни эракалатгиси, маймунга қараб жилмайгиси, фил олдида иззат билан шляпасини қўлга олгиси қелади...

1906

РЕСПУБЛИКА ҚИРОЛЛАРИДАН БИРИ

...Кўшма Штатларнинг пўлат, керосин ва ўзга ҳамма қироллари ҳар вақт хаёлимни чалғитиб келадилар. Бунчалик серпул одамларни мен оддий кишиларга сира ўхтата олмас эдим.

Менга у кишиларнинг ҳар бирининг ҳеч бўлмаганда учта қорни ва юз элликта тиши бордек туюларди. Мен ўйлардим: миллионер ҳар кун эрталаб соат олтидан, кечаси соат ўн иккигача сира тинмай овқат ейди. У энг қиммат баҳо овқатларга: ғозлар, куркалар, чўчқа болалари, мой солинган редиска, пудинг, кæk ва бошқа нозинеъматларга қирон келтиради. Кечга бориб, ковшана беришдан жаги шундай толадики, овқатни негрларга чайнатиб, ўзи фақат ютибгина ўтиради. Ниҳоят у тамом ҳолдан кетади, терга тушади, нафаси қисилади, ана шундан кейин негрлар уни олиб кириб ётқизадилар.

Эрталаб, соат олтида, у ўзининг азобли ҳаётини яна янгидаң бошлайди.

Мана шундай зўр берса ҳам, у барибир, капиталидан келадиган даромадининг ақалли ярим процентини ҳам еб битира олмайди.

Албатта, бундай ҳаёт қийин бўлади. Лекин, начора? Оддий кишидан кўра кўпроқ еб-ичмаганингдан кейин миллионер бўлишингдан нима фойда?

Менга шундай туюлардики, унинг қўйлак-лозими энг аъло шойидан, этигининг пошналарига қоқилган михлар тилладан, бошига кийган шляпаси эса, брилиантдан ясалган аллақандай нарсадан. Камзули энг қиммат баҳо бахмалдан, узунлиги камида эллик фут, камида уч юз дона олтин тугма билан безалган. Байрам кунлари бирданига саккиз қават камзул, олти қават шим кияди. Албатта, шунча кийим уни қўполлаштиради ва қийнайди... Лекин шунча бой бўла туриб эл қатори кийиниш ҳам ярамайди-да...

Миллионернинг чўнтагини шундай чуқур деб билардимки, унга бутун бошли черковни, сенат биносини ва керакли нарсаларнинг ҳаммасини бемалол жойлаб юбориш мумкин... Шундай жанобнинг қорнини зўр дентиз пароходининг каттакоп омборига ўхшатардиму, лекин бу маҳлуқнинг оёқлари билан шимлари қанчали узунлигини ҳеч кўз олдимга келтиролмас эдим. Ҳар ҳолда, у ёпиниб ётадиган адиёлнинг катталиги бир квадрат мильтан кам бўлмаса керак деб ўйлардим. Агар у тамаки чекадиган бўлса, шубҳа йўқки, унинг тамакиси энг аъло навдан, у бирданига икки қадоғини чекади. Борди-ю, бурнаки ҳидлайдиган бўлса, бирданига бир қадоғини ҳидлади. Пулни харажат қилиш керак-да...

Қўлининг бармоқлари жуда ажойиб сезигига ва исталған даражада чўзилиш макрига эга: агар у Нью-Йоркда ўтириб, Сибирнинг аллақаерида доллар униб чиққанини сезиб қолса, Берингов кўрфази орқали қўл чўзадида, жойидан жилмасданоқ ўша дилрабо ниҳолни юлиб олади.

Қизиқ, шунча нарсаларни тасаввур қилдим-у, лекин маҳлуқнинг калласи қандайлигини ҳеч кўз олдимга келтира олмадим. Буни ҳам қўйинг, ҳамма нарсани сиқиб, ундан олтин чиқариб олиш иштиёқи-ла, жонланган шунча кўп мускул ва суюк устида яна калла бўлиши жуда ҳам ортиқча туюлади. Хуллас милионер тўғрисида ҳосил қил-

ган тасаввурларим тугалланмаган бир шаклда эди. Қисқаси, миллионер узун, эпчил қўллардан иборат эди. Бу қўллар бутун ер куррасини қамраб олиб, уни каттакон бир қора оғизга келтириб ташлаганлар, у оғиз эса бизнинг еримизни қўрда сингдириб пиширилган иссиқ картошка донасидай ғажийди, сўлакайини оқизиб кавшайди...

Бир кун бир миллионерни кўриб, жуда ҳам ҳайрон бўлдим: у ҳам расмана одам экан.

Менинг қаршимда чуқур креслога ботиб новча, қотма бир чол тириш босган сарғиш қўлларини қорни устига қовуштириб ўтирад эди. Унинг қўли ҳам оддий инсон қўлидай эди. Юзининг нозик териси соқол-мўйлабдан яхшилаб тозалангани, ҳорғинликдан сўлжайган пастки лаби келишган жағини очиб, олтин тишлиларини кўрсатиб турар эди. Мўйлаби олинган, қони қочган, устки нозик лаби унинг кавшаниш машинасига жипс ёпишган; чол гапирганда устки лаби қарийб қимирамас эди. Нурсиз қўзлари устида қошдан асар йўқ, тақир калласида битта ҳам тук кўринмайди. Бу шахснинг териси тордай туюлади, чунки унинг қизгиш, ҳаракатсиз силлиқ юзи чақалоқнинг юзини ҳотирга келтиради. Бу махлуқ ўз ҳаётини энди бошлайптими ёки уни тамом қиляптими,— буни аниқлаш қийин эди...

У ҳам оддий кишилардай кийинган. Узиги, соати ва тишлилари олтиндан; ундаги бор олтин шуларгина. Агар ҳаммаси бир ерга тўпланса ярим қадоқдан ортмаса кепрак. Хуллас, бу одам Европа аристократлари уйидаги қари хизматкорни эслатар эди...

У шундай бир хонада қабул қилдики, унинг жиҳозлари ўзининг ҳашамати ва чиройи билан мени ҳайратда қолдирмади. Мебели салобатли. Бу ҳақда айтиладиган гапнинг ҳаммаси шу.

Мебеллар менда: «Балки бу уйга филлар ҳам кириб турад» деган фикр туғдирди.

— Миллонер... сиз бўласизми? — деб сўрадим, ўз қўзларимга ишонмай.

У дадил бош силкиб:

— О, албатта! — деб жавоб берди.

Мен, сўзингизга ишонман дегандай қиёфа олиб, унинг асли-наслини аниқлашга киришдим.

— Нонуштада қанча гўшт ея оласиз? — деб сўрадим ундан.

— Мен гўшт емайман! — деди у. — Бир кесим апельсиин, бир дона тухум еб, бир пиёла чой ичаман — бўлгани шу...

Унинг чақолоқники сингари бегуноҳ кўзлари катта-кон икки томчи лойқа сувдай қаршимда хирагина мўлтиради. Мен бу кўзларда заррача ҳам ёлғончилик аломатини кўрмадим.

— Яхши! — дедим ажабланиб. — Лекин рўйрост гапи-ринг: бир кунда неча маҳал овқат ейсиз?

— Икки маҳал! — деди у оҳистагина. — Нонушта ю, обед менга кифоя. Обедда бир тарелка шўрва, оқ гўшт ва бирор ширинлик, мева есам бас. Бир чашка кофе ичаман. Сигара...

Менинг ҳайратим ошқовоқдай тез ўса борди. У менга авлиёдай қараб турарди. Мен нафасимни ростлаб, дедим:

— Агар шу айтганларингиз чин бўлса, пулларингизни нима қиласиз?

Шундан кейин у кифтларини бир оз кўтарди, кўзлари чаноғида ҳаракатга келди, сўнг шундай деб жавоб берди:

— У пуллар билан яна пул топаман...

— Нима учун?

— Яна янги пуллар топиш учун...

Яна қайтариб сўрадим:

— Нима учун?

У, кресло қанотига тирсагини қўя туриб, мен томонга энгашди-да, мароқлангансимон сўради:

— Сиз жиннимисиз?

— Ўзингизчи? — деб савол билан жавоб бердим.

Чол калласини солинтириб, олтин тишлари орасидан тўнғиллади:

— Аломат йигит... умримда мундақасини энди кўришим...

У шу сўзлардан кейин бошини кўтарди ва, оғзиши қулоқларига етар даражада очиб, мени жимгина кузата бошлади. Унинг юзидаги хотиржамликка қараганда у ўзини ақли расо киши деб ҳисоблар эди. Галстуига қадалган кичкина бриллиант кўзли бир тўғноғичга кўзим тушди. Агар у тош пошнадай катта бўлганда мен яна янги маънолар тушунган бўлар эдим.

— Нима иш билан шуғулланасиз? — деб сўрадим.

У кифт қоқиб:

— Пул қиласман! — деб қисқагина жавоб берди.

— Ҳа, қалбаки пул ясайсизми? — деб суюниб сўрадим; унинг сирини фош қилишимга оз қолгандай туюлди. Шу пайт у паст овоз билан ҳи-ҳийлай бошлади. Гўё кўзга кўринмас бир қўл унинг биқинини қитиқлаётгандай, бутун гавдаси силкинар эди. Кўзлари тез-тез пирпиаради.

— Мана буниси қизиқ бўлди! — деди у, тинчланиб ва юзимга қониқкан кишидай назар солиб. — Яна бир савол берсангизчи! — деди-ю, негадир бетларини шиширди.

Мен бироз ўйлаб, сўнгра шу саволни қатъий қилиб қўйдим:

— Пулни қандай қилиб топасиз?

— А! Тушундим! — деди у, бош ирғатиб. — Бу жуда осон нарса. Менинг темир ўйлларим бор. Фермерлар мол етиштиради. Мен у молларни бозорга етказиб бераман. Даромадни ҳисоблаб чиқаман-да, фермер очидан ўлмаслигини ва кейин ҳам ишлаб туришинин мўлжаллаб, унга бир улушкини бераман, қолганини эса ташиб берганим учун ўзимга оламан. Бундан осони йўқ.

— Фермерлар ризо бўлишадими?

— Ҳаммаси ҳам ризо бўлавермаса керак деб ўйлайман! — деди у болаларча соддалик билан. — Лекин одамзоднинг феъли маълум: ҳеч вақт у нолишини қўймайди. Тўнғиллаб юрадиган тентаклар ҳар вақт топилади...

— Ҳукумат сизга халал бермайдими? — деб камтарлик билан сўрадим.

— Ҳукуматми? — деб такрорлади ва пешонасини қашиб, ўйланиб қолди. Кейин бир нарса эсига тушгандай, бош ирғади. — Ҳа-ҳа... Ҳа, у... Вашингтондаги-ларми? Йўқ, улар халал бермайди. Улар жуда яхши одамлар. Уларнинг орасида менинг клубимга алоқадор кишилар ҳам бор. Лекин уларни жуда кам кўришшга тўғри келади... Шу сабабли баъзан эсдан ҳам чиқариб кетишади. Йўқ, улар халал бермайди, — деб такрорладида, яна дарҳол мароқланиб сўради: — Ажабо, одамларнинг пул топишига халал берадиган ҳукуматлар ҳам борми?

Мен ўзимнинг соддалигим ва унинг донолигидан пича хижолат бўлдим.

— Йўқ, — дедим паст овоз билан, — мен у тўғрида гапираётганим йўқ... Мен, сизга айтсам, баъзан ҳукумат

очиқ-ошкор талончиликни тақиқ қилиши керак деб ўйлайман...

— Бироқ,— деб эътиroz билдириди у.— Бу идеализм. Бу ерда бундай қоида йўқ. Ҳукуматнинг хусусий ишларга аралашибга ҳақи йўқ...

Бу гўдакнинг оғир-босиқ донолиги олдида менинг камтарлигим оша борди.

— Ажабо, кўп кишининг бир киши томонидан хонавайрон қилиниши хусусий иш ҳисобланадими? — деб назокат билан сўрадим.

— Хонавайрон қилиниши? — дея таъкорлади у, кўзларини чанофидан чиқариб.— Ишчи кучи қиммат тургандагина хонавайронлик бўлиши мумкин. Сўнгра иш ташланган пайтда ҳам шундай бўлади. Лекин бизда муҳожирлар бор. Улар ҳар вақт ишчилар ҳақини камайтирадилар ва иш ташлаганларнинг ўрнига бажону дил кириб ишлайдилар. Улар мамлакатда етарли даражада кўп пайиб, арzonга ишласа ва кўп нарса сотиб олишса — иш қантдек бўлади.

У бир мунча жонланди, у ҳам чолга, ҳам гўдакка ўхшарди, энди ўзига сира ўхшамай қолди. Нозик қорамтил бармоқлари қимирлаб қолди, қалдироқ овози эса қулсқаримга урилиб, ғашимни келтирди.

— Ҳукумат? Бу, дарҳақиқат, қизиқ савол, ҳа. Яхши ҳукумат зарур. У, мана шундай масалаларни ҳал қилиши керак: мамлакатда мен сотишни хоҳлаган нарсаларимнинг ҳаммасини батамом сотиб олишга етадиган ҳалқ бўлиши лозим. Ишчи шу даражада кўп бўлиши керакки, мен уларга муҳтоҷ бўлиб қолмай. Лекин — битта ҳэм ортиқ бўлмасин! Ана шунда — социалистлар бўлмайди. Иш ташлаш ҳам бўлмайди. Ҳукумат катта солиқлар олмаслиги керак. Ҳалқ бериши мумкин бўлган нарсаларнинг ҳаммасини ўзим оламан. Мана шундай ҳукуматни мен яхши ҳукумат дейман.

— У бемаънилигини ошкор қиляпти, бу шубҳасиз ўзини улуф билиш аломати,— деб ўйладим.— Балки у чинакам қиролдир...

У ишонч ва қатъият билан давом этди:

— Мен мамлакатда тартиб бўлишини истайман. Ҳукумат озгина ҳақ билан ҳар хил файласуфларни ёллайди; улар ҳар якшанба камида саккиз соатдан ваъз ўқиб, ҳалқа қонунни ҳурмат қилишни таълим беради. Агар бу ишга файласуфлар ярамаса,— солдатни ишга

солиш керак. Бунда усул эмас, фақаг натижа муҳим. Ишлатувчи ҳам, ишчи ҳам қонунни ҳурмат қилишга мажбур. Гап шундай!— Бармоқларини ўйнаб туриб у сўзини тутгатди.

«Йўқ, у эса паст эмас, қарийб қирол!» деб ўйлаб сўрадим:

— Сиз ҳозирги ҳукуматдан мамнунмисиз?

У дарҳол жавоб бера қолмади.

— Ҳозирги ҳукумат имкониятидан камроқ иш қиляпти. Мен демоқчиманки, мамлакатга муҳожирларни ҳозирча кирита бериш керак. Лекин бизда сиёсий эркинлик бор, улар шундан фойдаланадилар,— бунинг учун ҳам тўлаш керак. Майли, ҳар бир муҳожир лоақал беш юз доллардан олиб келсин. Беш юз долларли киши эллик долларли кишидан ўн марта яҳшироқ. Ёмон одамлар — саёқлар, гадойлар, касаллар ва бошқа танбаллар ҳеч кимга керак эмас.

— Лекин бу талаб муҳожирларнинг келишига путур етказадику...— дедим.

Чол ҳа дегандай бош қимирандиди.

— Вақти келганда уларни мамлакатга бутунлай киргизмасликни таклиф қиласман... Ҳозирча, майли, ҳар бир муҳожир бир оздан тилла келтириб турсин. Бундан мамлакат наф кўради. Сўнгра, гражданлик ҳуқуқини олии муддатини ҳам чўзиш зарур. Кейинча бу ҳуқуқни бутунлай битиришга тўғри келади. Америкаликлар фойдасинга ишлашни хоҳлаганлар бўлса, ишлай берсинлар, лекин уларга Америка гражданлиги ҳуқуқини асло бериб бўлмайди. Америкалик етиштириш энди кифоя. Ҳар бир америкалик мамлакат аҳолисини ўстириш тўғрисида ғамхўрлик қила билади. Буларнинг ҳаммаси — ҳукуматга тааллуқли ишлар. Ҳукуматни бошқачароқ қилиб қўйиш зарур. Ҳукумат аъзоларининг ҳаммаси саноат корхоналарида ҳиссадор бўлсин,— ана шунда улар мамлакат манфаатларини тезроқ ва яҳшироқ тушунадилар. Энди мен сенаторларни сотиб олишим ва менга... ҳар хил майда-чўйда нарсалар зарурлигига уларни ишонтиришим керак. Ана шундай қилсан яхши бўлади...

У уҳ тортди, оёғини типирчилатди, кейин илова қилди:

— Ҳаётни олтин тогининг чўққисидангина тўғри қўра биласан.

Энди унинг сиёсий қарашлари етарли даражада равшан бўлгандан кейин, мен ундан сўрадим:

— Дин тўғрисида нима дейсиз?

— О!— деди у, тиззасига бир уриб ва қошларини чи-мириб.— Дин тўғрисида фикрим жуда яхши! Дин—халқ-қа жуда зарур. Мен бунга, астойдил ишонаман. Ҳатто як-шанба кунлари ўзим ҳам черковда динни тарғиб қила-ман... ҳа, бўлмаса-чи!

— Ростдан-а?— деб сўрадим.

— Черковда ҳақиқий христиан айтиши мумкин бўл-ган нарсаларнинг ҳаммасини оқизмай-томизмай айтаман!— деди у ишонч билан.— Мен, албатта, камбағал-ларни художўйиликка чақираман,— камбағаллар ҳар вақт ширин сўзнинг ва оталик насиҳатларнинг гадолари бўлали... Мен уларга...

Унинг юзи бир он чақалоқ юзига ўхшаб кетди, кейин эса лабларини маҳкам жуфтлаштириб, кўзларини шипга кўтарди: шипда фаришталар Иоркшир чўчқасиникига ўх-шаш пушти терили семиз бир хотиннинг яланғоч гавдаси-ни уялиб ёпиб турарди. Унинг рангсиз чуқур кўзлари шипдаги ола-була бўёқларни акс этдирап ва ранг-ба-ранг учқунлар сочиб чақнар эди. У секин-аста гап бошлади.

— Диндош қариндошларим ва ҳамшираларим. Мак-кор иблиснинг ҳасад билан васваса қилишига учмангиз, ерроҳати ва бахтидан воз кечингиз. Ерда ҳаёт қисқаги-на: одам фақат қирқ ёмигача ишлай олади, сўнгра уни ҳеч ким фабрикага олмайди. Ҳаёт — омонат. Сиз ишдасиз, қўлингиз нотўғри ҳаракат қилса — машина суюкларингизни чилпарчин этади, офтоб урса, шўрингиз биратўла қу-рийди! Сизни ҳар ерда қасаллик, ҳар ерда бахтсизлик таъқиб этади! Йуда чориёрнинг укаси Ёқуб чориёр айт-ганидек, камбағал одам баланд томга чиқиб олган кўр мисолидадирки, қаёққа қадам босмасин — йиқилади ва чилпарчин бўлади. Қариндошларим! Бу дунёга кўнгил қўймангиз, бу дунё — кишиларни вассасага соловчи шай-тон инидир.— О ҳазрати Исонинг меҳрибон умматлари, сиз гашту роҳатни бу дунёда эмас, падари бузрукворин-гиз қабили, арши-аълодан топасиз. Магар сиз ердаги умрингизни зорланмай, нолимай, сабру тоқат билан жимгина ўтказсангиз парвардигори олам сизга биҳиштни раво кўргай ҳамда бу дунёда тортган азиятларингиз учун сизга абадий айшу ишрат бахш этгай. Бу фоний дун-ёда кечираётган умрингиз руҳингизни пок этувчи бир омилгина, ҳозир қанча кўп азобу уқубат кўрсангиз, у

дунёда шунча айшу ишрат ва роҳати сероб бўлгайсиз.
Бу сўзларни чориёр Иуда айтган эдилар.

У қўли билан шипга ишора қилди, ўйлади ва совуқ,
қаттиқ бир оҳангда давом қилди:

— Шундай, азиз қариндош ва ҳамшираларим! Агар
биз жонимизни қадрдонларимизга фидо қилмасак — бу
бебаҳо ва бевафо дунёдан кўзимиз очиқ кетгай. Қадрдон-
ларимизнинг кимлиги ва қандайлигига зинҳор қараб
ўтирумайлик. Қалбингизни иблис ҳасадига тутқазманг-
из. Бу дунёда нимага ҳасад қиласиз? Бу дунёда кўради-
ган роҳатингиз — шарпа, иблис ўйинидир. Бир кун ҳам-
мамиз, бойлар ва камбағаллар, шоҳлар ва кўмир қазув-
чилар, банкирлар ва кўча тозаловчилар баримиз ўлиб
кетамиз. Кўмир қазувчилар балки жаннатнинг салқин
боғларида подшо бўлиб ўтирарлар, ҳозирги подшолар
эса, япроқлар ва ҳар кун сиз еб ташлаган конфет қоғоз-
лари тўқилган боғ йўлларини супуриб юрарлар. Қарин-
дошлар! Бу дунёдан, инсон руҳи чақалоқ каби адашиб
юрадиган бу қоронғи гуноҳлар ўрмонидан нимани ҳам
кутиш мумкин? Муҳаббат ва итоат билан жаннатга бо-
рингиз, бошингизга тушган мушкулотларга сукут ва қунт
билан бардош қилингиз. Ҳаммани ва ҳатто сизни оёқ ос-
ти қилганларни ҳам севингиз...

У кўзларини юмди ва, креслода тебраниб, давом
этди.

— Бирорларнинг камбағаллигини ва бошқаларнинг
бойлигини айтиб, қалбингизда гуноҳкорона ҳасад ҳис-
лар уйғотган кишиларнинг сўзларига қулоқ солмангиз.
Ўндай одамлар иблис югурдакларири: парвардигори
олам яқин одамларга ҳасад қилишни манъ этади. Бой-
лар ҳам камбағаллардирлар, улар камбағалларга
мехр-муҳаббатлари билан камбағалдирлар. Бойларни
севингиз, зеро улар оллоҳутаолонинг севган бандалари-
дир! Ҳазрати Исонинг чориёларидан бири авлиёлар ав-
лиёси Иуда шундай деган эди. Тенгликни ва иблиснинг
бошқа найрангларини тарғиб қилувчиларнинг сўзига кир-
мангиз. Бу фоний дунёда тенглик кимга керак? Пар-
вардигори олам олдида қалбингизни пок қилиш учун-
гина бир-бирингизга тенглашинг. Салби илоҳини саб-
ру тоқат билан сақлангиз, итоат қилингиз, у оғир
юкингизни енгил қилгай. Фарзанди қобилларим, пар-
вардигори олам сизларга паноҳдир, шунинг ўзи
кифоя!

Чол оғзини катта очиб жим қолди ва тишларидаги олтинни ярақлатиб, менга тантанали бир назар билан қаради.

— Сиз диндан яхши фойдаланаар экансиз! — дедим.

— О, албатта! Диннинг қадрини биламан, — деди у. — Такрор айтаманки, дин — камбағаллар учун зарур нарса. Шунинг учун ҳам менга ёқади. Дин: ердаги ҳамма нарса иблисники, дейди. О, инсон, агар ўз қалбининг поклигиги ни сақлаб қоладиган бўлсанг, ер юзидағи ҳеч нарсага тегма, орзу ҳам қилма. Ўлганингдан кейин, охиратда ҳаёт лаззатини тотасан, аршу аълода ҳамма нарса сеники! Одамлар шу нарсаларга ишонса, уларни қўлга олиш осон бўлади. Ҳа. Дин пимаю мой нима. Мана шу мойни ҳаёт машинасиға қанча кўп суртсак, машина қисмлари шунча равонлашиб, машинистнинг иши енгиллашади...

«Ҳа, бу одам қиролнинг худди ўзи!» деган фикрга келдим ва чўчқабоқарнинг бу яқин авлодидан ҳурмат билан сўрадим:

— Хўш, сиз ҳам ўзингизни християн деб биласизми?

— О, албатта, — деб у тўла қаноат билан хитоб қилди. — Лекин мен, — у қўлларини юқорига кўтариб, таъсир қолдириш истагида гапирди: — айни замонда америкалик ва шу билан бирга қаттиқ қўл ахлоқ муҳибиман...

Унинг юзи фожиали тус олди: лаблари дўрдайди, қулоқлари бурнига тортилди.

— Хўш, нима демоқчисиз? .. — деб овозимни пасайтириб сўрадим.

— Гап шу ерда қолсин! — деб секин огоҳлантириди. — Америка фуқароси Исони тан ололмайди!

— Тан ололмайди? — деб бир нафасдан кейин оҳиста сўрадим.

— Албатта, тан ололмайди-да! — У ҳам оҳиста тасдиқлади.

Бир оз жим турганимдан кейин:

— Нима учун? — деб сўрадим.

— У ҳароми! — Чол менга кўзини бир қисди-ю, теваракка жаланглаб қаради. — Тушундингизми? Америка-када ҳароми одамлар наинки худо, ҳатто амалдор ҳам бўла олмайди. Бундай одамларни тузук кишилар ёnlари-га ҳам йўлатмайди. Унақа кишиларга қизлар ҳам тегмайди. О, биз шунақа қаттиққўллармиз! Агар биз Исони тан оладиган бўлсак ҳамма ҳаромиларни... мабодо у негр билан оқ кишидан туғилган бўлса ҳам тузук одамлар

деб билишга тўғри келар эди. Ўйлаб кўринг, қандай мудҳиш нарса! А?

Бу чинакам мудҳиш нарса бўлса керак, чунки чолнинг кўзлари кўкариб, бойқушники сингари чаноғидан чиқиб кетаёзди. У пастки лабини кўтариб, тишлирига қапиштириди. Балки у шу қилиғи билан юзига ишонарли ва жиддий тус беришни истагандир.

Демократик мамлакатнинг ахлоқ ақидаси таъбимни тирриқ қилди.

— Сизлар негрни одам ўринида кўрмайсизларми?— деб сўрадим. У афсусланиб хитоб қилди:

— Вой содда одам-ей! Ахир улар қоп-қора занжилар-ку! Яна қўлансалигини айтинг. Негр оқ тан хотин билан яқинлик қилганини билиб қолсақ, ўша заҳоти адабини берамиз. Пайсалга солиб ўтирумаймиз! Дарров бўйнига сиртмоқ солиб, дарахтга осамиз... Ахлоқ масаласида жуда қаттиққўлмиз...

У менда сасиб қолган жасадга беихтиёр қараганингда ҳосил бўладиган кўнгилсиз бир ҳис уйғотди. Лекин бошлигар ишимни охирига етказишим керак эди. Мен ҳақиқат, ҳуррият, ақл ва фаросатни ҳамда ўзим ишонган бутун муқаддас нарсалар жараёнини тезлатиш мақсадида саволлар беравердим.

— Сиз социалистларга қандай қарайсиз?

— Иблиснинг малайлари худди ана ўшалар-да!— У тиззасига бир уриб қўйиб, жадал жавоб қилди.— Социалистлар — ҳаёт машинасига тушиб қолган қум; улар шундай қумки, машинанинг ҳамма ерига кириб олиб, механизминг тўғри ишлашига халақит беради. Яхши ҳукumat даврида социалистлар бўлмаслиги керак. Америкада эса улар туғилмоқда. Демак Вашингтондаги кишилар ўз вазифаларини яхши англамайдилар. Улар социалистларни гражданлик ҳуқуқларидан маҳрум қилишлари керак. Бунинг аҳамияти катта. Мен ҳукumat ҳаётга яқинроқ турсин демоқчиман. Бунинг учун унинг барча аъзолари миллионерлар орасидан танлаб олиниши лозим. Худди шундай бўлиши керак!

— Сиз жуда одамохин экансиз!— дедим.

— О, албаттат!— дея калласини қимирлатиб тасдиқлади. Энди унинг юзида гўдаклик қиёфаси батамом йўқолди, бетларида чуқур-чуқур ажинлар пайдо бўлди.

Мен ундан санъат ҳақидаги фикрни сўрамоқчи бўлдим.

— Сиз қандай қарайсиз...— деб сўрай бошлаган эдим, у бармоғини кўтариб, ўзи гапира кетди:

— Социалистнинг калласида даҳрийлик, қорнида эса — анархистлик бор. Иблис унинг қалбини ақлсизлик ва ғаддорлик қанотларига ўтказиб учиради... Социалистга қарши курашиш учун дин ва солдат кўпроқ бўлмоғи керак. Дин — даҳрийликка қарши, солдатлар эса — анархияга қарши. Аввало — социалистнинг миясига черков ваъзларининг қўрғошинини қўйиш керак. Агар бу ҳам кор қилмаса, солдатлар унинг қорнига қўрғошин отсинлар!..

У ишонч билан бош иргатиб қатъият билан:

— Иблиснинг кучи зўр! — деди.

— О, албатта! — деб мен ҳам рози бўлдим.

Сариқ Иблис, яъни Олтин таъсирининг қучини мана шундай равшан шакилда биринчи марта кўришим эди. Чолнинг подагра ва бод касали кемирган, қоқ суюклари, эски терига тиқилган заифчувак бадани, бутун бу чурук ахлат тўплами энди алдовлар ва руҳий фахшлар сариқ отасининг совуқ ва қаттиқ иродаси билан жонланаб кетди. Чолнинг кўзлари янги тангадек ярқиради; унга жон кирди, тетикланди. Энди у малайга яна ҳам кўпроқ ўхшай бошлади, мен унинг хўжайини кимлигини билиб олдим.

— Санъат тўғрисида сиз нима дейсиз? — деб сўрадим.

У менга қаради, юзини қўли билан силади ва қаттиқ ғазаб ифодасини сидириб ташлагандай бўлди. Бу юзда яна қандайдир болалик ифодаси пайдо бўлди.

— Нима дедингиз? — деб сўради.

— Санъат тўғрисида сиз нима дейсиз?

У хотиржамлик билан деди:

— А, эҳа! Мен санъат устида бош қотириб ўтирумайман, тиккасига сотиб оламан-қўйман...

— Мен буни биламан. Лекин бу ҳақда сизнинг ўз қарашингиз ва унга нисбатан талабингиз бордир?

— А, эҳа! Албатта, талабларим бор... Санъат кулдирадиган бўлиши керак — мен шуни талаб қиласман. Ҳар ҳолда мени кулдирсан. Менинг ишимда куладиган чарса кам бўлади. Баъзан мияни тинчтадиган... баъзан эса аъзори баданни ғайратга келтирадиган нарсалар зарур. Шипга ёки деворга солинадиган санъат нусхалари иштаҳани очиши керак. Эълонлар энг яхши, энг ярқироқ бўёқлар билан ёзилиши лозим. Шундай бўлсинки, эълон чарлаган жойга сизни узоқдан, бир милча наридан бур-

нингиздан тортиб келтирсин. Ана шунда унга сарф қилинган пул бекор кетмайди. Ҳайкаллар ёки вазалар — мармар ёки чиннидан кўра бронзадан қилингани маъқул: негаки хизматкорлар чиннидан кўра бронзани камроқ синдирадилар. Хўroz уриштириш ва қаламуш тутиш жуда қизиқ бўлар экан. Мен Лондонда кўрдим... Жуда қизиқ! Бокс ҳам яхши, лекин бир-бирини уриб ўлдиришга йўл қўймаслик керак... Музикада ватанпарварлик руҳи бўлсин. Марш — ҳаммага ёқади, лекин Америка марши ҳаммасидан яхши. Америка — дунёда энг яхши мамлакат, шунинг учун ҳам Америка музикаси дунёдаги музикаларнинг ҳаммасидан аъло. Яхши одамлар бор жойда яхши музика бўлади. Америкаликлар ер юзида энг яхши одамлардир. Уларнинг пули ҳамманикidan кўп. Ҳеч қимнинг бизчалик пули йўқ. Шунинг учун ҳам яқин орада бутун дунё бизнинг қўлимиизга ўтади...

Мен бу хаста гўдакнинг худбинлик билан валақлашини эшитар ва Тасмания ёввойиларининг яхшилигини ўйлар эдим. Уларни ҳам одамхўр дейдилар, лекин уларда, ҳар ҳолда, нозик ҳислар кўпроқ тараққий этган.

Уз ҳаёти билан булғатган бир мамлакатни тилга олиб мақтанаверишига чек қўйиш учун, Сариқ Иблиснинг кекса қулидан сўрадим:

— Театрларга бориб турасизми?

— Театрга? О, албатта! Биламан, у ҳам санъатга киради!— деди ишонч билан.

— Сизга театрнинг нимаси ёқади?

— Яланғоч хонимлар ўйнааб турса, сиз тепада ўтириб томоша қилсангиз!— деди у, бир оз ўйлаб тургач.

Мен қизишиб сўрадим:

— Сизга театрнинг нимаси кўпроқ ёқади?

Оғзини карнайдай очиб хитоб қилди:

— О! Албатта мен ҳам эл қатори артист қизларни ёқтираман. Агар артист қизлар чиройли ва ёш бўлса,— улар ҳамма вақт санъатга монанддирлар. Лекин қайси бири чинакам ёш эканлигини дарҳол билиб бўлмайди. Ҳаммаси ҳам ўзини ёш кўрсатишга уринади. Биламан, уларнинг асл касби шунаقا. Баъзан ҳа-ҳа, ана шуниси қиз деб ўйлайсан! Кейин қарабсанки, ёши элликда, ўзи ҳам икки юздан ортиқ ўйнаш тутган. Буниси ёқмайди... Театрникidan цирк артист қизлари яхшироқ. Улар ҳамма вақт ёш ва дириллаб турган бўлади...

У, афтидан, бу соҳанинг омилкори кўринади. Бутун

умр гуноҳларга ботиб, суягим шу билан қотганига қарамай, мен ундан кўп нарсаларни биринчи марта эшитдим.

— Қалай, шеър сизга ёқадими?— деб сўрадим.

У этигига қараб ва пешонасини тириштириб туриб:

— Шеър?— деб такрор сўради. Бироз ўйлади ва бошини кўтариб ҳамма тишларини бира-тўла кўрсатган ҳолда гапирди.— Шеър? О, албатта! Менга шеър жуда ёқади. Агар ҳамма эълонларни шеър билан нашр қила-диган бўлса, турмуш, ҳаёт жуда хушчақчақ бўлиб кетар эди.

Мен иккинчи саволни беришга шошилдим:

— Сиз қайси шоирни севасиз?

Чол ҳайратланиб менга қаради-да, шошилмасдан сўради:

— Нима дедингиз?

Мен саволимни такрорладим.

— Ҳим... кўп аломат одам экансиз!— деди у шубҳа билан бош чайқаб.— Шоирнинг нимасини яхши кўрай? Уни яхши кўришнинг нима кераги бор?

Пешонамдаги терларни арта туриб:

— Кечиринг мени! — дедим.— Мен қайси китобни яхши кўрасиз деб сўрамоқчи эдим. Албатта, банка чеклари китобини айтмоқчи эмасман...

— О! Бу бошқа гап!— деди у.— Мен китобни яхши кўраман: инжил билан Бош Бухгалтерияни яхши кўраман. Уларнинг ҳар иккови ҳам ақлни оширади. Қайси бирини қўлга олсанг,— уларда зориқсан нарсангни беришга қодир бўлган куч борлигини сезасан.

«У мендан кулаёти!» деб ўйладим-да, юзига тикилиб қарадим. Йўқ. Үнинг кўзлари бу гўдакнинг астойдиллигига бўлган ҳар қандай шубҳани бекор қиласар эди. У ўз пўстлоғида қуриб қолган ёнгоқдай креслода ўтирап ва ўз сўзларининг чинлигига ишонгани ошкор кўриниб турар эди. У, тирноқларига қараб туриб, давом этди:

— Шундай! Булар жуда яхши китоблар! Бирини пайғамбарлар ёзган бўлса, иккинчисини ўзим бунёдга келтирганман. Менинг китобимда сўз кам, рақамлар бор. У рақамлар ҳалол ва астойдил ишлаган одамнинг нималар қилиши мумкинлигидан баҳс этади. Үлганимдан кейин ҳукумат менинг китобимни нашр қилиши керак. Одамлар мана шундай юксакликка кўтарилиш учун қандай йўллардан бориш кераклигини кўрсинлар.

Шу сўзларни айтиб, ғолиб кишининг тантанали бир қиёфаси билан теварагига қаради.

Суҳбатга хотима бериш заруратини сеза бошладим. Ҳар қандай одам ҳам оёқ-ости қилинишга бенарво қарай олмайди.

— Балки, фан тўғрисида бирон нарса дерсиз? — деб сўрадим.

У бармоғи ва кўзларини юқорига кўтарди-да, шилга қараб туриб:

— Фан тўғрисида? — деди. Кейин вақтни билиш учун соатни чиқариб қаради, қопқоғини ёпди ва занжирини бармоғига ўраб, соатни айлантириди. Шуларни қилгандан кейин бир хўрсиниб гап бошлади:

— Фан... ҳа, биламан! Фан ҳам китоблар деган сўз. Агар уларда Америка мақталган бўлса, фойдали китоблар. Лекин китобларда ҳақиқат кам тилга олинади. Улар... яъни китоб ёзадиган шоирлар кам пул топишса керак деб ўйлайман. Иш билан банд бўлган мамлакатда китоб ўқишга ҳеч кимнинг қўли тегмайди... Ҳа, шоирларнинг жаҳли чиқади, чунки уларнинг китобларини сотиб олмайдилар. Ҳукумат китоб ёзганларга яхши ҳақ тўлаши керак эди. Тўқ киши ҳар вақт мўмин ва хушчақчақ бўлади. Агар Америка тўғрисида умуман китоб керак бўлса, яхши шоирларни ёллаш лозим. Ана шунда Америка учун лозим бўлган китобларнинг ҳаммаси ёзилади. Вассалом!

— Фан чегарасини бир мунча торроқ белгилаяпсиз, — дедим. У, киприкларини юмиб, ўйланиб қолди. Кейин яна кўзларини очиб ишонч билан давом этди:

— Албатта, ўқитувчилар ҳам, файлусуфлар ҳам... фанга алоқадор кишилар. Профессорлар ҳам, доялар ҳам, тиш докторлари ҳам, биламан. Адвокатлар, докторлар, инженерлар ҳам All right. Булар зарур нарсалар. Яхши фан ёмон нарсани ўргатмаслиги керак. Лекин қизимнинг ўқитувчиси бир кун менга ижтимоий фанлар ҳам бўлади деб айтди... Мен бу нарсага тушунмайман. Мен буни заарли деб биламан. Социалист яхши фан яратади. Социалистлар умуман фанни яратмасликлари лозим. Фойдали ёки мароқли фанни Эдесон яратади, ҳа. Фонограф, синемограф — фойдали нарса. Фандан дам урадиган китоблар — беҳуда китоблар. Ақлда... ҳар хил шак-шубҳалар уйғотадиган китобларни

одамлар ўқимаслиги керак. Дунёда ҳар нарса ўз йўли билан боради... шунинг учун китобларни ишга аралаштириш ҳеч ярамайди.

Мен ўрнимдан турдим.

— О! Қетяпсизми?— деб сўради у.

— Ҳа!— дедим.— Ҳозир кетаётганлигим учун, ҳар ҳолда миллионер бўлишда қандай маъно борлигини балки тушунтириб берарсиз?

У жавоб ўрнига ҳиқиллаб, оёқлари диркиллай бошлиди. Балки, унинг кулиш одати шундай бўлса керак?

У нафасини ростлаб туриб:

— Бу одат!— деди.

— Нима одат?— деб сўрадим.

— Миллионерлик... бу ҳам бир одат!

Мен, бир оз ўйланиб тургач, сўнгги саволимни бердим:

— Саёқлар, қорадори чекувчилар ва миллионерлар — бир хил одат кишилари деб ўйласизми?

Бу сўзим уни хафа қилган бўлса керак. Кўзларини чақчайтирди ва уларга сариқقا мойил яшил тус бериб, қуруққина жавоб қилди:

— Назаримда, ёмон тарбияланган кишига ўхшайсиз.

— Хайр!— дедим.

У мени эшик олдигача илтифот билан узатиб қўйдида, этигининг учига диққат билан қараб, зинапояниң устки поясида тик туриб қолди. Уйи олдида текис қилиб қирқилган қалин кўкат тўла майдонча бор эди. Мен бу одамни ортиқ кўрмайман деган фикр билан роҳатланиб, шу кўкатлар устидан борар эдим.

Орқамдан:

— Ҳалло!— деган овозни эшилдим.

— Қайрилиб қарадим. У ҳамон бояги жойда, эшик олдида менга қараб турар эди.

— Ҳой, сизларнинг Европангизда ортиқча қироллардан борми?— деб салмоқланиб сўради.

— Назаримда, қиролларнинг ҳаммаси ҳам ортиқча!— деб жавоб бердим.

У ўнг томонига бир туфлаб:

— Яхши қиролдан иккитасини ёлласан қалай бўлар экан, а?— деди.

— Ёллаб нима қиласиз?

— Жуда қизиқ бўларди-да, билсангиз. Уларни шу ерда боксга солардим.

У ўй олдидаги майдончани ишора қилиб, савол оҳангода илова этди:

— Ҳар кун соат бирдан бир яримгача кураштирам, а? Нонуштадан кейин ярим соат вақтни санъатга бағишиласам — хўп ҳузур бўлади-да, соз бўлади.

У жиддий тусда гапириди ва авзойидан ўз ниятини амалга ошириш учун бутун кучини сарф қилажаги кўриниб турар эди.

— Бундай мақсад учун қиролларнинг нима кераги бор сизга? — деб сўрадим.

— Бу ердагиларда бунақаси топилмайди! — деб қисқагина изоҳ берди.

— Лекин қироллар фақат бирорларнинг қўли билан муштлашардилар-ку! — дедиму, кетавердим.

У яна чақирди:

— Ҳалло!

Мен яна тўхтадим. У, қўлларини чўнтакларига солиб, ҳамон бояги жойда турар эди. Юзида қандайдир орзу ифодаси бор эди:

— Нима дейсиз? — деб сўрадим. У лабини тишлаб туриб, секингина:

— Нима дейсиз, иккита қирол олсан, уларни уч ой мобайнинда ҳар кун ярим соатдан боксга солсан, шу неча пул турар экан-а? — деди.

1906

АХЛОҚ МУҲИБИ

У менинг ҳузуримга кечаси алламаҳалда келди-да, хонамга шубҳа билан назар ташлаб, оҳиста сўради:

— Ярим соатгина сиз билан хилватда суҳбатлашсан бўладими?

Унинг овозида ва буқчайганроқ, озгин гавдасида қандайдир сир ва ҳаяжон бор эди. У, узун ва қиррали суюкларини стул кўтараолмаслигидан чўчигандай, жуда эҳтиёт билан ўтириди.

— Деразанинг пардаларини тушира оласизми? — деб сўради секингина.

— Марҳамат! — дедим ва унинг истагини дарҳол ба-жо келтирдим.

Бош силкиб, ташаккур билдириди-да, дераза томонга имо қилиб, янада секинроқ овоз билан огоҳлантирди:

— Доим назорат қиласылар!

— Кимлар?

— Мухбирлар, албатта.

Мен диққат билан унга тикилдім. Анча тузук, ҳатто олифтароқ кийинган бұлса ҳам, әр қолда фақирға ўхшар әди. Уннинг саяги бўртиб турган тепакал боши унга камтар ва одобли киши қиёфасини бериб турарди. Йози жуда ориқ, соқоли тоза қирилган, сариф киприклари билан ярим беркингандын кулранг кўзлари гуноҳкорона жилмаяр әди. Кипригини кўтариб юзимга тик қараганида, мен ўзимни қандайдир паст, туманли бўшлиқ олдида ҳис этдим. У оёқларини стул остига букиб, ўнг қўлини тиззасига қўйиб, шляпа ушлаган чап қўлини пастга осилтириб ўтирибди. Узун бармоқлари бирор қалтирас, маҳкам жиплашган лабларининг иккى чети ҳорғинликдан осилган бўлиб, бу уннинг устидаги костюмининг қимматга тушганидан дарак бераётгандек әди.

Чуқур нафас олиб, деразага қиё боқди-да, сўз бўшлади:

— Ўзимни танитмоққа рухсат этинг, мен, ҳалигида, гуноҳкорликни касб қилган одамман...

Мен ўзимни уннинг сўзларини эшитмаганликка солдим ва ички ҳайратимни яшириб, сўрадим:

— Нима дедингиз?

— Гуноҳкорликни касб қилган одамман,— деди яна,— менинг касбим — ижтимоий ахлоққа хилоф жиноятлар қилиш...

Бу гап оҳангига камтарлық бор әди, холос; мен уннинг сўзларида, ёки юзида таассуфдан асар ҳам тополмадим.

— Сиз... бир стакан сув ичиб олмайсизми?— деб сўрадим.

— Йўқ, ташаккур!— деди ва гуноҳкорона жилваланган кўзлари тавдамга тикилди.

— Сиз, сўзларимни яхши тушунмаётгандага ўхшайсиз?

Мен ҳам европалик журналистлар сингари нодонликни такаллуфсизлик ниқоби остига яшириб, унга эътиroz билдиридим:

— Йўқ, нега тушунмай?

Аммо у менга ишонмади шекилли, шляпасини айлантириб туриб, камтарлық билан кулди ва сўзга киришди:

— Менинг кимлигим сизга аён бўлсин учун ўз фаолиятимдан бир неча фактлар келтираман...

У шу чоғ чүқур нафас олиб бошини қўйи солди. Мен унинг нафасида ҳорғинлик сезиб, яна ҳайратда қолдим.

У шляпасини аста айлантириб давом этди:

— Газетада бир одам ҳақида ёзиб чиққан эдилар... яъни бир ароқхўр ҳақида?.. Театрда бўлган жанжал ҳақида, эсингизда борми?

— Саҳнада ўйиннинг таъсири жойи келганда ўрчиндан сакраб туриб, шляпасини кийган ва биринчи қатордан туриб извошчими чақирган бир жаноб ҳақидами?— деб сўрадим.

— Ҳа!— деб тасдиқ этди ва мулојимлик билан қўшиб қўйди.— Ўша мен эдим. «Болаларни азобловчи йиртқич» деган мақоланинг чиқишига ҳам мен сабабчи, «ўз хотинини сотган эр» деган бошқа бир мақола чиқди, у ҳам менинг ҳақимда... Кўчада бир хонимни ножӯя таклифлар билан безовта қилган одам ҳам мен... Умуман мени камида ҳафтада бир марта газетага ёзадилар ва бу ҳар гал ахлоқнинг бузилганини исбот қилиш тўғри келганда бўлади.

У, бу сўзларни секин, жуда аниқ ва лекин мақтанимасдан сўзлади. Мен ҳеч нарса тушунмасам ҳам, буни унга билдиргим келмас эди. Барча ёзувчилар сингари, мен ҳам ўзимни доимо турмушни ва одамларни беш бармоқдай билган киши қилиб кўрсатаман.

— Ҳимм,— деб қўйдим файласуфларча.— Қалай ахир, бу хил машғулот сизга завқ бағишлайдими?

— Очиқ айтиш керакки, ёшлигимда бу машғулот менга завқ берар эди,— деди у,— аммо ҳозир мен қирқ бешга кирдим, уйланганман, икки қизим бор... Бу аҳволда ҳафтада икки-уч марта газетага ёзиб чиқсалар, албатта жуда ўнғайсиз. Топшириқни аниқ ва ўз вақтида бажариш учун мухбирлар ҳамиша кетимдан юрсалар...

Ҳайрон қолганимни билдирамаслик учун йўталдим, кейин ачингансимон сўрадим:

— Шундай дардингиз борми?

Бошини чайқаб «йўқ» ишорасини берди, шляпасини елпифич қилиб, юзини елпиди ва деди:

— Йўқ, ҳунарим. Мен сизга айтдим-ку: менинг касбим кўчада ва гавжум жойларда майда жанжаллар қўзғаш... Бюромиздаги бошқа ҳамкорларимиз бундан кўра масъулиятлироқ ва йирикроқ ишлар билан машғул

бўладилар, масалан: диний ҳиссиётни таҳқир қилиш, хотин ва қизларни бузиш, минг доллардан ортиқ бўлмаган миқдордаги молга ўғрилик қилиш...— У чуқур нафас олди, ён-атрофга боқди, яна тушунтириди:— ахлоққа хилоф бўлган ва бошқа қилиқлар... Мен эса фақат майда жанжаллар қўзғайман...

У худди ўз ҳунари ҳақида гапираётган ҳунармандай сўзлар эди. Бу ҳол менинг ғашимни келтирди ва истеҳзо билан сўрадим:

— Майда жанжаллар сизни қониқтирумайдими?

— Йўқ!— деди у соддалик билан.

Унинг соддалигига қарши бир нима деб бўлмас эди. Мен жуда қизиқа бошладим. Бир пас жим туриб яна сўрадим:

— Қамоқда бўлганмисиз?

— Уч марта. Умуман, мен штраф миқёсидагина иш кўраман. Лекин штрафларни, албатта, бюромиз тўлайди...

— Бюро?— деб беихтиёр такрорладим.

— Ҳо, албатта!— деди у кулиб.— Маълумки, мен ўзим штраф тўлай олмайман. Тўрт кишилик оила учун бир ҳафтага эллик доллар нима бўлади дейсиз...

— Шу ҳақда бироз ўйлаб олишга рухсат этинг,— деб ўрнимдан турдим,

— Марҳамат!— деб розилик билдириди у.

Мен руҳий қасалликларнинг барча турларини зўр бериб эсга олиб, уйда нари-бери юра бошладим. Ундағи дарднинг характеристини аниқламоқчи бўлсан ҳам, аниқлай олмас эдим. Бир нарса аниқ эди: бу одам ўзини улуғ деб билиш қасалидан холи эди. У ориқ ва қотма юзида мулојим жилмайиш акс этдириб, мени кузатар ва сабр билан кутар эди. Унинг қаршисида тўхтаб:

— Демак бюроларинг борми?— дедим.

— Ҳа,— деди у.

— Ҳизматчилар кўпми?

— Бу шаҳарда бир юз йигирма беш эркак ва етмиш беш хотин...

— Бу шаҳарда? Демак... Бюроингиз бошқа шаҳарларда ҳам бор экан-да?

— Мамлакатимизнинг ҳамма ерида бор, албатта,— деди у ва ғурур билан кулди

Ўз ҳолимга раҳмим келди.

— Лекин... Улар ахир... — деб қўрқа-писа сўрадим,— улар, у бюролар нима иш қиласди?

— Ахлоқ қоидаларини бузадилар,— деди у камтарлик билан ва стулдан туриб, креслога ўтирида, керишиб олиб, ошкора мароқ билан юзимга тикилди. Афтидан мен унга ёввойи бўлиб кўриндим-у, у, андишани йифиштириб қўйди.

«Нима бўлса бўлар,— дедим хаёлимда — ҳеч нарса тушунмаётганимни билдирамаслигим керак». Қўлларимни бир-бирига ишқалаб туриб, тетиклик билан айтдим:

— Бу қизиқ. Жуда қизиқ. Лекин... Бунинг нима кегари бор ўзи?

— Ниманинг?— деди қулиб у.

— Ана шу ахлоқ қоидаларини бузиш бюросининг.

У, ёш боланинг тентаклигидан кулган катталар сингари ҳузур қилиб кулди. Мен унга қарадиму, чиндан ҳам турмушдаги барча кўнгилсизликларнинг манбаи нодонлик экан, деган фикрга келдим.

— Сиз қандай ўйлайсиз, яшаш керакми?— деб сўради у.

— Албатта!

— Яхши яшаш керак дерсиз?

— Турган гап!

У одам ўрнидан туриб, менинг ёнимга келди ва кифтимга қоқиб:

— Ахлоқ қонунларини бузмай туриб, яхши яшаб бўладими, а?— деб сўради.

У мендан четроқ туриб, кўз қисди, пишган балиқни тарелкага ташлаган сингари, гавдасини креслога ташлади ва ёнидан сигара олиб, мендан рухсат сўрамай, чека бошлади. Сўнг яна давом этди:

— Карболовая кислота билан маймунжон ейишга кимнинг тоби бор?

У ёниб турган тугуртни полга ташлади.

Ўзи ҳар вақт шундай бўлади: Одам ўзининг ҳамсуҳбатидан устун эканлигини сезиб қолса, унга чўчқадай муомала қила бошлайди.

— Мен сизга тушунолмай қолдим,— деб иқрор бўлдим, юзига қараб.

У кулди ва деди:

— Мен сизнинг қобилиятингиз ҳақида яхшироқ фикрда эдим...

У ўзини яна ҳам әркинроқ сезиб, тамаки кулини полга ташлади, кўзини қисиб, тамаки тутунининг нозик ҳалқаларини киприк остидан томоша қилди, сўнгра билимдон кишидай гапира кетди:

— Кўриб турибманки, сиз ахлоқ масаласи билан унча таниш эмассиз...

Мен камтарлик билан эътиroz билдиридим:

— Йўқ, ахлоқ масаласи билан баъзан тўқнашиб турар эдим.

Сигарасини оғзидан олиб, учига бир қаради-да, файласуфларча деди:

— Пешонани деворга урган билан — деворни ўрганиб бўлмайди.

— Тўгри, мен бунга қўшиламан. Лекин, негадир мен ахлоқ масаласига ҳар тўқнашганимда, деворга урилган коптоқдай сакраб кетаман...

— Тарбиянгизда камчилик бор,— деди у ҳақиқатни очиб ташлаган кишидай.

— Бўлиши мумкин,— дедим.— Менинг бобом ахлоқ билимдоnlари ичида энг ашаддиси эди. У, жаннатга борадиган ҳамма йўлларни билар ва учраган кишини жаннатга йўллар эди. Ҳақиқат ёлғиз унинг ўзига аён эди ва у шу ҳақиқатни ўз оиласи аъзоларининг калласига учраган нарса билан уриб киргизар эди. Худонинг одамдан нима истаганини жуда яхши билар эди, у ҳатто ит билан мушукларни ҳам абадий роҳатга эриштириш мақсадида юриш-туришга ўргатар эди. Шу билан бирга бобом хасис ва золим эди, ҳамиша ёлғон гапирав, судхўрлик билан шуғулланар, барча ва ҳар бир ахлоқ билимдони юрагининг хусусияти бўлмиш қўрқоқнинг қаттиққўллигига мубтало эди, бўш ва ўнғай вақтларда уйдагиларни қўлига тушган нарса билан урап эди. Мен бобомни бироз юмшатиш мақсадида унга таъсир қилишга уриндим: бир марта чолни деразадан ирғитиб ташладим, яна бир куни ойна билан туширдим. Дераза ва ойна парчаланиб кетди, лекин бобом ўшандоқлигича қолаверди. У ахлоқ донишманди бўлганича ўлиб кетди. Мен эса ўшандан бери ахлоқ масаласига жирканиб қарайман. Балки сиз менга ахлоқ масаласи билан ярашишга ёрдам берувчи бирор гап айтарсиз? — деб таклиф қилдим.

У соатини олиб қаради ва деди:

— Сизга лекция ўқиши учун вақтим йўқ... Лекин бу ерга келиб қолган эканман, майли, бошлаган ишни та-

момлаш керак. Балки, сиз ҳам менинг учун бирор хизмат қила оларсиз... Мен чўзиб ўтирмайман...

Яна кўзларини қисди ва улуғворлик билан сўзлай бошлади:

— Ахлоқ сиз учун зарур, буни эсда тутиш керак! У нима учун зарур? Чунки у ҳар вақт сизнинг шахсий тинчлигингизни, сизнинг ҳуқуқларингизни ва мулкингизни қўриқлайди,— бошқача айтганда, у «яқин кишингиз»нинг манфаатларини ҳимоя қиласи. «Яқин киши» — ўзингиз, доимо фақат ўзингиз, бошқа киши эмас, тушундингизми? Агар сизнинг чиройли хотинингиз бўлса, атрофингиздаги ҳамма кишига «Ўз яқин кишингинг хотинига кўз олайтирма» деб айтасиз, агар одам пул, ҳўқиз, қул ва эшакка эга бўлиб, ўзи аҳмоқ бўлмаса, у одам — ахлоқ билимдони. Ҳамма зарур нарсангиз муҳайё бўлса ва бу нарсаларни ёлғиз ўзингиз учун сақлаб қолишни истасангиз, ахлоқ сиз учун фойдали. Агар бошингиздаги сочдан бошқа ҳеч нарсангиз бўлмаса, ахлоқ сиз учун фойдасиз.— У ўзининг яланғоч калласини силаб қўйиб, давом этди:

— Ахлоқ — ўз манфаатларингизнинг соқчиси, сиз уни атрофингиздаги кишилар кўнглига сингдириш учун урининг, кўчага сиз полицияларни, айғоқчиларни қўясиз, одамлар орасида талай принципларни тарғиб этасиз, бу принциплар одамлар миясига сингиб, унда сизга зид бўлган, сизнинг истак, ҳуқуқларингизга хавф соладиган барча фикрларни боғлаш, бўғиши ва йўқ қилиш учун хизмат қиласи. Йқтисодий зиддиятлар кўзга кўриниб турган жойда ахлоқ масаласи қаттиқроқ қўйилади. Пулим қанчалик кўп бўлса, мен ахлоқни шунчалик қаттиқ туриб тарғиб қиласман. Мана шунинг учун, давлатманд одамлари шу қадар кўп бўлган Америкадагилар томонидан ахлоқ масаласи юз от кучига teng қувват билан тарғиб қилинади. Тушунарликми?

— Ҳа,— дедим,— лекин бюро нимага керак, ахир?

— Сабр қилинг,— деб эътироуз билдириди у ва мұтабар насиҳатгўй сингари қўлини кўтарди,— шундай қилиб, ахлоқдан мақсад — сизни тинч қўйиш кераклигини бошқаларга англашиб. Аммо, сизда пул кўп бўлса, орзулагингиз ҳам кўп, орзуларни юзага чиқаришнинг тўла имконияти ҳам бор, шундайми? Бироқ ахлоқ принципларини бузмай туриб, кўп орзуларингизни юзага чиқара олмайсиз... Нима қилиш керак? Ўзинг инкор қилган нарсани одамлар ўртасида тарғиб қилиш мумкин эмас:

бу ярашмайди, одамлар ҳам ишонмаслиги мумкин. Ахир одамларнинг ҳаммаси аҳмоқ эмас... Айтайлик, сиз майхонада ўтирибсиз, шампан виносини ичаётибсиз, жуда чиройли хотинни ўпмоқдасиз, гарчи у сизнинг хотинингиз бўлмаса ҳам... Ҳамма учун мажбурий бўлган одоб нуқтаи назаридан қараганда, бундай машғулот ахлоқсизликдан иборат. Аммо, шахсан сиз учун бу тарзда вақт ўтказиш бир зарурат: бу сизнинг севимли одатингиз, бу сизга кўп лаззат беради. Сизда савол туғилади: лаззатли нуқсонлардан тийилиш назарияси билан шу лаззатларга бўлган ишқибозлигингизни қандай қилиб келишитириш керак? Бошқа бир мисол: сиз ҳаммага — ўғрилик қилма! дейсиз. Агар ўз молингизни ўғирлай бошласалар, сизга сира ёқмайди, шундай эмасми? Лекин айни замонда, ёнингизда пулингиз бор бўлса ҳам яна бироз ўғирлашни тоқатсизлик билан истайсиз. Учинчи мисол: сиз — одам ўлдирма! деган принципни қатъият билан тарғиб қиласиз. Чунки сиз учун ҳаёт қадрли, у ширин, лаззатларга тўла. Бирдан кўмир конингиздаги ишчилар маошни кўпайтиришни талаб қилиб қолдилар. Сиз беихтиёр солдатлар чақиртириб, бир неча ўнлаб ишчини отдириб ташлайсиз! Ёки масалан: чиқарган молингиз ўтмай қолди. Сиз бу аҳволни ҳукуматингизга маълум қиласиз ва сиз учун янги бозор очишни талаб этасиз. Ҳукумат сизга марҳамат қилиб, Осиёга ёки Африкага озгина қўшин юборади ва бир неча юз ёки бир неча минг ерли аҳолини қириб ташлаб, сизнинг истагингизни бажо келтиради... Буларнинг ҳаммаси сизнинг одамшавандалик, ўз ўзини тийиш, тўғрилик ҳақидаги тарғиботларингизга ҳеч мос келмайди. Лекин, ишчиларни ёки ерли аҳолини қириб, сиз давлат манфаатлари деган баҳонада ўзингизни оқлай оласиз, чунки одамлар сизнинг манфаатларингизга бўйсунмаса, давлат яшай олмайди. Давлат — сиз демак, агар сиз бадавлат бўлсангиз. Албатта сизнинг бузуқлик, ўғрилик каби майда-чўйда билан шуғулланишингиз анча қийин. Умуман бадавлат одамнинг мавқеи фожиалидир. Уни, албатта, ҳамма севиши керак, унинг мулкининг бутунлигига таҳдид қилишдан ҳамма сақланиши керак, унинг одатларини ҳеч ким бузмаслиги керак, унинг хотини, синглиси ва қизларига нисбатан ҳамма беғараз бўлиши керак. Айни замонда, унинг ўзи учун одамларни севиш, ўғриликдан тийилиш, хотинларга нисбатан беғараз бўлиш ва бошқалар асло шарт эмас — аксинча! Бу

ишлар унинг шахсий фаолиятини сусайтиради ва ишдағы ютуқларига шаксиз зарар етказди. Одатда, унинг бутун ҳаёти яхлит ўғриликдан иборат, у минглаб одамларни, бутун мамлакатни талайди, бу сармоянинг кўпайиши учун, яъни мамлакатнинг тараққийси учун зарур, тушуняпсизми? У ўнлаб хотинларни бузуқликка бошлайди,— бу бекорчи одам учун жуда кўнгилли машғулот. У бирорвни нега севсин? Бутун одамлар унинг назарида икки гуруҳга бўлинади: бир гуруҳини у талайди, яна бир гуруҳи эса шу машғулотда у билан рақобат қиласди.

Масалани яхши билганим учун ўзидан мамнун бўлган нотиқ жилмайиб қўйди ва чекаётган сигарасининг қолдигини бурчакка ирғитиб, давом этди:

— Шундай қилиб ахлоқ бойлар учун фойдали ва барча одамлар учун заарли, аммо айни вақтда, у давлатмандларга керак эмас ва барча одамларга зарур. Мана шунинг учун ахлоқ донишмандлари ахлоқ принципларини одамларга зўрлаб сингдиришга уринадилар, ўзлари эса ахлоқни галстук ва қўлқоп сингари ташқи безак ўрнида ишлатадилар. Ўндан кейин, одамларни ахлоқ қонунларига бўйсуниш зарурлигига қандай инонтириш керак? Муттаҳамлар орасида виждонли бўлишдан ҳеч кимга фойда йўқ. Лекин агар ишонтира олмасангиз, гипноз қилинг. Бу чора доимо муваффақиятли чиқади...

У бош қимиратиб, ўз фикрини яна тасдиқ қилди ва қўз қисиб, такрор айтди:

— Ишонтира олмасангиз, гипноз қилинг!

Сўнгра қўлини тиззамга қўйиб, юзимга қаради ва овозини пасайтириб, давом этди:

— Ўндан кейин... Бу ўз орамиздаги гап, хўпми?

Мен бош силкиб «хўп» дедим.

— Мен хизмат қилаётган бюро афкори оммани гипноз қилиш билан шуғулланади. Бу — Американинг ажойиб муассасаларидан бири, шунга эътибор қилинг! — деди фуур билан.

Мен яна бош силкиб «хўп» дедим.

— Сиз биласизми,—деди у,— бизнинг мамлакатимиз ёлғиз бир истак билан -- пул ясаш истаги билан яшайди. Бу ерда ҳамма бой бўлгуси келади ва одам — бир неча зарра олтин чиқариб олиш мумкин бўлган бир хомашё холос. Бутун ҳаёт одамнинг гўшт ва қонидан олтин чиқариш жараёнидан иборат. Халқ бу ерда сариқ металл берадиган руда, эшитишимча, ҳамма жойда ҳам шундай.

Тараққиёт бу ерда омманинг жисмоний кучини бир жойга тўплаш, яъни одамнинг гўши, суяги ва асабларини йиғиб, ундан олтин ясашдан иборат. Ҳаёт соддагина тузилган...

— Бу сизнинг шахсий фикрингизми? — деб сўрадим.

— Буми? Иўқ, албатта, — деди ғурур билан, — бу, шундай, кимнингдир хаёли... Бу менинг калламга қандай қилиб кириб қолганини билмайман... Мен тентаклар билан гаплашгандагина бу фикрдан фойдаланаман... Давом этаман... Бу ерда нуқсонлар билан шуғулланишга халқнинг вақти йўқ, бунинг учун халқда бўш вақт қолмайди. Узлуксиз меҳнат одамни шу қадар ҳолдан тойдирадики, у ўзининг дам олиш вақтида гуноҳ қилиш учун на куч, на истакка эга бўлади. Одамларнинг ўйлашга вақти йўқ, бир нарсани исташга қуввати йўқ, улар фақат иш билан, иш учун яшайдилар ва бу ҳол уларни жуда ахлоқли ҳаёт кечиришга мажбур этади. Агар баъзан байрам кунларида бир неча йигитлар бир жуфт ҳабашни осиб қўйсалар, бу ахлоқда хилоф бўлмайди, чунки ҳабаш оқ одам эмас, бунинг устига бу ерда ҳабаш жуда кўп. Ҳамма ўзини маълум даражада сипо тутади, киши кўзига ахлоқли кўринувчиларнинг эски тор рамкалари ичидан сиқилган ҳаракатсиз ҳаётнинг умумий кўнгилсизлигига ахлоқ принципларининг ҳар қандай бузилиши қора доғ сингари кўзга яққол ташланади. Бу — яхши, лекин бу — нобоп. Жамиятнинг юқори синфлари қуий синфларнинг ахлоқи билан фахрланса бўлади, аммо, айни вақтда, бу ахлоқ бойларнинг эркин ҳаракат этишига халал беради. Уларда пул бор — демак, улар ахлоқ билан ҳисоблашмасдан истаганларича яшашга ҳақли. Бойлар — хасис, тўқлар — идрокли, бекорчилар — бузуқ. Бурган ўт семиз тупроқда ғовлагани сингари, бузуқлик ҳам тўқликтан келиб чиқади. Нима қилиш керак? Ахлоқни ишкор қилиш керакми? Бу — мумкин эмас, чунки бу — аҳмоқлик. Одамларнинг одобли бўлиши сен учун фойдали бўлса, ўз нуқсонларингни яшира бил... Мана шу. Бунда бир оз янгилик бор...

У ён-атрофга қараб, овозини яна пасайтирди:

— Шундай, Нью-Йоркда юқори синф вакиллари ажойиб яхши бир фикрга тармашиб олдилар, улар мамлакатда ахлоқ қонунларини ошкора равишда бузадиган яширин жамият тузишга қарор бердилар. Аъзолик бадали йиғиши йўли билан кўп сармоя тўпланди ва мамлакат-

нинг турли шаҳарларида, яширин равишда, албатта, афкори омманни гипноз қилиш бюролари очилди. Мана, сизнинг камина қулингиз каби ҳар хил кишиларни ёллаб, уларга ахлоққа хилоф бўлган жиноятлар қилиш вазифасини юкладилар. Ҳар бир бюрога хизматчиларнинг фанниятига раҳбарлик кўрсатувчи ва уларга топшириқлар берувчи ишончли ва тажрибали бир одам бошчилик қиласиди... Одатда у киши бирорта газетанинг муҳаррири бўлади...

— Мен бюроларнинг мақсадини тушунмаётирман!— дедим ғамгинлик билан.

— Оддий гап!— деди у. Бирдан унинг юзида ташвиш кўрипди, ниманидир тоқатсизлик билан кутаётгандай бўлди. Ўрнидан турди ва қўлни орқасига қўйиб, хонада нари-бери юра бошлади.

— Оддий гап!— деб тақрорлади у,— мен сизга айтдим-ку, қуий синфлар вақт йўқлигидан кам гуноҳ қила дилар. Ахлоқнинг бузилиши зарур ахир, уни қари қиз сингари ҳосилсиз қолдириш ярамайди. Одамлар ахлоқ тўғрисида доим қичқириб турсинлар, бу жамиятни кар қиласиди, унга ҳақиқатни эшлишга имкон бермайди. Агар дарёга жуда кўп пайраҳа ташланса, улар орасида катта хода ҳам кўзингизга илнимай оқиб ўтиши мумкин. Ёки, агар сиз ёнингизда турган кишининг чўнтағидан ҳамёни ни эҳтиётсизроқ суғириб олсангиз, аммо ҳалқнинг диққатини айни вақтда бир ҳовуч писта ўғирлаган болага қарата олсангиз, сиз шу билан жанжалдан қутилиб кетасиз, лекин «ўғри!» деб қаттироқ қичқиришингиз керак. Бизнинг бюромиз йирик жиноятларни ҳаспўшлаш мақсадида жуда кўп майда жанжаллар қўзғаш билан шуғулланади.

У чуқур нафас олди, хонанинг ўртасида туриб, бироз жим қолди.

— Масалан шаҳарда бир ҳурматли ва обрўйли одамнинг ўз хотинини урганилиги ҳақида гап тарқалди. Бюро тезда менга ва бошқа бир неча ҳамкоримга ўз хотинларимизни уришни топширди. Биз урамиз. Хотинларимиз ҳам, албатта, шу ишга бел боғлаган ва урганимизда жуда қаттиқ додлайдилар. Бу ҳақда барча газеталарда ёзилади. Газеталар кўтарган шов-шув остида ҳалиги ўз хотинини урган обрўйли одам ҳақидаги гап ҳамманинг эсидан чиқиб кетади. Газетада чиққан фактлар тургандада аҳоли орасида тарқалган гап-сўзнинг аҳамияти қолади.

ми? Ёки сенаторларнинг сотқинлиги ҳақида гап тарқалади. Бюро дарҳол бир неча полиция мансабдорларини сотиб олишни уюштиради ва уларнинг сотқинлигини халқ олдида фош этади. Яна фактлар олдида овоза аҳамиятини йўқотади. Юқори жамият аъзоларидан бири хотин кишини ҳақорат қилган. Шу соатдаёқ ресторонларда, кўчаларда бир қанча хотинларни ҳақорат қилиш ҳодисаси ташкил қилинади. Юқори жамият вакилининг гуноҳи шу хил ҳодисалар орасида бутунлай сезилмай кетади. Биз ҳар ишда ва ҳар қачон шундай иш тутамиз. Улгуржи ўғриликлар, жуда кўп майдага ўғрилик ҳодисалари билан ва умуман ҳамма улгуржи жиноятлар жуда кўп майдага жиноятлар билан хаспўшланади. Бюромизнинг фаолияти ана шундан иборат.

У деразага яқинлашиб, эҳтиёт билан кўчага қаради ва яна стулга ўтириб, секин овоз билан сўзда давом этди:

— Бюро Американинг юқори синфларини халқ нафратидан ҳимоя қиласди, айни вақтда ахлоқ қонунларининг бузилиши ҳақидаги доимий шов-шувлар ёрдамида, бойларнинг бузуқлигини яшириш учун ташкил этилган майда жанжаллар билан халқнинг бошини айлантиради. Халқ ҳамиша гипнозланган ҳолатда туради, мустақил ўйлаб кўришга унинг вақти йўқ, у фақат газеталар овозини тинглайди. Газеталар миллионерларга қарашли, бюроларни ҳам улар ташкил қилган?.. Тушунаётирсизми? Бу жуда ажойиб иш...

У жим қолди ва бошини эгиб, хаёл сурди.

— Раҳмат сизга!— дедим,— сиз менга кўп қизиқ гаплар айтдингиз.

У бошини кўтариб, менга мунгфайиб боқди.

— Ҳа-а, бу қизиқ албатта,— у секин ва ўйчанлик билан гапира бошлади,— лекин мен бундан чарчадим. Мен оиласлик одамман, уч йил бундан муқаддам уй солган эдим... Бироз ором олгим келди. Менинг хизматим оғир. Жамиядага ахлоқ қонунларига ҳурмат сақлашга кўмаклашмоқ! Бу чиндан ҳам енгил иш эмас. Ўйлаб кўринг; ичкилик мен учун зарарли, аммо мен ичишим керак, мен хотинимни ва оиласмининг тинч ҳаётини яхши кўраман, лекин ресторанларда юриш, жанжал қўзғашга мажбурман. Ўзимни доим газета саҳифаларида кўришим керак... Газеталар мени бошқа ном билан ёзадилар, албатта. Лекин ҳар ҳолда... Бир вақт келиб ўзим-

нинг ҳақиқий исмим очилиб қолса... шаҳардан кўчиб кетишга тўғри келади... Менга маслаҳат беринг, мен ўз ишим ҳақида сизнинг фикрингизни билгани келдим... Бу жуда чалкаш иш...

— Гапириңг! — дедим.

— Биласизми,— деб гап бошлади у,— сўнгги вақтларда жанубий штатларнинг юқори синф вакиллари орасида ҳабаш қизларидан ўйнаш тутиш одат бўлган... Бирданига иккита ва учтадан. Бу тўғрида гап тарқай бошлади. Хотинлар ўз эрларига норозилик билдиromoқдалар. Баъзи газета идораларига ўша хотинлардан ўз эрининг хиёнатини фош этувчи хатлар ҳам келган. Қаттиқ жанжал қўзғалиши мумкин. Бюро дарҳол бир неча жойда «қарши-фактлар» (бизда шундай сўз бор) ташкил этишга киришди. Ўн уч агент — шу жумладан мен ҳам — ҳабаш қизларидан ўйнаш тутишимиз керак. Бирданига иккитадан ёки учтадан.

У асабий равишида стулдан сакраб турди ва қўлини камзулининг чўнтағига қўйиб:

— Мен буни бажара олмайман! — деди.— Мен хотинимни яхши кўраман... у ҳам бунга йўл қўймайди, асосий масала мана шунда! Ниҳоят, агар биттагина бўлса ҳам эди...

— Рад қилинг! — деб маслаҳат бердим.

У менга афсуслангандай назар ташлади.

— Ҳафтасига эллик долларни менга ким беради? Муваффақиятли чиққандаги мукофотларни ким беради? Йўқ, бу маслаҳатингиз ўзингизга буюрсин... Америкаликлар ўлган кунининг эртасига ҳам пулдан бош тортмайди. Бошқа бирор маслаҳат беринг.

— Бу менга қийин,— дедим.

— Жим! Нимага қийин? Сиз, европаликлар, ахлоқ масаласида жуда енгилтаксиз... сизларнинг бузуқлигиниз бизга маълум.

Буни у сўзининг тўғрилигига қатъий ишонган ҳолда айтди.

— Менга қаранг,— деди у менга томон эгилиб,— эҳтимол сизнинг европалик танишларингиз бордир? Ишона-манки, бўлса керак.

— Нима эди? — деб сўрадим.

— Нима эди, дейсизми?

У мендан бир қадам чекиниб ва драматик қиёфада туриб давом этди:

— Мен ҳабаш қизлари билан бўладиган вазифани зиммамга ололмайман. Ўзингиз ўйлаб кўринг: хотиним бунга йўл қўймайди, мен уни яхши кўраман. Йўқ, мен зиммамга ололмайман!

У бошини қаттиқ силкиди ва тепакал бошини силаб, сирли товуш билан гапирди:

— Балки сиз менга шу иш учун европаликлардан бирор кишини тавсия эта оларсиз? Европаликлар ахлоқни инкор этадилар, уларга барибир! Камбағал муҳожирлардан бирортаси йўқми, а? Ҳафтасига ўн доллар тўлайман, хўпми? Кўчада ҳабаш қизлари билан ўзим юраман... Умуман ҳамма ишни ўзим қиласман, у киши фақат бола туғдириш масаласида ғамхўрлик қилса бас... Масалани шу бугун кечгача ҳал қилиш керак... Ўйлаб кўринг, агар жанубий штатдаги бу ишни ўз вақтида ҳар хил майдачуйда ишлар билан ҳаспўшламасак, жуда катта жанжал қўзғалиши мумкин. Ахлоқ ва одоб манфаатлари учун ишни тезлатиш зарур.

...У хонамдан қочиб чиқиб кетганидан кейин, мен дераза ёнига келиб, унинг яланғоч калласига тегиб лат еган қўлимни совутиш учун ойнага босдим.

У дераза тагида туриб, менга қандайдир имолар қиласар эди.

— Сизга нима керак? — деб сўрадим деразани очиб.

— Мен шляпамни қолдирибман, — деди камтарлик билан.

Шляпасини полдан олиб, кўчага улоқтиридим. Деразани ёпар эканман, жиддий савол эшитдим.

— Ҳафтада ўн беш доллар берсам-чи? Бу яхши ҳақ-у, ахир!

1907

ИТАЛИЯ ҲАҚИДА ЭРТАҚЛАР*

Хаётнинг ўзи яратган эртаклар
энг яхши эртаклардир.

Андерсен

* * *

Неаполда трамвай ишчи-хизматчилари иш ташлади-лар: Ривьера Кияннинг бошидан очиригача бўш вагонлар тизилиб кетди. Фалаба майдонига эса трамвай ҳайдовчилар ва кондукторлар тўпланди. Улар хушчақчақ, сершовқин, симоб сингари юргурдак эди. Уларнинг тепаларида, боғнинг панжаралари устидаги ҳавода қилич сингари юпқа фонтан отилиб турибди. Трамвайчиларни катта шаҳарнинг ҳар томонига иш билан бориши керак бўлган ғазабнок кишилар ўраб олган. Булар — гумашталар, фабрика-завод ишчилари, майда савдогарлар, тикувчилар — иш ташлаганларга зарда қилиб, бақириб койишиади. Аччиқ сўзлар, илмоқдор киноялар эшитилиб туради, қўлларини пахса қилиб тинмай гапиришади. Неаполликларнинг тиллари билан қўллари бир-бирига жўр бўлиб гапиради.

Денгиздан майин шабада эсади. Шаҳар боғининг каттакон хурмо дараҳтлари ям-яшил шоҳларини елпифичдай аста тебратади. Уларнинг танаси баҳайбат филларнинг

* «Италия ҳақида эртаклар» винг рақам қўйилган белгилари бор. Бу нашрига қўйидаги рақамлар кирган: I, II, III, IV, VII, VIII, XI, XII, XIV, XX, XXII, XXVI.— Ред.

қўпол оёқларига ўхшаб кетади. Неаполь кўчаларидағи ярим яланғоч болалар ҳавони шовқин ва кулгига тўлдириб, чумчуқлардай чуғурлашиб юради.

Қадимий ўймакорлик сингари шаҳар жазира мағозаси офтобга буланган ва орган сингари сероҳанг куйлайди; кўрфаздаги кўм-кўк тўлқинлар норозилик ва қичқириқларни босиб, қирғоқ тошларига чилдирма чалингандай гумбурлаб уриларди.

Иш ташловчилар оломоннинг бақиришларига эътибор этмай, қовоқларини солиб, бир-бирининг пинжига суқилади, боғ панжаралари устига чиқиб, одамларнинг тепасидан бамайлихотир кўчага қарайди. Улар итлар ўраб олган бўрилар галасига ўхшайди. Ҳаммага маълумки, бир хил кийинган бу одамлар бир-бирлари билан қатъий қарор асосида маҳкам бирлашган — улар ён бермайди. Бу эса оломоннинг жигига бадтар тегади, бироқ улар ўртасида бамайлихотир папиросини тутатиб, иш ташловчиларнинг ашаддий душманларига насиҳат қилувчи файласуфлари ҳам бор. Улар:

— Э, синъор! Бола-чақага макарон етмаса, нима қилишсин! — дейди.

Муниципиал полициясининг олифтанамо агентлари иккита-учтадан бўлиб, экипажлар юришига оломон халақит бермаслигини кузатиб туради. Улар айбланувчиларга ҳам, айловчиларга ҳам бирдай, иккала томонга ҳам бамайлихотир қарашади, қўлларни пахса қилишлар ва бақиришлар ҳаддидан ошганда у ёққа ҳам, бу ёққа ҳам очиқ кўнгиллик билан ҳазиллашади. Жиддий тўқнашувнинг олдини олиш мақсадида тор кўчада девор бўйлаб калта ва енгил миљиқларини ушлаганиларича карабинёрлар отряди турибди. Булар машъум ишлар учун белгиланган бўлиб, учбурчак бош кийими, калта плашч кийган, шимларида бир жуфт қон томчисидай қип-қизил лампаслари бор.

Сўкишишлар, мазақ қилишлар, таъналар ва панду насиҳатлар дабдурустдан тўхтайди, оломон тепасидан қандайдир янги, гўё кишиларни яраштирувчи бир шабада учиб ўтгандай бўлади,— иш ташловчилар хўмрайиброқ қарашади, шу билан бирга маҳкамроқ жисплашади, оломон ичидан:

— Солдатлар! — деган товуш эшитилади.

Иш ташловчиларни масхара қилиб ва хурсанд бўлиб ҳуштак чалишади, табрик хитоблари қулоққа чалинади,

енгил кул ранг костюм ва бошига панама кийган қандай-дир бир семиз киши оёгини катта кўча тошига уриб, ўйин туша бошлайди. Кондукторлар, трамвай ҳайдовчилар оломонни базур ёриб ўтиб, вагонларга қараб йўл олади. Баъзилари вагонларга чиқади, уларнинг қовоқларидан қор ёғиб кетади, оломоннинг гап-сўзига қўрслик билан жавоб бериб, йўл беришга мажбур қиласди. Жимлик чўкади.

Денгиз қирғоидаги Санто Лючий кўчасида майдада кул ранг солдатчалар оёқларини бир текис ташлаб, чап қўлларини машинадай бир хилда силтаб келишяпти. Улар тунукадан ясалгандай, мурватли ўйинчоқлардай жиккак. Уларнинг қошини чимирган ва лабини нафратомуз қийшайтирган чиройли новча офицер бошлаб кетяпти. Унинг ёнида цилиндр кийган семиз одам сакраб-сакраб чопқиллайди. У тинмай қўлини ҳаракатлантириб, ҳавони кесиб, бетўхтов алланарсани гапиради.

Халойиқ вагонлар атрофидан гуриллаб орқага тисарилди. Солдатлар уларнинг олдига ўтиб, кул ранг маржонлар сингари ҳар томонга сочилди-да, вагонларнинг эшиклари олдида тўхтади. Эшикларнинг олдида эса иш ташловчилар турибди.

Цилиндр кийган ва уни ўраб олган яна қандайдир басовлат кишилар қўлларини жаҳл билан силтаб бақиришади:

— Охирги марта... *ultimavolta!** эшитяпсанларми?

Офицер бошини унинг томонига буриб эринибгина мўйловини бурайди. Семиз киши цилиндрини силкитиб чопиб келади ва негадир хириллаб бақиради. Офицер унга кўз қирини ташлаб қаддини ростлайди, кўкрагини чиқаради ва қаттиқ команда эшитилади.

Шундан сўнг солдатлар ҳар қайси вагонга иккитадан сакраб-сакраб чиқишиади, шу онда вагон ичидан трамвай ҳайдовчилар, кондукторлар тўпирлаб тушади.

Оломонга бу кулгили кўринади — бўкиришлар, ҳуштакбозлик бошланади, кулги кўтарилади, лекин шу заҳоти тинади. Одамлар анграйиб, кўзларини катта-катта очганча, вагонлардан аста чекиниб, ҳаммалари биринчи вагонга томон боришади.

Уша вагоннинг фиддиракларидан икки қадам нарида соchlари оқарган, бошидан фуражкасини ечиб, солдат

* Охирги марта! (*Италянча*) — Ред.

башарали трамвай ҳайдовчи рельсда кўриниб турибди. У осмонга қараб ётибди, мўйловлари даҳшатли равишда диккайиб турибди. Ҳали ёш, маймундай эпчил ўсмир унга ёима-ён ёта қолди. Унинг орқасидан яна бошқалари шошилмай ерга юмалашади...

Оломон ғувиллайди, қўрқа-писа биби Марямдан мадад сўрашлар эшитилади, баъзилар тўнғиллаб сўкинади, чинқиришади, хотинлар оҳ-воҳ қилишади, бу ҳодисадан ажабланган болалар резина коптокдай ҳамма ёқда дик-дик сакрашади.

Цилиндрли киши йиғлоқи товушда нимадир деб бақиради. Офицер унга боқиб елкасини қисади: у ўз солдатлари билан трамвай ҳайдовчиларнинг ўрнини олиши керак, лекин унинг қўлида иш ташловчилар билан курашув ҳақида буйруқ йўқ.

Шундан сўнг цилиндрли киши атрофдаги қандайдир хушомадгўй кишилар билан карабинёрлар томонга югурди. Мана улар қўзғалишди, яқинлашли, рельсга ётиб олганларнинг тепасига энгашдилар, уларни кўтариб олмоқчи бўладилар.

Кураш бошланади. Олатўполон. Лекин бирданига бутун кул ранг, чаңг босгац томошабин ҳалойиқ чайқалди, бўкирди, чинқирди, рельслар томон югурди. Панама кийгани киши бошидан қалпоғуни юлиб олди-да, осмонга отди ва иш ташловчиларнинг елкасига қоқди-да, далда берувчи овозда бақириб, биринчи бўлиб, унинг ёнига ётади.

Унинг ортидан, қандайдир қувноқ, шўх одамлар, худди оёқлари кесилгандай рельсларга юмалай бошладилар. Бу одамлар бундан икки минут олдин бу ерда йўқ эди. Улар ерга юмалар, бир-бирига юзларини қийшайтириб кулишар, офицерга қараб бақиришар. Офицер бўлса қўлқопини цилиндрли одамнинг тумшуғи тагида ўйнатиб, жилемайиб, чиройли бошини силкитиб, унга ниманидир дерди:

Рельсларга эса ҳамои одамлар думалар, хотинлар ўзларининг саватларини, қандайдир бўғчаларини ташлар, болалар эса худди совуқ қотган кучуклардай ғужанак бўлиб ётиб олишар, қандайдир тузуккина кийинган одамлар у ёқда-бу ёққа афнааб, тупроққа буланишар эди.

Бешта солдат биринчи вагоннинг эшигида туриб, фидираклар тагида ётгац гавдаларга боқиб, чайқалишиб, тутқичларни ушлаб, бошларини орқага ташлаб, эгилиб-

букилиб хаҳолаб кулишарди. Энди улар заводда ясалған тунука қўғирчоққа ўхшамас эди.

... Ярим соатдан кейин бутун Неаполь бўйлаб чинқириб, ғижирлаб трамвай вагонлари чопа бошлади. Эшиклар олдида ғолиблар хушнуд жилмайиб туришади. Улар вагон ичидаги ҳам юриб, мулоимгина:

— Бильетти?!— деб сўрашади.

Одамлар уларга қизил ва сариқ қофозларни узатиб туриб, кўзларини қисишиади, жилмайишади, очиқ қўнгиллик билан гап отишади.

* * *

Генуяда, вокзал олдида кичкина майдонда ҳалқ гавжум — уларнинг аксарияти ишчилар, лекин башанг кийинган, семиз одамлар ҳам анча. Оломонга муниципалитет аъзолари бошчилик қилади, уларнинг тепаларида шаҳарнинг чиройли шоҳи байроғи ҳилпираб турибди, унинг билан ёнма-ён ишчи ташкилотларининг ранго-ранг байроқлари ҳилпираиди. Олтин шокилалар, попуклар ва боғичлар ялтирайди, байроқ учидаги найзалар порлайди, шойи шилдирайди ва оҳиста хор сингари куйлаётган тантанали кайфиятдаги оломон гувиллайди.

Унинг тепасида, баланд пьедестал устида ишонгани учун азоб-уқубат чеккан ва ишончи туфайли енгган, ҳәёлпараст Колумбнинг ҳайкали турнибди. У ҳозир ҳам пастдаги одамларга тикилиб турибди ва мармар лаблари гўё:

«Ишонгандаргина енгадилар» деяётганга ўхшайди.

Унинг оёғи остига пьедестал атрофига музикачилар трубаларини қўйганлар, улар қуёшда олтиндай ялтирайди.

Ярим эгилган давра шаклида мармардан ишланган вазмин вокзал биноси, одамларни қучоғига олгандай бўлиб, қанотларини ёзид турибди. Портдан пароходларнинг ҳансирағ оғир нафас олгани, винтнинг сувдаги бўғиқ товуши, занжирларнинг жаранг-журунги, ҳуштак чалишлари ва қийқириқлар эшитилади, майдон эса жимжит, дим, иссиқ, қуёш нурига ғарқ бўлган. Ўйларнинг балконларида ва деразаларида қўлларига гул ушлаган хотинлар турибди, ясанган болалар худди гулларга ўхшайди,

Станцияга кириб келган паровоз чинқиради — оломон чўчиб тушади, фижимланган бир неча шляпалар қора қушлар сингари осмонга учади, музикачилар мис трубаларини қўлларига оладилар, аллақандай жиддий қиёфали кексароқ одамлар олдинга ўтадилар, улар одамларга юз ўғириб, қўлларини ўнгга, сўлга ёзиб алланималар дейдилар.

Оломон шошмасдан, вазминлик билан, сал ортга чекиниб кўчага ўтишга кенг йўл очиб беради.

— Кимни қарши оляптилар?

— Парма болаларини!

Пармада иш ташлаганлар. Хўжайнилар ён бермаяпти. Ишчиларнинг аҳволи оғир, шунинг учун улар очликдан касал бўла бошлаган болаларини тўплаб Генуядаги ўртоқлари олдига жўнатганлар.

Вокзал колонналари ёнидан кичкина одамлар саф бўлиб чиқиб келадилар, улар ярим яланғоч ва жулдур кийимларида — аллақандай ғалати ҳайвончаларга ўхшаб пахмоқ кўринадилар. Улар қўл ушлашиб, ҳар қатордан бештадан бўлиб юриб келадилар — ҳаммалари кичик-кичик, устларини чанг босган, афтларидан чарчаганлари билинади. Қиёфалари жиддий бўлса-да, кўзлари тийрак ва равшан, чарақлаб туради. Музика уларни қаршилаб Гарибалъди гимнини чалганда, шу ориқ, шу суяги чиққан оч ёноқларга, баданларини жимиirlатиб шодлик табассуми югуради.

Оломон келажак наслни қулоқни батанг келтиарли қийқириқ билан кутиб олади, улар олдида байроқлар эгилади, болаларнинг қулоқларини батанг келтириб, кўзларини жимиirlатиб мис трубалар янграйди,— улар бу қабул маросимидан бир оз гангиг қоладилар ва бир лаҳза орқага чекинадилар-да, тўсатдан ўзларини тутиб оладилар, қоматларини тиккайтирадилар, бир ёқадан бош чиқариб, юзлаб овоз билан бирданига:

— Viva Italia!*— деб қичқирадилар.

Оломон уларга ёпирилиб:

— Яшасин ёш Парма!— деб қичқиради.

— Evviva Garibaldi!**— деб қичқиради болалар, кул ранг пона шаклида оломон ичига кириб ва кўринмай кетаётib.

* Яшасин Италия (италянча) — Ред.

** Яшасин Гарибалъди!

Меҳмонхоналарнинг деразаларида, уйларнинг томларида оқ қушларга ўхшаб рўмолчалар силкинади, ўша ёқдан одамлар устига ёмғирдай гуллар қўйилади ва қувноқ қаттиқ қичқириқлар ёғилади.

Ҳамма ёқ байрам тусини олади, ҳамма нарсага жон киради, кул ранг мармар ҳам аллақандай кўзни оладиган ёруғ нур сочиб яшнаб кетади.

Байроқлар чайқалиб, шляпалар ва гуллар осмонга отилиб туради. Катта кишиларнинг бошларидан баландда кичкина болаларнинг каллалари кўринар, жажжи қора қўлчаларнинг отилган гулларни ушлаб олмоқчи бўлган ва табриклаб силкингани кўзга чалинар, ҳамон тўхтовиз давом этаётган қудратли:

— «Viva ie Sosialismo!».

— Evviva Italia!**

— деган қичқириқлар осмонни ларзага келтирас эди.

Қарийб ҳамма болаларнинг қўлларидан ушлаб олганлар, улар катталарнинг елкаларида ўтиар, алланечук жиддий қиёфадаги мўйловли одамларнинг кенг кўкраклари оғушида эдилар; шовқин-сурон, кулги-қийқи-рұв садолари ичидаги музика аранг эши билади.

Қолган меҳмоң болаларни олмоқчи бўлиб хотинлар оломон ичига шўнғишиб кирадилар-да, бир-бирларига қичқирадилар:

— Аннита, сиз иккаласини оласизми!

— Ҳа. Сиз ҳам икковини оласизми?

— Чўлоқ Маргаритага ҳам бирини оламан...

Ҳамма ёқда шод-хуррамлик, чеҳраларда байрам қувончи, меҳрибон кўзлар нам эди, баъзи бир жойларда иш ташлаганларнинг болалари нон кавшарди.

— Бизнинг замонларда буни хаёлга келтиришмасди!— дейди қуш бурун чол, оғзида қора сигара тишлаб туриб.

— Буни қаранг — қандай оддий-а...

— Ҳа! Ҳам оддий, ҳам маънодор.

Чол оғзидан сигарани олиб, учига қаради-да, чуқур тин олиб кулини қоқди. Кейин олдингисида турган иккита, афтидан ака-ука, Пармали болаларни кўриб, юзини бужмайтирди-да, ҳурпайиб олди,— болалар чолга жиддий қиёфада тикилиб турар эди, чол шляпасини кўзига

* Яшасин Социализм! (Итал.) — Ред.

** Яшасин Италия.

тушириб, қулочини ёзди, болалар эса бир-бирларининг пинжалига тиқилиб, қовоқларини солиб олди, чол орқага чекиниб, бирдан чўнқайиб ўтирди-да, овозининг борича боплаб хўroz бўлиб қичқириб юборди. Болалар яланг товоонлари билан тошни депсиб, хахолаб кулдилар, чол бўлса ўрнидан турди-да, шляпасини тўғрилаб олиб ва ҳамма нарсани қилиб бўлдим деб ўйлаб, қийшиқ оёқларини довдир-довдир босиб нари кетди.

Юзи жодугар кампирни эслатадиган ва ориқ энгагида ғайри кўкич мўйлов ўсган букри ва оқсоч хотин Колумб ҳайкали тагида тик турар ва унниқиб кетган шол рўмолининг уни билан қизариб кетган кўзларини артарди. Тим қора ва хунук бу кампир шод-хуррам одамлар орасида ғалати ёлғиз нусха эди..

Генуялик бир аёл ўйнаб келяпти, у ёғоч ковуш кийган, елкасигача тушган кул ранг шляпа кийган етти яшар болани қўлидан ушлаб олганди. Бола шляпасини орқасига суриш учун кичкина бошини силкийди, шляпа бўлса нуқул юзини қоплади, аёл шляпани унинг жажжи бошидан юлиб олади ва уни баланд кўтариб, силкиб, бир нимани ашула қилиб айтади ҳам кулади, бола бўлса бошини орқасига ташлаб унга боқади,— хохолаб кулади, шляпани олмоқчи бўлиб иргишлайди, сўнгра икковларин одамлар ичига кириб ғойиб-бўладилар.

Олдига тери фартуқ тутган, каттакоц қўллари ялан-ғоч, узун бўйли киши кул ранг сичқонга ўхшаган олти ёшлардаги қиз болани елкасига миндириб олган ва оловдай сариг ўғил болани қўлидан ушлаб олиб, унинг билан ёнма-ён юриб бораётган аёлга дейди:

— Биласанми, агар бу иш амал олса... Бизни енгиш қийин бўлар дейман, а?

Шундай деб қотиб-қотиб, баланд, тантанали қилиб хохолаб кулади ва ўзининг кичкина арзандасини осмонга отиб:

— Evviu Parma-a!*— деб қичқиради.

Одамлар болаларни эргаштириб ва қўлларига кўтариб олиб кетишади, шунда сўлиган гуллар, конфет қоғозлари, бир тўда қувноқ факинолар ва улар устидан турган янги дунёни топган одамнинг олижаноб сиймоси майдонда қолади.

* Яшасин Парма! (Итал.) Ред.

Кўчаларда эса, янги ҳаётни қаршилагани бораётган одамларнинг, баҳайбат карнайлардан чиққандек шод-хуррам қийқириқлари бутун гўзаллиги билан кўнгилларга қўйилади.

* * *

Дим чошгоҳ пайти, баҳайбат палағда тухум ёрилгандай аллақаердан тўп отилди — майнин, ғалати овоз эши-тилди. Портлашдан ларзага келган ҳавода шаҳарнинг ачимсиқ ҳиди димоққа урилди, зайдун мойни, саримсоқ, вино ва иссиқ тупроқ ҳиди бурунни ёргудай анқиди.

Тўпнинг қаттиқ ўкириши билан босилган Жануб кунининг қайноқ шов-шуви бир лаҳза тош кўчаларнинг иссиқ тошларига бағрини берди-да, яна кўчалардан ошибб, кенг лойқа дарё устидан денгиз томон оқиб кетди.

Шаҳар байрам кунларидай порлоқ ва попнинг чиройли тикилган ола байроқ жуббасидай ранго-ранг эди; унинг серэҳтирос қичқириқларида, титраб қақшашлари ва фифонларида ибодатнамо бир ҳаёт қўшиғи янграр эди. Ҳар бир шаҳар — одамлар меҳнати билан бунёдга келтирилган қаср, ҳар қандай иш эса — Келажакка ибодат эди.

Қуёш, қоқ тепага келган, қизиган кўм-кўк осмон кўзни қамаштиради, гўё унинг ҳар бир нуқтасидан ерга, денгизга кўкимтири оловли нур қийилиб, шаҳар тошлари ва сувларининг ич-ичига санчилаётгандай бўлади. Денгиз кумуш қадаб зич тикилган шоҳи каби ялтирайди. Яшил рангли илиқ тўлқинлар мудрагаңдай қирғоқ лабига сал урилиб, ҳаёт ва баҳт манбаи бўлган қуёш тўғрисидаги ажойиб ашулани оҳиста куйлайди.

Чанг босган, терлагани одамлар шод-хуррам, шовқинлашиб, бир-бирларини чақиришиб овқатлангани чопадилар, кўплари соҳилга боргани ошиқадилар, етиб боргап ҳамон кул ранг кийимларини ечиб, денгизга шўнғийдилар,— қорачадан келган баданилар сувга тушгач, худди катта идишдаги винога тушган қора бир чанг зарраси каби кичкина бўлиб, денгизга юқ бўлмай кетади.

Сувнинг ипакдай шалдираши, тетикланган баданиларнинг шўх қийқириқлари, болаларнингчуввос солиб кул-

ганлари ва чийиллашлари — ҳаммаси — қола берса денгизнинг камонсимон шўх сув сачратмалари ва одамларнинг сувга сакраб уни парчалаганлари бирга қўшилиб қуёшга қилинган қувноқ назр сингари осмонга кўтарилади.

Катта уй соя солиб турган йўлакда, овқатлангани шайланиб, тошдай кул ранг, қуруқ ва қаттиқ тўртта тош терувчи ўтирибди. Худди устига кул сепгандай чангга ботган оқ соч мўйсафид, ёввойи кўзларини қисиб олиб, бир бўлаги иккинчисидан кам-ортиқ бўлмасин деб пичоқ билан узун нонни кесяпти. Бошидаги попукли қизил қалпоғи юзига тушган мўйсафид каттакон бошини силкийди, шунда унинг тўтиникига ўхшаган узун бурни тешиклари керилиб, пишиллайди.

Унинг ёнида иссиқ тошга, бронза рангли, ўзи қўнғиздай қоп-қора навқирон йигит чалқанча ётибди: учган нон ушоқлари унинг юзига урилади, йигит эринчоқлик билан кўзларини қисиб ва овозини сал чиқариб алаҳлатандай бир нимани хиргойи қиласи. Қолган иккитаси бўлса уйнинг оқ деворларига суюниб, ўтирганча мудрайди.

Бир қўлида вино, бир қўлида тугун кўтарган бир бола улар олдига келяпти,— у бошини осмонга кўтарган, қушдай чийиллаб қичқириб келади, шунинг учун қийшайган вино ўраб қўйилган походдан сирқиб, қондай ялтираб, дур сингари чак-чак томаётганидан хабарсиз, кўрмайди.

Чол буни қўриб қолади-да, нон билан пичоқни йигитнинг кўкрагига қўя солиб, ҳаяжон билан қўлини силкиб, болани чақиради:

— Тезроқ юр, ҳой кўр! Винога қара!

Бола идишни юзи баравар баланд кўтарди-да, оҳ деб юборди ва тош терувчилар олдига тез чопиб келди — тош терувчиларнинг ҳаммаси қимиirlаб қолишиди, идишни ушлаб қўриб, ҳовлиқиб қичқиришиди, бола бўлса ўқдай отилиб аллақайси ҳовлига кириб кетди-да, қўлида каттакон сариф идиш билан яна ўқдай отилиб чиқиб келди.

Идишни ерга қўйдилар, мўйсафид қип-қизил жонли оқимни авайлаб идишга қуя бошлади,— тўрт жуфт кўз винонинг қуёш нурида мавж урганидан завқланадилар, қуруқ лаблари ташналиқдан пирпираиди.

Оч-яшил кўйлак кийган бир хотин кела бошлади, қоп-қора соchlарида олтинсимон тўр — шарф, жигар ранг бо-

тинкасининг баланд пошналари дукиллагани аниқ эши-тилади. У жингалак сочли қизчани етаклаб келмоқда, қизча икки дона пушти чинни гулни ушлаб олган, ўнг қўлини ёзиб йўл-йўлакай тебранади ва:

— О, ма, о, ма, о, миа ма-а... — деб ашула айтади.

Қиз, мўйсафид тош терувчининг орқасига келиб тўх-таб, жим бўлиб қолди ва оёқ учидатуриб, чолнинг ел-касидан винонинг сариф идишга қуйилишига, қуийлар-кан, унинг ашуласидай бир оҳанг берадиганига ти-килиб қараб қолди.

Қизча аёл қўлидан ўз қўлини бўшатди-да, гуллар баргини узиб-узиб олди ва худди чумчук қанотларига ўхшаш қора қўлчаларини баланд кўтариб, қизил гулларни вино идишига ташлаб юборди.

Тўрт киши сесканиб тушди, чанг босган қошларини жаҳл билан чимиришди,— қиз бола бўлса кичкина оёқлари билан депсиниб, чапак чалиб куларди, хижолатда қолган онаси товушини баланд қўйиб алланималар деб унинг қўлидан ушлади, ўғил бола бўлса, икки букилиб қотиб-қотиб кулди, идишда эса, тим қора вино юзида қизил қайиқчаларга ўхшаб, гул япроқлари сузиб юрар эди.

Мўйсафид аллақаердан бир стакан топиб, вино билан гулларни сузиб олди-да, вазминлик билан тиззалаб турди ва стаканни оғзига олиб бораркан, тинчлантирган бўлиб, жиддий йўсинда:

— Ҳечқиси йўқ, синьора! Бола ҳадяси — худо ҳадяси... Сизнинг саломатлигингиз учун ичаман, гўзал синьора, сен ҳам саломат бўл, болам! Ойингдай хушрўй бўл, сенга ундан икки ҳисса ортиқ баҳт насиб қилсин... — деди.

Оқ мўйловларини стаканга тиқиб, кўзларини сузди ва майдалаб, аста-аста қулқиллатиб, қийшиқ бурнини жийириб, тим қора шаробни симира бошлади.

Қизнинг ойиси кулиб ва таъзим қилиб, қизнинг қўлидан етаклаб нари кетди, қиз бола бўлса тебраниб, оёқчаларини тошларга дўпир-дўпир босиб борар ва кўзлари ни қисиб:

— О, ма-а... о, миа-а, ма-а,— деб чинқиради.

Тош терувчилар бошини ҳорғин ўгириб, винога боқи-шар ва қизчанинг орқасидан қараб кулишар ҳамда жанубликларга хос ҷавишда лаблари лабларига тегмай, бир-бирларига алланималар дерди.

Идишда, қип-қизил вино юзида эса, гулларнинг пушти япроқлари қалқиб юрағ эди.

Денгиз куйлар, шаҳар гулдуар, эртаклар яратиб қүёш порлар эди.

* * *

Абадий қорлар билан ўралган тоғ дараси ўртасида тинч мовий кўл; тоғ этакларидаги кўкаlamзор bogлар қат-қат бўлиб кўл ёқасига тушган, қирғоқдаги сув акс этиб туради, гўё улар қанддан ясалганга ўхшайди, атрофдаги ҳамма нарса ёш боланинг уйқу оромини эслатади.

Тонг. Қуёш эндиғина кўтарилиган, тоғ бағларидан гулларнинг оромбахш ҳиди келиб туради, шудринг ҳали дарахт баргларида, майсаларда йилтирайди. Кул ранг лентага ўхшаган тинч йўл дарани кесиб ўтган. У тош йўл бўлса-да, худди бахмалга ўхшаш майн кўрингани учун уни қўл билан силагинг келади.

Майдаланган тош уюми олдида кўкрагига медаль таққан, қўнғиздек қоп-қора ишчи ўтиради, унинг юзи жиддий ва ёқими. Бронзадай кафтларини тиззасига қўйиб, бошини кўтариб, у қаштан дарахти остида турган йўловчининг юзига қараб:

— Синъор, бу медаль Симполон тунидаги меҳнатим учун берилган,—дейди, сўнгра кўкрагидаги чиройли металл парчага кўз ташлаб, жилмаяди.

— Эҳ, ҳар қандай меҳнат ҳам уни севмагунингча, қийин, кейин у сени илҳомлантиради ва енгил бўлиб қолади. Ҳа, ҳар ҳолда оғир бўлган эди!

У қўёшга қараб кулимсираб, секингина бош чайқади, лекин тўсатдан руҳланиб, қулочларини ёйди, қора кўзлари эса чараклаб кетди.

— Баъзан ҳатто даҳшатли бўлар эди. Ахир ер ҳам ниманидир сезиши керак-да, шундай эмасми? Биз тоғ бағрини чуқур ғор қилиб ўйиб кирганимизда, ер ости бизни қаҳр билан қарши олди. У бизга иссиқ нафасини сочар, бундан юракларимиз арзиқиб, бошимиз гангир, суюгимиз зирқирап эди. Бу ҳол кўпларнинг бошидан ўтган. Сўнгра ер одамлар устига тош сочди, иссиқ сув қўйди; бу жуда ҳам даҳшатли эди!

Баъзан, чироқ шуъласида сув қизил кўринарди, шундай отам менга: «Ерни биз жароҳатладик, кўрасан, у ҳаммамизни қони билан куйдиради, ғарқ қиласди!» дерди.

Тўгри, бу афсона, лекин бу сўзларни дим қоронғилик ичиди, сувнинг шалоплаши ва темирнинг тошга тегиб фижирлаши чуқур ер бағрида эшитилиб турганда киши бунинг афсоналигини унутади. У ерда ҳамма нарса афсонавий эди, қимматли синъор. Буни тушуниш учун биз одамлар шундай майдага эканлигимизни, бағрини ўяётган тоғимиз осмонга туташганлигини киши ўз кўзи билан кўриши керак! Бунинг учун биз ўйган қора ҳалқумни ва бу ҳалқумга қўёш кўтарилаётганда кираётган одамларни ва улар изидан маъюс қараб қолган қўёшни кўриш керак. Машиналарни, тоғнинг баджаҳл қиёфасини кўриш унинг ичидан чиққан бўғиқ овозни ва телбанинг қаҳқаҳасига ўхшаш портлашнинг акс садоларини эшитиш керак.

У қўлини кўздан кечириб, кўк калта камзулдаги медакалини тўғрилаб, секингина чуқур нафас олди.

— Киши, ҳар ишнинг уддасидан чиқади! — деб ғурур билан давом этди у. — О, синъор, кичик одам, агар у меҳнат қилишини хоҳласа,— енгилмас кучдир! Ишонингки, бу кичик одам оқибат нимани хоҳласа ҳаммасини бажарди. Отам аввал бунга ишонмаган эди.

— «Бир мамлакатдан иккинчи мамлакатга тоғни тешиб ўтиш,— дерди у,— ерни тоғлар билан ажратиб қўйган худога қарши чиқишидир. Кўрасиз, биби Марям бизга мадад бермайди!» У янгишган эди; биби Марям уни севган одамлар билан бирга эди. Мен сизларга гапираётгандек, кейинроқ отам ҳам шундай ўйлай бошлади, чунки у ўзини тоғдан устун ва ундан кучли деб сезди. Лекин шундай вақтлар ҳам бўлар эдик, байрам кунларида бир шиша вино қўйилган стол ёнида ўтириб менга ва бошқаларга:

— «Э, худонинг бандалари»— дерди, бу унинг энг севган сўзи эди, чунки у раҳмдил ва диндор одам эди.— «Э, худонинг бандалари, ер билан бундай курашиш яхши эмас, у бир кунмас бир кун ўзининг жароҳатлари учун қасос олади ва енгилмай қолади! Мана кўрасизлар: биз тоғни юрагигача ўйиб бориб, унинг юрагига текканимизда у бизга ўт сочади, куйдиради, чунки ернинг юраги ўтлидир, буни ҳамма билади! Ерни ҳайдаш, унинг ҳосил беришига ёрдамлашиш бизга меросдир; лекин биз бўлсак

унинг қиёфасини ва шаклини бузатирмиз. Билиб туриб-сиз, қанчалик ер бағрига кирмайлик, шунчалик ҳаво иссиқ бўлиб, нафас олиш қийинлашаётир»...

Гапираётган киши икки қўлининг бармоқлари билан мўйловларини бураб, секингина кулиб қўйди.

— Биргина отам эмас, бошқалар ҳам шундай ўйлашар эди, бу ҳам тўғри эди: қанча ичкари кирсак — туннель шунча иссиқ, тобора одамлар кўпроқ касал бўлар ва ҳолдан кетиб йиқилар эди. Бунинг устига иссиқ булоқлардан сув отилиб чиқар, тоғ жинслари устимизга қулар эди. Бизнинг Луганодан икки киши эса ақлдан озди. Казармада одамлар кечаси билан алаҳлаб чиқар ва алланарсадан қўрқиб ўрнидан ирғиб туриб кетар эди...

— «Ахир мен ҳақлимасманми?»— деди отам ва аввалгидан ҳам бўғиқ ва тез-тез ўйталиб...— «Ахир мен ҳақлимамни?— деб тақрорларди. «Ер енгилмасдир!»

— «Шундан сўнг у ҳеч туролмайдиган бўлиб, бутунлай ётиб қолди. Отам бақувват одам эди, у ўлим билан уч ҳафтадан ортироқ қаттиқ курашди. Ўз қадри-қимматини билгани учун ҳеч бир шикоят қилмади.

— «Менинг меҳнатим тугади, Паоло,— деди у. Ўзингни сақла ва уйга қайт, сенга биби Марям мададкор бўлсин!» У кўзини юмиб, нафаси бўғилиб узоқ жим қолди. Сўнгра ўрнидан туриб, тоғларни кўздан кечирди ва шундай куч билан керишдики, суяклари қисирлаб кетди.

— Чин сўз, синъор, қўйлимдан ушлаб, ўзига тортди ва шундай деди: «Биласанми, Паоло, ўғлим, ўлайманки, мақсад амалга ошади — биз бу тоғнинг у ёғидан келаётганларга дуч келиб, бир-биrimiz билан учрашамиз — сен шунга ишонасанми?» Ҳа, мен бунга ишонар эдим. «Ўғлим, яхши! Шундай бўлиш керак! Ҳамма нарсани яхши ният билан, муваффақиятли бўлишига ишонган ҳолда, мададкор худога тоат-ибодат билан бажариш керак. Мен сендан илтимос қиласман, ўғлим, агар шу нарса содир бўлса, агар кишилар бир-бирига дуч келса менинг қабримга келиб, дегил: ота — бажарилди! Токи мен билай!»...

— Ҳурматли синъор, бу сўз жуда ҳам яхши эди, шундан сўнг мен унга ваъда бердим, отам шу сўзларни айтгач беш кундан кейин ўлди. Улемидан икки кун илгари эса у мендан ва бошқалардан ўзи меҳнат қилган жойига, туннелга кўмишни қайта-қайта илтимос қилди, лекин бу гап менимча алаҳлаш эди...

— Биз ва тофни ёриб у томондан келаётгани кишилар отам ўлгандан ўн уч ҳафта кейин учрашдик.— Синъор, бу ниҳоятда қувончли кун бўлди! О, қачонки у ерда, қоронгуликда бошқа томондан бизга дуч келаётганлар иши шовқин-суронни эшитиб турганимизда, сиз тушунинг синъор, биз кичик кишиларнинг ҳаммамизни бирданига оғир ер босиб қолниши мумкин эди!

— Биз шундай бўғиқ товушларни бир қанча кун эшитиб турдик. Бу товушлар кундан-кунга равшанроқ, очиқроқ эштилар эди, бизларни эса ғалаба қозонган кишиларнинг телбаларча шодлиги гангитар эди. Бизлар ёвуз девлардек жони-танимизни аямай, чарчаганимизни сезмай, топшириқни кутмай, меҳнат қиласр эдик. Бу ҳол қўёшли кунда рақсга тушгандек оромбахш эди, сўзим чин! Бизлар ҳаммамиз болалардек мулоийм ва меҳрибон бўлиб қолдик. Оҳ, агар сиз, узоқ ойлар давомида худди кўрсичқондек ерни кавлаб кирган кишиларни ўша зулмат ичида одамлар билан учрашишини чидаб бўлмас дараҷада жўшқин истак билан орзу қилганларини билсангиз эди!

У қизишиб кетиб, гапларига қулоқ солувчи кишига жуда ҳам яқин келиб, жонон инсон кўзларини унинг кўзларига тикиб, секин ва қувонч билан давом этди.

— Хуллас, охирги қатлам қулаб, ундаги тешикда қизил машъала шуъласи чароқлаб, кимнишгидир шодлик ёши билан буланган қоп-қора юзи, яна машъаллар ва юзлар кўриниб ғалаба, шодлик қичқириқлари жаранглаб кетди. О, бу менинг ҳаётимда энг қувончли кун эдиз-шу кунни эслар эканман, ўзимнинг бекорга яшамаганимни сезаман! Бу, синъор, сизга айтсам, бу иш, менинг меҳнатим, муқаддас эди! Бизлар ер остидан ёруғликка чиққаннимиздан кейин кўплар кўкрагини ерга бериб, уни ўпар, йиғларди — бу ҳодиса худди эртаклардагидек жуда ҳам ажойиб эди! Ҳа, биз енгилган тофни, ерни ўпар эдик — айниқса ўша куни ерни мен жуда яқин ва меҳрибон сезиб қолдим, синъор, мен уни худди аёл кишини севгандек севиб қолдим!

— Албатта, мен отамнинг олдига бордим, ҳа! Тўғриси, мен ўликлар ҳеч нима эшитмасликларини билсан ҳам, барибир бордим. Чунки биз учун ва биздан кам меҳнат қилмаганларнинг орзу-умидини ҳурмат қилиш керак, шундай эмасми?

— Ҳа, ҳа, мен унинг қабрига бордим, ерни оёғим билан тепдим.

Отам орзу қилгандек:

— «Ота — бажарилди! Одамлар ғалаба қозонди. Бажарилди, ота!» — дедим.

* * *

Рим билан Генуя ўртасидаги кичик бир станцияда кондуктор купе эшигини очиб, усти-боши исқирт мойловчи ёрдамида жиккаккина бир кўзи кўр чолни қўлтиғидан ушлаб, олдимизга олиб кирди.

— Жула мункиллаб қолибди! — дейишиди улар bara-variga, очиқ чехра билан жилмайшиб.

Аммо чол тетик экан. У ажин босган қўлларини қовуштириб, ёрдам берганларга миннатдорлик билдирида, мулоимлик ва қувноқлик билан қордек оппоқ бошидаги бужмайган шляпасини сал кўтариб қўйди, кейин диванларни бир кўздан кечириб:

— Ўтиришга ижозат этадиларми? — деб сўради.

Унга жой бердик, у ўтириб, енгил нафас олди, сўнгра қўлларини ориқ тиззалари устига қўйиб, тиҳсиз оғзини сал очди-да, чехраси очилиб илжайди.

— Йўл бўлсин, бобо? — деб сўради ўртоғим.

— Э, атиги уч станцияга болам! — деб мамнунлик билан жавоб берди бир кўзли чол. — Неварамнинг тўйига боряпман...

Орадан бир неча дақиқа ўтгач, у гўё ёмғирли кунда синдирилган шохдек тебраниб, поезд ғилдирагининг тақир-туқури остида дилкашлик билан сўзлаб кетди:

— Мен лигурыйликман, биз лигурыйликлар ҳаммамиз жуда бақувват бўламиз. Менинг ўн учта ўғлим, тўртта қизим бор, набираларимни санасам, адашиб кетаман, бу уйланаётгани иккинчи набирам: яхши-да, шундай эмасми?

Шу гапларни айтиб, у ҳаммамизга ғурур ва хушнудлик билан қараб:

— Кўрдингизми, мен мамлакатга ва қиролга қанча одам бердим! — деб секингина кулиб қўйди.

— Кўздан қандай айрилдинг, дейсизми? Эҳа, бунга кўп вақт бўлган, у вақтда мен ёш бола эдим, эндиғина

отамга қараша бошлаган эдим. Отам токзор учун ер ҳозирламоқда эди, бизнинг ерларимиз заранг, кўп меҳнат сарф қилиш керак, тошлоқ ер. Отам кирка ураётганда бир тош учиб келиб, кўзимга тегди; оғриганини билмайман, аммо тушки овқат устида кўзим оқиб тушди — бу мислсиз бир даҳшат эди, синъорлар!.. Кўзимни жойинга солиб, иссиқ нон босиб, боғлаб қўйишиди, лекин фойдаси бўлмади!

Чол қорамтири бурушган бетини қаттиқ ишқаб, яна очиқ чеҳра ва қувноқлик билан:

— У вақтларда ҳозиргидек докторлар кўп эмас, одамлар ҳам соддароқ эди, ҳа, шундай! Эҳтимол, улар соғкўнгил бўлгандирлар? А? — деди.

Энди унинг пўпанак сингари кўкиш-қўнғир жун босган чуқур ажинли бир кўзли қорамтири юзи чимирилиб, қувончли тус ола бошлади.

— Мен каби узоқ умр кўрган киши одамлар тўғрисида дадил гапираверса бўлади, тўғрими?

Шундай деб, у эгри қора бармоғини бирорни янган кишидек дадил кўтариб, деди:

— Сизларга, синъорлар, энди одамлар тўғрисида баъзи гапларни айтаман...

Отам вафот этганда ўн уч ёшда эдим. Мана кўриб ўтирибсизларки ҳозир ҳам кичкина, жиккак одамман. Лекин ишлаб чарчамайдиган эпчил бола эдим, — отамдан менга қолган мерос шу эди, еримиз ва уйимиз қарзимиз учун сотилди. Шундай қилиб, мен бир кўз, икки қўл билан тириклилик қила бошладим, иш топилган жойда ишлайвердим... Кўп машаққатлар тортдим, аммо ёшлик меҳнату машаққатни енгар экан, шундайми?

Ўн тўйқиз ёшимда бир қиз билан танишиб қолдим, пешонамга уни севиш ёзилган экан. Қиз ҳам ўзим сингари камбағал экан, лекин мендан кўра жуссали, бақувват бўлиб, касалманд онаси билан бирга турар ва мен сингари иш топилган жойда ишлаб юрар экан. Ҳусни унча чиройли бўлмаса-да, яхши ва ақлли қиз эди. Овози ҳам о, ажойиб эди! Худди артистқадек ашула айтарди, бу эса бир бойлик эди! Менинг ҳам овозим чакки эмас эди.

— «Менга тегмайсаими?» — деб сўрадим ундан.

— «Бу жуда ғалати бўлади-ку, сўқир! — деб хомуш жавоб берди у. — Сенинг ҳам, менинг ҳам ҳеч вақомиз йўқ — қандай тириклилик қиласми?»

Ҳақиқатан менда ҳам, унда ҳам ҳеч нарса йўқ эди! Ҳўш, муҳаббат ва ёшлик учун нима керак? Ҳаммангиз биласизки, муҳаббат учун ортиқча мол-дунё керак эмас, мен ўз сўзимни маъқуллаб, ахирин фолиб келдим.

— «Ҳа, гапинг тўғрига ўхшайди,— деди ниҳоят Ида.— Ҳозир биз якка-якка яшаётганимизда биби Марям сен билан менга ёрдам бераётган экан, биз бирга яшасак бизга ёрдам бериши янада осонроқ бўлади, албатта!»

Шу тариқа биз никоҳ ўқитиш учун попнинг олдига бордик.

— Бу аҳмоқчилик!— деди поп.— Лигурийда гадойлар каммики, сизлар бола-чақа ортдириб, уларни яна кўпайтиromoқчисиз? Эй, шўрпешоналар, шайтоннинг васвасасига учманглар, бўлмаса, нафсингизни тиёлмаганингиз учун... балолар бошингизга келади!

Шундан кейин, ҳамма йигит-яланглар биздан кулишди, қариялар маломат қилишди. Аммо ёшлик бебошлиқ, унинг ҳам йўли тўғри! Тўй куни ҳам илгари қандай бўлсак шундай эдик, биринчи кеча қаерда тунашни ҳам билмасдик.

«Очиқ далага кетамиз!— деди Ида.— Бунинг нимаси ёмон? Биби Марям ҳар ерда ҳам бир хилда меҳрибонлик қиласверади».

Худди шундай қилмоқчи бўлдик: ер тўшагимиз эди, энди осмон кўрпамиз бўлсий!— дедик.

— Лекин шундай деб аҳд қилиб қўйганимиздан кейин аҳвол ўзгариб қолди, синьорлар, диққат қилишингизни сўрайман, бу узоқ умрим ичидаги яхши бир воқиа! Тўйимизга бир кун қолганда, мен уйида кўп вақт ишлаган Джiovanni деган чол эрталаб барвақт менга гап арзимас нарса устида бораётгандек, бепарвогина деди:

— «Уго, сен эски қўйхонани тозалаб, похол тўшагин. У ер қуруқ, бир йилдан бери қўй кирмаган, агар сен Ида билан туришни хоҳласанг яхшилаб тозалаш керак».

— Шундай қилиб, бизларга уй ҳам топилиб қолди!

— Тозалашга киришиб кетдик, хурсандлигимдан ашула айтаман. Қўйхона эшиги олдида турган дурадгор Констанцио, деди:

— «Уго, сен Ида билан шу ерда турасанми? Кроватинг қани?— Йўқ бўлса, бўшаганингдан кейин бизцикига бориб олиб кела қол, битта ортиқча кровать бор».

Унинг уйига кетаётганимда дўкондор хотин Мария қовоғини солиб:

— «Пешонасиға на бир чойшап, на бир ёстиқ битмаган-у, бу шўрпешонага уйланишни ким қўйибди! Сўқир, сен фирт тентак экансан! Қаллифингни юбор олдимга...»
— деб қичқирди.

Бод касалидан оёқсиз бўлиб, безгак ҳолдан кетказган Этторе Виано уйининг остонасида туриб Марияга:

— «Ундан сўраб кўр-чи, меҳмонларга етадиган виноси бормикин? Оҳ, одамлар, одамлар, шундай бефаросатлик ҳам бўладими?»— деб бақирди.

Чолнинг ажинли юзларида қувонч ёшлари ялтираб кетди, у бошини орқага ташлаб, диккайиб чиққан кекирдагини ўйнаб, унсиз кулди, кулгига юзларининг шалвраган териси қимирлар, у эса болалар сингари қўлини силарди.

— Эй, синъорлар, синъорлар!— деди чол кулиб ва ҳарсиллаб.— Тўй бўладиган куни эрталабгача уйга ни маики керак бўлса, бизда ҳаммаси муҳайё бўлди — биби Марямнинг ҳайкали дейсизми, идиш-товоқ дейсизми, кўрпа-чойшап дейсизми, мебель дейсизми, хуллас ҳаммаси топилди, худо ҳақи! Ида гоҳ йиғлар, гоҳ куларди, мен ҳам; одамлар бўлса кулишарди, тўй куни йиғлаш яхши эмас, дейишарди, ёру биродарларимиз бизни роса мазақ қилиб! ..

— Синъорлар! Одамларни ёру биродарларимиз деб аташ ҳуқуқига эга бўлиш қандай яхши-я! Ҳаётингни ўйинчоқ, бахтингни ҳазил деб билмайдиган одамларни ўз одамларим, қариндошларим деб ҳис қилишдан ҳамроҳат нарса борми!

Шундай қилиб, тўй бошланди, э асти қўяверинг! Жуда ажойиб кун бўлди. Бутун халойиқнинг кўзи бизда эди, ҳамма бизнинг қўйхонамизга келди, бирдан қўйхонамиз бадавлат хонадонга айланиб кетгандай бўлди... Бизда ҳамма нарса: вино, мева-чева, гўшт-ёғ, нон, ҳаммаси бор эди, меҳмонлар еб-ичишиди, ҳамма хурсанд бўлди... Мен сизларга айтсан, синъорлар, хурсандчиликдан, одамларга яхшилик қилишдан афзал нарса йўқ экан дунёда, яхшиликдан кўра гўзал, ёқимли нарса йўқ экан, шу гапимга ишонаверинглар!

Тўйда поп ҳам бор эди. У одамларга қараб:

«Мана, кўрдингларми,— деди жиддий қиёфада, ширин сўзлик билан,— келин билан куёв сизларнинг ҳаммангиз учун тер тўкиб ишлашган эди, сизлар ҳам уларнинг ҳаётидаги унугилмас шу кун яхши ва кўнгилли ўт-

син, деб уларга ғамхўрлик қилдингиз. Ана шундай қилишингиз керак ҳам эди, чунки улар сизлар учун ишлаганди, иш эса мис ва кумуш пуллардан юқори туради, иш ҳамиша тўланадиган ҳақдан юқори туради!— Пул қўлнинг кири, кетади қолади, иш эса йўқолмай, кўзга кўриниб туради... Бу меҳнаткашларга бир қаранг, улар ҳам хурсанд, ҳам камтар, улар кўп мاشаққатлар чекди, лекин зорланмади, улар янада оғирроқ кунларни бошдан ўтказади, ўшанда ҳам оҳ-воҳ қилмайди, чунки оғир дақиқаларда сизлар уларга ёрдам берасизлар. Буларнинг қўллари гул, олтин, юраклари эса ундан ҳам яхши ва пок...»

У менга, Идага ва шу ерда ўтирган барча халойиқقا кўп ширин ва бамаъни гаплар айтди.

Чол купеда ўтирганларга тийрак ва дадил қараб чиқиб, сўради:

— Мана, синъорлар, одамлар тўғрисида билган баъзи нарсаларимни сўзлаб бердим, бу жуда нашъали, шундай эмасми?

* * *

Баҳор, қуёш чараклаб ҷурибди, одамлар шод-хуррам, ҳатто эски тош уйларнинг деразаларидаги ойналар ҳам илиқ табассум билан боқаётгандек.

Кичкина шаҳарча кўчасида байрам либоси кийган одамлар жилваланиб оқади, шаҳарнинг ҳамма аҳолиси—ишчилар, солдатлар, буржуйлар, поплар, амалдорлар, балиқчилар шу ерда. Баҳор нашъасидан уларнинг кайфи чоғ, ҳаммаси баланд овоз билан гаплашар, қаҳқаҳурив кўп кулишар, ашула айтишар, гўё бир соғлом тан каби ҳаёт қувончидан баҳраманд.

Хотин-қизларнинг ранг-баранг соябонлари ва шляпалири, болалар қўлида қизил ва зангори шарлар турли-туман ажойиб гулларга ўхшайди; ер юзининг қувончи болалар эса, афсонавий қиролнинг зарбоф тўнига қадалган ранг-баранг садафлар каби яшнайди ва хандон ташлаб кулади.

Дараҳтларнинг оч яшил барглари ҳали тўла ёзилмай, бўртиб ўралиб турар ва қуёшнинг иссиқ нурини тўймай эмарди. Узоқда музика шўх куй таратиб, ҳаммани чарлайди.

Ҳамманинг кайфи шундай чоғки, гүё одамлар ўз баҳт-сизликларини бошларидан кечириб бўлган, тинкани қуригтан оғир кун тугаб бугун ҳамма болалардек шод, ўзиға, ўз иродасининг енгилмаслигига қаттиқ ишонган ҳолда уйғонган ва бу ирода олдида ҳамма бош эгиши керак, мана энди бир жон-бир тан бўлиб, ишонч билан истиқбол томон бораётгандек.

Бу хушчақақ одамлар орасида ғамгин чеҳрани кўриш — ҳам ғалати, ҳам кўнгилсиз, ҳам қайғули эди: шу пайт ёш жувонни қўлтиқлаб олган баланд бўйли, бақувват бир киши ўтиб қолди; афтидан ёши ўттизлардан ошмаганди-ю, лекин соchlари оппоқ эди. У шляпасини қўлига ушлаб олган, унинг думалоқ боши кумушдек ялтирав, ориқ, соғлом юзи хотиржам, лекин ғамгин. Киприклари ўсиқ шаҳло қора кўзлари шу қадар матьюс эдики, бошидан кечирган оғир дардни унтулмайдиган кишиларнинг кўзларига ўхшарди.

— Анави бир жуфт одамга назар сол,— деди менга ўртоғим,— айниқса эрига эътибор бер: у, кўпинча шимолий Италия ишчилари бошига тушадиган фожиалардан бирига дучор бўлган.

Шундан кейин ўртоғим менга қўйидагиларни сўзлаб берди:

«Бу одам — социалист, кичкина маҳаллий ишчилар газетасининг редактори, ўзи ишли, бўёқчи. У олган билими эътиқодга айланадиган ва эътиқоди билимга ташналигини янада авж олдириб юборадиган одамлардан бири. Ақлли ва ашаддий антиклерикал¹, қора руҳонийлар орқасидан унга қандай қараётганини кўряпсанми?»

Беш йил аввал, у пропагандист бўлиб юрган вақтида, ўз тўгаракларидан бирида бир қизни кўриб қолади, бу қиз дарров унинг эътиборини ўзига тортади. Бу ернинг қизлари бир нарсага унсиз, қаттиқ эътиқод қўйишга ўрганишган, руҳонийлар улардаги бу қобилиятни кўп асрлар давомида мустаҳкамлаб, истаган нарсаларига эришишган, шунинг учун ҳам кимдир, католик черкови хотин-қизлар кўкрагига қурилган, деб тўғри айтган. Биби Марямни худо деб билиш чиройлигини эмас, ҳатто маъноли, биби Марям Исога қараганда содда, юракка

¹ Антиклерикал — Диннинг ўзига эмас, черков ва руҳонийларнинг имтиёзларига қарши киши.

яқин, унда қарама қаршилик йўқ, у дўзоҳ азоби билан қўрқитмайди, у севади, раҳм қиласиди, кечирди, шу сабабдан биби Марям хотинлар қалбини бир умр осонгина аср қилиб олади.

Шу тариқа у қизни кўриб қолади, у гапга чечан, савол-жавоб қила оладиган қиз бўлади, қизнинг саволларидан у доим ўз идеяларига соддадиллик билан таажжубланиш ва ўзига ошкора ишончсизлик аломатларини, кўпинча, ҳатто қўрқув ва нафрат сезади. Италиян пропагандистга дин тўғрисида, папа ва руҳонийлар тўғрисида қўп ва аччиқ гаплар айтишга тўғри келади, ҳар сафар у шу тўғрида гапирганда, қизнинг кўзларида унга нисбатан нафрат ва ғазаб кўради, қиз ундан бирор нарса тўғрисида сўраб қолгудек бўлса, унинг сўзлари ғазабли, мулойим овози эса қаҳрли бўлиб эшитилади. Қиз католикларинг социализмга қарши адабиёти билан таниш экани ва бу тўғаракда унинг сўзлари ўзиникидан кам эътиборга эга эмаслиги сезилиб туради.

Бу ерда Россияга нисбатан хотин-қизларга анча оддий ва қўпол муомала қиласидар. Бунга бир жиҳатдан,— то сўнгги вақтларгача,— италия хотин-қизларининг ўзлари сабаб бўлганлар; улар черковдан бошқа ҳеч нарсага қизиқмасликлари устига, эркакларнинг маданий ишларига ҳам қатнашмасдилар ва бунинг аҳамиятини тушунмасдилар.

Бу қиз билан бўлган тўқнашувларда моҳир пропагандистнинг иззати нафси койиб, шуҳратига путур етаверади, у асабийлашади, бир неча бор у қизни боплаб масхара қиласиди, лекин қиз ҳам бўш келмай, гапига яраша ўткир жавоблар қайтаради ва айни вақтда ўзига нисбатан ҳурмат уйғотиб, уни ўзи қатнашадиган жойда тўғарак машғулотларига айниқса яхши тайёрланиб келишга мажбур этади.

Лекин шулар билан бирга, у ҳар сафар ҳозирги замоннинг шармандали башараси ҳақида, одамни эзив, тани ва қалбини майда қилиши ҳақида, келгуси ҳаёт манзараларини тасвирлаб, унда одамнинг ичи-таши эркин бўлиши ҳақида гапирганда қиз унинг кўзига бошқа қиёфада кўринишини сезади: қиз бунинг сўзларини ҳаётнинг ҳаддан ташқари оғирлигини билиб, ғазабга тўлган, ироали ва ақлли аёлдек, қалби сингари сирли бўлган ажойиб эртакни тўймай эшитган ёш боладек тинглайди.

Бу нарса унинг қалбидаги ажойиб ўртоқ бўлиши мумкин бўлган душман устидан ғалаба ҳиссини уйғотади.

Тортишиш қарийб бир йилга чўзилади, аммо иккаласи ҳам бир-бирига яқин келиб, яккана-якка тортишишни истамайди. Ниҳоят, йигит қизнинг ёнига келиб:

— Синъорина, менинг доимий рақибим, бир-биримиз билан яқиндан танишсак, иш манфаати нуқтаи-назаридан дуруст бўлмасмикин, нима дейсиз? — дейди.

Қиз унинг гапига жон деб рози бўлади, аммо биринчи гап бошлишданоқ бир-бирларига қарши жангга кириб кетишади: қиз жон-жаҳди билан черковни ҳимоя қиласди, бу ерда азоб чеккан киши руҳан дам олади, кийими ҳар хил бўлса ҳам, шафқатли биби Марям олдидаги ҳамма баравар, дейди; у қизга эътироҳ билдириб, одамларга дам олиш керак эмас, кураш керақ, моддий бойликлар тенг тақсимлашмай туриб, одамлар тенг бўлолмайди, биби Марямнинг сурати орқасида бир одам беркиниб турибди, одамлар қанчалик бебаҳт ва аҳмоқ бўлсалар, унга шунчалик кўп фойда келади, дейди.

Ўшандан кейин уларнинг ҳаёти узлуксиз тортишув билан ўтади, ҳар бир учрашув ана шу тариқа баҳснинг давоми бўлар ва улар ўз эътиқодларида муросага келолмасликлари кун сайн ойдинлашиб боради.

Йигитнинг эътиқодича ҳаёт — билимни кенгайтириш учун курашдан, табиатнинг сирли кучларини инсон иродасига бўйсундириш учун курашдан иборат, бунинг учун ҳамма одам қўлига қурол олиб баб-баравар ишлаши керак, оқибат биз озодликка ва ақлнинг тантанасига эришамизки, ақл — дунёда онгли равишда ҳаракат қиласидаган яккаю ягона қудратли куч.

Қизнинг эътиқодича ҳаёт — аллақандай номаълум нарсага қурбон қилиш учун одам зиммасига юклangan оғир юқ, ақл ўша кучга бўйсуниши керак, бунинг қонунлари ва мақсадларини фақат руҳоний билади.

У, қизнинг бу гапларидан ҳайратда қолиб, сўрарди:

— Бўлмаса нега сиз менинг лекцияларимга қатнаб юрибсиз, социализмдан нимани кутяпсиз?

— Бу гапингиз тўғри, мен гуноҳ қилиб, ўзимга-ўзим терс иш қилаётганимни биламан! — дерди қиз маъюс иқрор бўлиб. Лекин сизнинг гапларингизни эшитсан ва барча одамларнинг баҳтли бўлишини ўйласам роҳат қиласман.

Қиз унчалик чиройли эмасди — нозик, истараси иссиқ,

шашло кўз эди, бу кўзларнинг нигоҳи ҳам ювощ, ҳам фазабли, ҳам меҳрибон, ҳам қаҳрли эди; у ипак фабрикасида ишлаб, кампир онаси, чўлоқ отаси ва синглиси билан бирга турарди, синглиси ҳунар мактабида ўқирди. Баъзан у хурсанд кайфиятда бўлар, енгилтаклик қилас, ғоят дилбар бўлиб кетарди; у музейларга, эски черковларга боришни яхши кўрар, суратлар ва гўзал нарсаларни кўрганда севинчи қалбига сиғмас, уларга тикилиб қарап экан, дерди:

— Мана шу гўзал нарсалар бир вақтлар одамлар уйига беркитиб қўйиб, улардан фақат бир киши фойдаланишга ҳақли бўлганини ўйлаш жуда ғалати туюлади! Гўзалликни ҳамма кўриши керак, ўшандагина у барҳаёт бўлади!

Қиз кўпинча шуидай ғалати фикрларни гапиравар, булар йигитга унинг номаълум дардли қалбидан чиқаётгандек туюлар ва сўзлар яраланган одамнинг инграшига ўхшаб кетарди. У, қизнинг ҳаётни ва одамларни она муҳаббати сингари чуқур, ҳаяжон ва изтироб билан севишини сезади; у ўз эътиқоди қизнинг юрагига ўт ёқишини ва беозор муҳаббат кучли ихтиросга айланишини чидам билан кутади, чунки назарида, қиз унинг сўзларини тобора диққат билан тинглаётгандек, дилда унинг фикрларига қўшилаётгандек кўринади. У эса қизга одамни — халқни, инсониятни эски қишидана, занги юракка ўтиб, уни қора қилиб юборган ва заҳарлаётган кишидан озод қилиш учун чарчамай курашиш зарурлиги тўғрисида тобора қизғин гапираверади.

Бир кун у қизни уйига кузатаётиб, уни севишини, агар қиз истаса, унга уйланиш нияти борлигини айтди-ю, бу сўз қизга қандай таъсир қилганини кўриб, қўрқиб кетади; қиз гўё калтак егандек гандираклаб, кўзларини катта очган ва ранги бўздек оқарган ҳолда қўлларини орқасига олиб, деворга суюниб қолади ва унинг юзларига ваҳима билан боқиб, дейди:

— Мен шундай бўлишини билардим, мен буни деярли сезган эдим, чунки кўпдан бери сизни севаман, бироқ — ё парвардигор,— энди нима бўлади?

— Энди сен билан менинг баҳтиёр кунларимиз, бизнинг биргалашини ишлайдиган кунларимиз бошланади!— дейди у хитоб билан.

— Йўқ,— дейди қиз бошини қўйи солиб.— Йўқ! Биз муҳаббат ҳақида гапирмаслигимиз керак.

- Нега?
- Сен черковда никоҳ ўқитасанми? — деб секин сўрайди қиз.
- Йўқ!
- Ундай бўлса, хайр!

Шундай деб, қиз тез қадам ташлаб унинг олдидан кетади.

У қизга етиб олиб, уни қўндиришга ҳаракат қила бошлайди, қиз унинг гапларига жимгина эътиrozсиз қулоқ солиб, кейин дейди:

— Мен, ойим ва дадам — ҳаммамиз худога ишонадиган одамлармиз ва шу эътиқод билан ўламиз. Черковда никоҳланмаслик — бу менинг учун никоҳ эмас; бундай никоҳдан туғиладиган болалар баҳтсиз бўладилар, мен буни биламан. Фақат черков никоҳигина муҳаббатни ёритади, фақат ўша никоҳ баҳт ва ором бағишлайди.

У қизнинг тезда рози бўла қолмаслигини аниқ билади, ўзи эса сира рози бўлмасди, албатта. Шундай қилиб, улар ажралишди; хайрлаша туриб, қиз дейди:

— Энди бир-биrimizни ортиқ қийнамайлик, мен билан учрашишни ўйлама! Оҳ, бу ердан кетсанг қандай яхши бўларди-я! Мен кетолмайман, камбағалман...

— Бу тўғрида ҳеч нарса дёёлмайман,— дейди йигит.

Ана шундан кейин иродаси кучли одамларнинг кураши бошланади; улар учрашиб туришади, албатта, ҳатто аввалгидан кўра тез-тез учрашиб туришади, деса ҳам бўлади. Бунга сабаб тобора аланга олаётган муҳаббат азобларига чидай олмай, иккиларидан бири ён берса ажаб эмас, деган умид бўлади. Уларнинг учрашувлари умидсизлик ва ғам-ҳасрат билан тугайди, у ҳар гал қиз билан учрашгандан кейин ўзини шикастланган ва ожиз ҳис қилиди, қиз эса кўзларида ёш билан тавба-тазарруқ қилиш учун кетади; йигит буни билади ва назарида тепа сочи устара билан қирилган¹ одамлар қора девордек тобора баланд, кун сайин мустаҳкамроқ бўлиб бораётганга ва уларни бир-биридан абадий ажрататоётганга ўхшайди.

Бир кун байрамда у шаҳар атрофидаги далада қиз билан сайр қилиб юриб, қизни қўрқитиши учун эмас, шунчаки унга эшитдириб:

¹ Католик мазҳабидаги руҳонийлар шундай қилиб юрадилар (*Тарж*).

— Биласанми, баъзан сени ўлдириб қўядиганга ўхшайман...— дейди.

Қиз индамайди.

— Гапимни эшитдингми?— деб сўрайди у.

Қиз унинг юзига мулойим тикилиб:

— Ҳа,— дейди.

У, қизнинг ўлса ҳам таслим бўлмаслигини англайди.

Мана шу «ҳа» деган сўз лабидан учганга қадар у баъзан қизни қучоқлайди ва ўпади, қиз қаршилик кўрсатади, аммо қизнинг қаршилиги тобора сусаяверади. Шундан кейин у, бир кун эмас-бир кун қиз рози бўлади, ўшанда хотинлик қалби эътиқодидан устун келади деб ўйлайди. Аммо кейин билса, бу ғалаба эмас, қизни қулликка солиш бўлар экан, шундан сўнг у, қизда хотинлик ҳиссини қўзғашга чек қўяди.

Шу тариқа у қиз билан унинг ҳаёт ҳақидаги қўронғи тасаввури доирасида юраверади, қизнинг кўз олдига қўлидан келганча маърифат чироғини ёқади, бироқ қиз кўр сингари унинг гапларига ўйчанлик билан жилмайиб қулоқ солади-ю, ишонмайди.

Бир кун қиз унга:

— Мен баъзан гапларинг тўғри бўлиши мумкин деб биламан, лекин буни сени севганим учун шундай туюлаётгандир, деб ўйлайман. Мен ҳамма гапингга тушунаман, аммо ишонмайман, ўз эътиқодимдан кечолмайман! Сен кетсанг, сенинг ҳамма фикрларинг ўзинг билан кетади,— дейди.

Шу аҳвол қарийб икки йил давом этади ва ниҳоят қиз бетоб бўлиб ётиб қолади; ўигит ишини ташлайди, ташкилот ишлари билан шуғулланмай қўяди, қарзга ботади, ўртоқлари билан учрашишдан қочиб, қизнинг уйи атрофида юради ёки каравот ёнида ўтиради ва қизнинг оташ бўлиб ёнишини, кун сайин ранги кетиб, кўзларида касаллик кароҳати тобора равшанроқ кўринаётганини кузатади.

— Менга келажак ҳақида бирор нарса гапириб бер,— дейди қиз унга.

У ҳозирги вақтда одамларни ҳалок этаётган нарсалар тўғрисида ғазаб билан бирма-бир сўзлаб беради, у ана шу нарсаларга қарши доим курашажагини, эски-туски, ифлос латталардай жоҳил одамларни ҳаётдан улоқтириб ташлаш кераклигини сўзлайди.

Қиз унинг гапларини диққат билан тинглар ва оғриқ

зўрига чидолмай қолган пайтларда унинг қўлини ушлаб, ёлворгансимон кўзларига тикилиб, гапини тўхтатар эди.

Бир кун доктор қизнинг тез авж оладиган сил касалига дучор бўлгани ва аҳволи оғирлигини йигитга гапиргандан анча кун кейин қиз ундан:

— Мен ўлар эканманми? — деб сўрайди.

У қизга жавоб бермай, кўзларини ерга тикади.

— Биламан, тез кунда ўламан,— дейди қиз.— Менга қўлингни бер.

У қизга қўлини чўзади, қиз иссиқ лаблари билан унинг қўлини ўпиб, дейди:

— Мени кечир, сенинг олдингда гуноҳкорман, хато қилдим ва сени кўп қийнадим. Ўлиш олдидан энди кўзим очилди, менинг эътиқодим — ўз истагим ва сенинг уқдиришларингга қарамай, тушунолмаган нарсам олдидаги ваҳима экан, холос. Бу ваҳима туғилган вақтимда қонимда бор экан! Менинг ақлим сеникига ўхшashi мумкин, лекин қалбим ўхшамасди, бошқа эди; сен ҳақлисан, мен буни тушундим, лекин қалбим сенга қўшилолмади...

Бир неча кундан кейин қиз ўлади, у жон бераётган пайтда йигитнинг соchlari тамом оқариб кетади,— ўшанда у йигирма етти ёшда эди.

Яқинда йигит қизнинг яккаю ягона дугонаси, ўзининг ўқувчи қизига уйланди; ҳозир улар қабристонга кетишяпти, ҳар якшашба ўша ёқقا боришиб, марҳуманинг қабри устига гуллар қўйишади.

Ҳозир у ўз ғалабасига ишонмайди, марҳума унга «сен ҳақлисан!» деб уни юпатиш учун ёлғон гапирганини у билади. Хотини ҳам шу фикрда; улар иккови марҳумани меҳр-муҳаббат билан хотирлайдилар, яхши одам ҳалокати ҳақидаги бу даҳшатли воқиа уларда қасос олиш иштиёқини қўзғаб, биргалашиб ишлашларига сабр-матонат ва алоҳида қенг чирой бағишлигаран».

... Қуёш нурлари остида байрам либосини кийган одамлар жилваланиб оқади, шод-хуррам овозлар бу оқимга жўр бўлади, болалар қийқиришади, кулишади; албатта ҳамма ҳам қувноқ, курсанд эмас, балки кўп одамларнинг қалби оғир қайғудан қаттиқ қисилган, кўп ақлли одамлар қарама-қаршиликлар гирдобида қийналиб, азоб чеккан, лекин, барибир ҳаммамиз озодлик сари, эркинлик сари бормоқдамиш!

Қанчалик иноқ бўлсак, шунчалик тез борамиз!

* * *

Оналар ҳақида ҳар қанча гапирса арзийди.

Шаҳарни совут кийған душманлар бир неча ҳафталан буён ҳалқадек ўраб олган эди; кечалари гулханлар ёқаллар, ўтнинг сон-саноқсиз кўзлари қоп-қоронги зулмат ичидан шаҳар деворларига тикилар ва бирорнинг баҳтсизлигидан қаҳқаҳлаб кулгандек ловиллар ва хавф-хатардан дарак бериб, шаҳар аҳолисини қайғу-аламга соларди.

Шаҳар деворларидан қараганда, ёв ҳалқаси тобора сиқиб келаётгани, гулхан атрофида душманларнинг қора кўланкалари лишиллаётгани кўринарди; тўқ отларнинг кишиниши, яроғ-аслаҳаларнинг жаранглаши, қаҳқаҳа фалабасига ишонган одамларнинг шўх ашуалари эшитиларди. Душманнинг кулгиси ва қўшигини эшитишдан бадтар азоб борми?

Шаҳарни сув билан таъминлайдиган ҳамма наҳрларни душман ўликлар билан тўлдирди, шаҳар атрофидаги токзорларни ёндириб юборди, экинларни пайхон қилди, боғларни яксон этди, тўрт томони очиқ қолган шаҳар устига ёв ҳар куни тўп ва пилта милиқлардан чўян ва қўроғошин ёғдирар эди.

Шаҳарнинг тор кўчаларида жангларда силласи қуриган оч солдатлар қовоқларини солиб юрадилар; уйларнинг деразаларидан ярадорларнинг инграши, алаҳлаб бақиришлари, хотинларнинг тоат-ибодатлари ва болаларнинг йигиси эшитилади. Одамлар шивирлаб сўзлар, бир-бирларининг сўзларини тўхтатиб, ёв бостириб келаётгани йўқми, деб диққат билан қулоқ соларди.

Кеч кириб, ҳамма ёққа жимлик чўккач, йифи ва фарёдлар кучайгандা, йироқдаги даралардан кўкимтир қора булатлар кўтарилиб, ёв лагерини қоплаб, яrim хароба ҳолдаги деворлар сари босиб келганда, қилич зарбаси билан кесилган қалқон каби ой тоғ чўққилари устида пайдо бўлганда ҳаёт айниқса чидаб бўлмас даражада оғир бўлиб кетарди.

Оғир меҳнат ва очликдан тинкаси қуриган одамлар ҳеч кимдан мадад кутмай, кун сайин умидсизланиб, ана шу ойга, тоғларнинг ўткир чўққиларига, қорайиб кўринган дараларга ва шовқин-суронли душман қароргоҳига ваҳима билан боқардилар — буларнинг ҳаммаси одам-

ларга ўлимдан дарак берарди, уларни юпатадиган биронта ёруғ юлдуз кўринмас эди.

Үйларда чироғ ёқишидан қўрқардилар, кўчалар қопкоронғи — зулмат, шундай тунда, гўё дарё тубида сузид юрган балиқдек қора плашчга ўранган бир аёл кўзга чалиниб қолади.

Уни кўрган одамлар бир-бирларидан сўрардилар:

— Шу хотинми?

— Шу хотин!

Шундан сўнг улар дарвозалар орқасига беркинар ёки бошларини қўйи солиб, унинг ёнидан индамай ўтиб кетарди. Патруль бошлиқлари эса уни жиддий равишда огоҳлантирадилар:

— Яна кўчага чиқдингизми Марианна она? Эҳтиёт бўлинг, сизни ўлдириб қўйишлари мумкин, кейин айбдорни ҳеч ким қидириб ҳам ўтирамайди...

Аёл қаддини ростлаб, кутиб туарар, патруль эса журъат этолмай ёки унга қўл кўтаришдан ҳазар қилиб ёнидан ўтиб кетарди; қуролли кишилар мурдани четлаб ўтгандек ўтиб кетишар, у эса зулмат ичидаги ёлғиз ўзи қолиб, йўлга тушар, худди шаҳар бошига тушган баҳтсизлик тимсолидек, сўзсиз, индамай кўчадан кўчага ўтиб, қаёққадир борар, атрофида эшитилган қайғу садолари: инграш, йифи, тоат-ибодат ва ғалабадан умидлари узилган солдатларнинг дағал овозлари унга эргашиб, таъқиб этиб юради.

Ватанпарвар она ўз ватани ва фарзанди ҳақида ўйларди; шаҳарни вайрон қилганларнинг бошлиғи унинг шўх, хушрой ва шафқатсиз ўғли эди; яқиндагина у ўз ўғлига ватанимга қилган қиммат баҳо совғам, ўз ватандошларимга ёрдам берувчи паҳлавоним деб қарап ва фахрланар эди, чунки онанинг ўзи ҳам шу шаҳарда туғилган, фарзандини ҳам шу ерда вояга етказган эди. Унинг қалби қадим замонлардан қолган шу тошлар билан, ота-боболари бино этган тош иморатлар ва деворлар билан, қон-қариндошларининг суяклари кўмилган ер билан, одамларнинг афсоналари, қўшиқлари, орзу-умидлари билан чамбарчас боғланган эди. Мана шу қалб, шу юрак ўзига энг яқин кишини йўқотиб, йиғларди: қалб бир тарози эди-ю, аммо фарзандга бўлган муҳаббати билан ватанга бўлган муҳаббатни ўлчаб, қайси бирининг оғирлигини билолмасди.

Шу кўйда у кечалари кўчаларда юриб чиқарди, кўп

одамлар уни танимай, қоп-қора қиёфасини кўриб, усти мизга келаётган ажал тимсоли деб қўрқишар, хоининг онаси эканини билгач, ўзларини ундан четга оларди.

Бир кун у шаҳар девори ёнидаги хилват жойда бошқа бир аёлни кўриб қолди: у хотин ўлик ёнида тиз чўкиб тошдай қотиб турар, ҳаракатсиз, қайфули юзини юлдузларга тикиб, ибодат қиласар, девор устида, аёлнинг тепасида қоровуллар аста-секин гаплашар, уларнинг яроғаслаҳалари тош девор қирраларига тегиб жаранглар эди.

Хоиннинг онаси сўрайди:

— Эрингми?

— Йўқ.

— Инингми?

— Ўғлим. Эрим ўн уч кун аввал ўлдирилган, бу ўғлим -- бугун ўлдирилди.

Шундай деб, ҳалок бўлган фарзанднинг онаси тик турди да, тақдирга тан бериб, дейди:

— Ҳаммасини биби Марям кўриб турибди, ҳаммаси ўзига аён, мен ундан миннатдорман.

— Нима учун? — деб сўрайди биринчи аёл. Иккинчиси унга дейди:

— Энди, ўғлим ватан учун ҳалоллик билан курашиб шаҳид бўлгандан кейин очиқ айтаманки, мен доим вахимда юрардим: у енгилтак, ўйин-кулгини яхши кўрарди, шунинг учун ҳам, худо ва инсон душмани, ёвларнинг бошлиғи Марианнанинг ўғли сингари у ҳам ўз ватанига хиёнат қиласайди, деб қўрқардим, лаънат у хотинга, лаънат уни туққан онага! ..

Марианна юзларини беркитиб, нари кетади, эрталаб шаҳар ҳимоячиларининг олдига келиб, дейди:

— Ўғлим сизларга душман бўлгани учун ё мени ўлдиринглар, ё дарвозани очиб беринглар, мен унинг ёнига кетайин... — Улар жавоб берадилар:

— Сен инсонсан, ватанни азиз билишинг керак; ўғлинг бизга қанчалик душман бўлса, сенга ҳам шунчалик душман.

— Мен онаман, уни севаман, шундай бўлиб чиққани учун мен ўзимни гуноҳкор деб биламан.

Шу гапдан кейин улар аёлни нима қилиш ҳақида маслаҳатлашиб, унга бундай жавоб берадилар:

— Ҳақиқатни айтганда, ўғлинг гуноҳи учун сени ўлдирилмаймиз, бу даҳшатли жиноятни унга сен ўргатма-

ганингни биламиз, сен қандай изтироб чекишингни ҳам фаҳмлаймиз. Аммо сен шаҳарга гаров сифатида ҳам кепрак эмас, чунки ўғлинг ғамингни емайди, фикримизча, у шайтон сени унугиб юборган, агар сен шунга яраша бирор гуноҳ қилган бўлсанг, бу сенга катта жазо! Бу жазо, фикримизча, ўлимдан ҳам даҳшатлироқдир!

— Шундай! — дейди аёл.— Бу ўлимдан ҳам даҳшатлироқ.

Улар аёлга дарвозани очиб, уни шаҳардан чиқариб юбордилар ва ўғли тўккан қон билан мўл суфорилган жонажон тупроқни босиб боришини анча вақтгача девордан кузатиб турадилар. У, оёғини ердан зўрға узиб аста юриб борар, шаҳар ҳимоячиларининг жасадларига таъзим қилас, пачақланган яроғ-аслаҳаларни нафратланиб оёғи билан четга итариб ташларди,— оналар ҳужум қуролларини ёмон кўрадилар, улар фақат ҳаётни ҳимоя қилувчи қуролларни тан оладилар.

У гўё плашки ичиди сув тўла пиёла олиб кетаётганга ва сувни тўкиб юборишдан хавотирланиб бораётганга ўхшарди. Узоқлашган сари у кичикроқ кўринар, девор устида қараб турувчиларга эса, аёл билан бирга, уларнинг бутун хафаликлари ва умидсизликлари ғойиб бўлаётгандек туюларди.

Аёлнинг ярим йўлга бориб тўхтаганини ва бошидан плашчини олиб ташлаб, шаҳарга узоқ вақт қараб қолганини кўрдилар, душман қароргоҳидагилар майдон ўртасида тўхтаб қолган ёлғиз аёлни кўриб қолишиди. Аёл сингари қора кийим кийган кишилар аста-секин, эҳтиёт билан унга яқин келишиди.

Аёл ёнига келиб: кимсан, қаёққа кетаётирсан?— деб сўрашади.

— Сизларнинг сардорингиз менинг ўғлим бўлади,— дейди аёл. Бу жавобни эшитган солдатларнинг биронтаси ҳам бунга шубҳа қилмайди. Солдатлар аёл билан ёнма-ён кета туриб, унинг ўғлининг ақлли ва мард эканини мақтаб сўзлайдилар, у эса бошини ғурур билан баланд кўтариб, уларнинг сўзларини тингларкан, бунга тажжубланмайди, чунки унинг ўғли шундай бўлиши ҳам керак эди!

Ниҳоят у, тувишидан тўққиз ой илгари ҳам уни билган, бир дақиқа ҳам қалбидан нари ҳис этмаган одами ҳузурига келди. Аёл олдида ипак ва баҳмалларга буланган, аслаҳалари қиммат баҳо тошлар билан безатилган

ўғли турарди. Ўғлининг туриш-турмуши кўнгилдагидек эди; у ўғлини худди шу тахлитда — бадавлат, машҳур ва севимли қиёфада кўп марта тушида кўрган эди.

— Она! — дейди у онасининг қўлидан ўпиб. — Сен менинг олдимга келибсан, демак мақсадимни англабсан, энди эртагаёқ бу лаънати шаҳарни ишфол этаман!

— Ўзинг туғилиб ўсган шаҳарни-я? — деб эслатиб қўяди она.

Ўз муваффақиятларидан маст бўлган, бундан ҳам зиёда шуҳрат ортдириш орзусида эс-ҳушини йўқотган ўғил, ёшликнинг телба жўшқинлиги билан дейди:

— Мен одамларни ҳайратга солиш учун дунёга келганиман! Мен сен туфайли бу шаҳарни вайрон қилмай турган эдим, у оёғимга кирган тикан каби шуҳрат томон тез юришимга халал беряпти. Энди эса, эртагаёқ бу ўжарлар маконини вайрон қилиб ташлайман!

— Бу маконнинг ҳар бир тоши сени ёшлигингдан билади ва эслаб келади-ку, — дейди онаси.

— Тошлар — соқов, инсон уларни гапиришга мажбур этади, — тоғу тошлар менинг шуҳратимни мадҳ этсии, мен шуни истайман!

— Инсонларчи? — деб сўрайди она.

— Ҳо, уларни унутмайман, она! Улар менга керак, чунки, қаҳрамонлар фақат инсонлар хотирида абадий яшайдилар!

Она дейди:

— Ўлимни енгиб, ҳаётни барпо этувчиларгина қаҳрамон бўла оладилар...

— Йўқ! — деб эътиroz билдиради ўғли. — Шаҳарлар барпо этувчилар билан бир қаторда уларни хароб этувчилар ҳам машҳурдирлар. Ўзинг ўйла, Римни Эней ё Рамул қурган, — буни аниқ билмаймиз, аммо бу шаҳарни вайрон қилган Аларих ва бошқа қаҳрамонларнинг номи ҳаммага аниқ маълум...

— Ҳамма номлар унтилган, аммо бу шаҳар барқарор, — деб эслатади она.

Шу зайлда у онаси билан қуёш ботгунча сўзлашади; она ўғлининг телба сўзларини тобора камроқ бўлади, унинг мағрур боши эса борган сайин қўйи тушаверади.

Она — яратувчи, она — ҳимоя қилувчи зот, унинг ҳузурида барбод этиш тўғрисида сўзлаш — унга қарши чиқиши деган сўз, аммо ўғил буни тушунмас ва унинг ҳаёти мазмунини инкор этар эди.

Она ҳамма вақт ўлимга қарши туради; юртга ўлим келтирувчиларни оналар ёмон кўрадилар ва душман биладилар, аммо қалбни музлатувчи совуқ шуҳрат билан кўр бўлган ўғил буни билмасди.

Шунингдек, гап она ўзи яратган ва ҳимоя қилган ҳаёт устида боргандা, она доно, шер каби довюрак ва шафқатсиз бўлишини ҳам ўғли фаҳмламасди.

Она буқчайиб ўтиради. Сардорнинг муҳташам чодирининг очиқ эшигидан шаҳар кўриниб туради: у шу шаҳарда ҳомиланинг дастлабки севинчини туйган ва хозир шу шаҳарни вайрон этмоқчи бўлаётган болани тувишнинг азобли тўлғоқларини бошидан кечирган эди.

Қуёшнинг алвон нурлари шаҳар девори ва минораларини қип-қизил қонга бўяди, дераза ойналари ваҳимали равишда ялтиради, бутун шаҳар ярадор бўлиб, юзлаб жароҳатлардан қизил ҳаёт шарбати оқаётгандек туюларди. Вақт ўтиб борарди, шаҳар мурда сингари қора яшади ва ўлик тепасига ёқилган шамлардек шаҳар устида юлдузлар милтиллаб қолди.

Она душман диққатини жалб этишдан қўрқиб, чидор ёқилмаган уйларни, сасиган мурдалар ҳиди келиб турган қоронғи кўчаларда ўз ажалини кутиб турувчи кишиларнинг шивирлаб гапиришларини, ҳамма нарсани ва ҳаммани кўриб турар эди. Таниш жонажон шаҳар кўз олдидан ҳеч нари кетмас, сукут ичиде унинг ҳукмини кутарди, у ўзини шаҳардаги барча кишиларнинг онаси деб сезарди.

Тоғларнинг қоронғи чўққиларидан водийга булут туша бошлади, улар худди қанотли отлар сингари ҳалокатга маҳкум этилган шаҳар устига бостириб борарди.

— Тун қоронғи бўлиб турса, балки шу кеча шаҳарга ҳужум қиласиз. Кўзга офтоб тушиб турганда ва қуроласлаҳалар ялтираши кўзни қамаштирганда одам ўлдириш ноқулай бўлади, чунки бундай пайтда қўл адашади,— дейди ўғли қиличини кўздан кечириб.

Она унга дейди:

— Бери кел, бошингни кўкрагимга қўйиб, ёшлигингда қандай шўх ва қувноқ бўлганингни, ҳамма сени яхши кўриб, эркалашини эслаб, дамингни ол...

Ўғли кўнади, онасининг тиззасига бош қўйиб, кўзларини юмади-да, дейди:

— Мен фақат шуҳратни ва мендай ўғилни туққанинг учун сени яхши кўраман.

— Хотинларни-чи? — деб сўрайди она унга энгашиб.

— Хотинлар жуда кўп, ҳаддан ортиқ ширинликдек тез жонга тегади.

Она сўнгти марта сўрайди:

— Фарзанд кўриш орзуси йўқми сенда?

— Нима кераги бор? Уларни бирорлар ўлдирсинг учунми? Менга ўхаша бирор уларни ўлдирса, мен азоб чекаман, улар учун қасос оламан деганимда, қариб, кучсиз бўлиб қоламан.

— Сен гўзал, аммо чакмоқ каби самарасизсан,— дейди она чуқур нафас олиб.

Ўғил жилмайиб, дейди:

— Ҳа, чақмоқ каби...

Шундай деб, у онасининг кўксига бошини қўяди-да, гўдак сингари уйқуга кетади.

Шунда она ўғлининг устига қора плашчини ёпиб, унинг юрагига пичноқ санчади, ўғли бир сесканади-ю, шу заҳоти жон беради,— она ўз фарзандининг юраги қаердалигини яхши билар эди-да. Кейин ҳайратда қолган соқчилар оёғи остига ўғлининг жасадини ташлайди-да, шаҳар томонга қараб, дейди:

— Инсонман, ватан учун қўлимдан келганини қилдим; онаман, ўз фарзандим ёнида қоламан! Энди бошқа фарзанд кўришдан ожизман, ҳаётим ҳеч кимга керак эмас.

Она шундай деб, яна ўша пичноқни, фарзанд қони — ўз қони билан ҳали илиқ турган пичноқни дадил ўз кўксига санчади, пичноқ бу сафар ҳам юракни адашмай топади — оғриқ қалбни топиш қийин эмас эди.

* * *

Чигирткалар чириллайди.

Гўё зайдун дараҳтининг қуюқ баргларига минглаб сим торлар тортилган, шамол қаттиқ баргларни тебратади, баргларнинг торларга аста, дам-бадам тегаверишидан ҳаво иссиқ, маст қилувчи куйга тўлади. Бу ҳали музика эмас, лекин кўринмас қўллар юзлаб арфаларни созлаётганга ўхшайди, шунинг учун киши дам ўтмай сукунат чўкишини, ундан кейин қуёшга, кўкка ва денгизга аталган зўр гимн янграшини дикқат билан кутади.

Шамол эсади, дарахтлар учларини силкитиб, тоғдан денгизга томон келаётгандек тебранади. Қирғоқдаги харсангларга түлқинлар бир маромда ва бўғиқ овоз билан урилади; денгиз бети оппоқ жонли нұқталарга тўла, гўё унинг мовий сатҳига беҳисоб қушлар галаси қўнган, улар бир тарафга сузишяпти, денгиз тубига шўнғиб ғойиб бўлишади-да, яна қайта юзага чиқишади ва қулоққа чалинар-чалинмас чирқиллашади. Гўё буларни ўз орқаларидан эргаштириб кетаётгандек уфқда уч қатор елканларини баланд кўтарган икки кема чайқалиб туради, улар ҳам кул ранг қушларга ўхшайди; буларнинг барчаси — эски унутилаётган тушни эслатади — ҳаётга ўхшамайди.

— Кечаси қаттиқ шамол туради! — дейди кекса балиқчи, чақир тошли чоғроқ пляжда, харсанглар кўланкасида ўтириб.

Тўлқинлар тошлоққа малла, зангор ва тилла ранг хушбўй денгиз ўтларини чиқариб ташлаган; ўтлар қуёшида ва иссиқ тошлоқда сўлган, намакоп тамли ҳаво нордорн иод ҳидига қоришган. Жингалак тўлқинлар биринкетин пляж томон чопқиллашади.

Балиқчи чол қушга ўхшайди — унинг юзи бир сиқимгина, қирғий бурун ва қорамтири халтум-халтум қовоғи тагида кўринмай кетган, эҳтимол ўткир кўзлари юмалоқ. Қўлларининг панжалари чангаксимон, суст ва қуруқшаб қолган.

— Ярим аср муқаддам, синъор,— дейди чол тўлқин ва чигирткаларнинг чириллашига монанд товушда, — худди шу бугунгидай завқли ва шовқинли, ҳамма куладиган ва қўшиқ айтадиган кун эди. Дадам қирқда, мен ўн олти ёшда эдим. Ошиқу беқарор бўлган пайтларим, ўн олти ёшда ҳар ким шундай бўлади, айниқса офтоб тепангда қиздириб турганда.

— «Гвидо, пецциони тутгани борамиз» — деди отам; пецциони, синъор, пушти ранг қанотли нозик ва мазали балиқ, уни маржон балиқ ҳам дейишади, чунки маржонлар бўлган жойда, жуда чуқурда яшайди. Уни лаингар ташлаб қўйиб, оғир чўқдиргичли қалмоқ билан тушишди. Чиройли балиқ.

— Биз овимиз ўнг келишидан бошқа ҳеч нарсани ўйламай жўнадик. Дадам бақувват киши, тажрибали балиқчи эди, аммо шундан сал илгари у ётиб турган,—

кўкрак оғриқ, боддан панжалари майишиб қолган эдч, бу — балиқчиларнинг касали.

— Манави, бизни денгизга аста ундан, қирғоқдан мулойим эсаётган шамол бор-ку, бу ўта маккор, қаҳрли шамол,— денизда у сездирмай келади-да, сиз уни ҳақорат қилгандай, устингизга бирдан ташланади. Қайиғингиз ўша заҳоти лангардан узилади-ю, шамолда учади, баъзан тўнтарилиб тушади, сиз бўлсангиз сувда қоласиз. Бу бир дақиқа ичида содир бўлади, сўкинишга ёки калима келтиришга ҳам тилингиз келмай қолади, сизни бўлса чирпирак қилиб айлантиради, узоқларга оқизади. Қароқчи ҳам бу шамолдан кўра инсофли. Аслида-ку, одамлар табиат ҳодисаларига қараганда инсофли-я.

— Ҳа, бу шамол бизни қирғоқдан тўрт километр нарида урди, кўриб турибсиз-ку, жуда яқин жойда, тўсатдан бир қўрқоқ, олчоқдек тушириб қолди.

— «Гвидо!— деди отам майиб қўллари билан эшкакка ёпишиб.— Ҳушёр бўл, Гвидо! Якорни кўтар!»

— Якорни кўтараётганимда дадамнинг кўрагига эшкак қаттиқ урилди — унинг қўлидан эшкак чиқиб кетди — дадам қайиқнинг ичига беҳуш йиқилди. Ердамлашишга фурсат бўлмади, секунд сайин бизни ағдариши мумкин эди. Олдинига ҳамма нарса жуда тез қилинди: мен эшкакка ўтирганимда сув тўзонига кўмилиб, қаёққадир оқмоқда эдик, шамол тўлқинларнинг уч-учини узуб олиб, худди попга ўхшаб, зўр ҳафсала билан бизга сув сепар,— лекин сепганда ҳам бизни гуноҳдан тозалаш учун эмас, албатта.

— «Бу жуда жиддий, ўғлим!— деди дадам ҳушига келгач, қирғоқ томонга боқиб.— Бу анчага чўзилади, чирогим».

— Одам ёшлигида хавф-хатардан унча қўрқмайди, мен эшкак эшишга ҳаракат қилдим, сувда бу шамол — ёвуз иблиснинг дами — сизга мулойимлик билан минглаб гўр кавлаб, ҳеч қандай чиқим-харажатсиз жаназа ўқиб турган хавфли пайтда нима қилиш зарур бўлса, барини қилдим.

— «Жим ўтири, Гвидо,— деди дадам, жилмайиб ва бошидан сувни силкитди.— Денгизни гугурт чўпи билан чуқилашдан нима фойда? Кучингни асрар, бўлмаса уйда сенинг қайтишингга кўз тутаётгандарнинг умиди бекор кетади».

Зангор тўлқинлар бизнинг қайигимизни ёш болалар тўп ўйнаганидай ирғитиб ўйнашади, қайиқ четларидан мўралашади, тепамизга чиқиб, гувиллайди, биз чуқур форларга ағанаймиз, оппоқ чўққиларга кўтарилимиз — қирғоқ эса борган сари биздан қочади ва у ҳам бизнинг қайигимиздек ўйин тушади. Шунда дадам менга деди:

— «Сен, балки эсон-омон қайтарсан, мен — қайтмайман! Қулоқ сол, мен сенга балиқ ҳамда иш тўғрисида гапирмоқчиман...»

— Шундай қилиб, у менга ҳар хил балиқларнинг одати — уларни қачон ва қандай қилиб ушлаш қулай экани тўғрисида нима билса барини сўзлаб берди.

— Аҳволимиз чатоқ эканига кўзим етгач: «Калима келтирсакмикан, дада?» — деб маслаҳат солдим, биз ҳамма томондан тишиларини иржайтириб турган итлар галаси ўртасида қолган бир жуфт қуёнга ўхшардик.

— «Худойи таоло ўзи кўриб турибди! — деди у.— Куруқликда яшашга яратилган одамлар денгизда ҳалок бўлаётгани, улардан биттаси қутулишига кўзи етмай билганларини ўғлига васият қилиб қолдиришга мажбур бўлаётгани — бари унга аён. Иш — ерга ҳам, инсонга ҳам зарур — буни ҳам худо билади...»

— Шундай қилиб, дадам иш тўғрисида нима билса барини айтиб бўлиб, одамлар билан иноқ бўлиш ҳақида сўзлай бошлади.

— «Ҳозир менга насиҳат қилиш пайтими? — дедим.— Куруқлиқда эканингда қилмовдинг!»

— «Куруқликда ажалнинг бунчалик яқин эканини сезмагандим».

— Шамол йиртқич ҳайвондай увиллар, тўлқинлар шовиллар — менинг эшлишиш учун дадам қичқириши керак эди, у қичқиради ҳам:

— «Сен ҳамма вақт ўзингни ўзингдан яхши киши йўқдек ва сендан ёмон киши йўқдек тута бил,— энг тўғриси шу! Дворян ва балиқчи, руҳоний ва солдат — бари бир тан, этдан суюкни ажратиб бўлмаганидек сен ҳам ўша тананинг керакли аъзосисан. Инсон боласига муомала қиласиган бўлсанг унда фазилатидан кўра разолати кўпроқ деб ўйлай кўрма,— унинг фазилати кўп деб бил — аслида ҳам шундай! Одамлардан нима изласанг шуни топасан».

— Албатта, бу сўзлар бир вақтнинг ичидаги эмас, ҳалиги, команда берилганга ўхшаш айтилди: ахир бизни шамол тўлқиндан тўлқинга, дам пастга, дам юқорига отар, бу сўзларни сув тўзони ичидаги эшитардим. Менга етмасданоқ кўп сўзларни шамол учирив кетарди, анчасига тушунмасдим — уқадиган пайтми, синъор, ҳар бир минутда ўлим хавфи бор-ку! Қаттиқ қўрқдим, денгизнинг бунчалик қутуришини биринчи бор кўришим, ўзимни ниҳоятда ожиз ҳис этардим. У дамларни эсласам хотиримда шу қадар аниқ сақланган ўшандай таассурот олдидаги ҳам, кейин ҳам қолмаганини англайман.

— Ҳамон отам кўз олдимда: у қайиқ ичидаги касал қўлларини ёзиб, панжалари билан қайиқ четига ёпишиб ўтирган эди, шляпаси бошидан учив кетган, тўлқичлар гоҳ ўнг томонидан, гоҳ чап томонидан бошига валекасига ташланар, олдидан ва орқасидан келиб урилар, у бошини силкитади, пишқиради ва дам-бадам менга қизраб қичқиради. Ивиб, кичкина бўлиб қолди, кўзлари қўрққанидан олазарак бўлиб кетди, эҳтимол қўрққанидан эмасдир, оғриқдан шундай бўлгандир. Мен оғриқдандир деб ўйлайман.

— «Тингла! — деб бақирди менга, — ҳей, эшитяпсанми?»

Баъзан жавоб қайтариб қўярдим:

— «Эшитяпман!»

— «Эсингда тут! — Яхшилик фақат инсон боласидан қайтади».

— «Хўп!» — дердим.

— У қуруқликда ҳеч қачон мен билан бундай гаплашмаган эди. Хушчақчақ, хушмуомала эди, лекин у менга масхараомуз ва ишонмай қарагандай, мени ёш бола фаҳмлагандай туюларди. Баъзан шунга хафа бўлардим — ёшлиқ иззати нафси койирди.

— Унинг қичқиришлари менинг қўрқувимни жиловлар, эҳтимол шунинг учун бари эсимда қолган бўлса.

Балиқчи чол жим бўлиб қолди, оппоқ денгизга қаради, жилмайди ва кўзини қисиб деди:

— Одамларга зеҳн солиб юриб, шундай қарорга келдим, синъор, эсда тутмоқ — билиш билан баравар экан, қанча кўп билсанг, яхшиликни ўшанча кўп кўрар экансан, — ишонаверинг, оламнинг иши шундай экан.

— Хўш, шундай қилиб унинг менга азиз ҳўл юзи ва олазарак кўзлари эсимда. У менга жиддий, меҳр билан

тикилди, шу куни ўлмаслигимни унинг қўзларидан пай-
қаб олдим. Қўрқдим, аммо ўлмаслигини билардим.

— Бизни ағдариб ташлади. Мана — иккимиз ҳам қай-
наётган, кўпираётган сув ичидамиз. У бизнинг қўзла-
римизни қамаштиради, тўлқинлар баданларимизни ир-
ғитади, қайиқнинг қорнидаги қиррасига уради. Биз ав-
валданоқ денгизнинг саёз жойига олиб бориш мумкин
бўлган нарсаларнинг ҳаммасини олганмиз, қўлларимиз-
да арқон, куч-қувватимиз борича қайифимиздан ажра-
масликка ҳаракат қиласмиз, аммо сувда чидаб туриш
оғир. Бир неча бор гоҳ у, гоҳ мен қайиқнинг қорнидаги
қиррасига урилдик ва шу заҳоти юваб туширилдик.
Ёмони шуки, бошимиз айланарди, гаранг бўлиб қолдик,
қўзимиз кўрмайди — кўз ва кулоқларимизга сув тўлган,
кўп сув ютардик.

— Бу узоққа чўзилди — етти соатча давом этди, ке-
йин шамол бирдан ўзгарди, қирғоққа қуйилиб оқди, биз-
ни ҳам қуруқликка кўтара чопди. Буни кўриб мен қу-
вониб:

— «Ҳушёр бўл!» — деб бақирдим.

— Дадам ҳам алланима деб қичқирди, унинг гапи-
дан фақат бир сўзинигина англай олдим:

— «Мажақлайди...»

— У харсанг тошларни ўйлаган экан, улар узоқда
бўлгани учун ҳам мен унинг гапига ишонмадим. Бироқ
у денгизнинг тилини мендан яхшироқ билар эди,— биз
тоғдай тўлқинлар ичиди, анчагина саваланган, дармон-
дан кетган ва тилдан қолган бир ҳолатда, боқувчимиз
денгизга ёпишиб, шиллиқ қуртлардай оқиб келардик. Бу
узоққа чўзилди, лекин қирғоқдаги қора гунгурт тоғлар
кўриниши ҳамон — ҳамма нарса ақл бовар қилмайдиган
даражада тезлашиб кетди. Улар бизга томон чайқалиб
яқинлаша бошлиди, бизнинг тепамизга босиб тушаётган-
дай бўлиб, сувга томон эгиларди,— яна, яна, оппоқ тўл-
қинлар таналаримизни улоқтиради, қайифимиз этик
пошнаси тагида чақилган ёнғоқдай қирсиллади, мен ун-
дан ажраб қолдим, қояларнинг пичноқдай ўткир эгри-
буғри қора қовурғалари кўзимга чалинади, мендан анча
юқорида дадамнинг бошига кўзим тушади, сўнгра да-
дамни шу иблислар чангалида кўрдим. Уни бели сичган,
боши ёрилган ҳолда икки соатлардан сўнг тутишди. Бо-
шидаги яраси жуда катта, миясининг бир қисми ювалиб
кетган эди, аммо худди мармар ёки қон теккан кўпикка

ўхашаш кул ранг, қизил томирчалар билан ўралган яра ўрнидан кўриниб турган мия парчаси эсимда қолган. У жуда ёмон мажаҳланган, ҳамма ёғи синиқ, лекин юзи топ-тоза, хотиржам кўзлари ҳам бутун, қаттиқ юмилган эди.

— Менми? Ҳа, мен ҳам анчагина янчилган эдим. Қирғоққа мени беҳуш тортиб чиқаришди. Бизни денгиз тўлқинлари қуруқлиқдаги Амальфи деган ёт қишлоққа элтиб ташлаган эди, албатта, у ерда ҳам ўз одамларимиз — улар ҳам балиқчилар, бунаقا ҳодисалар уларни ажаблантирмайди, лекин кўнгилларини юмшатади, хавфхатарда яшайдиган одамлар ҳамма вақт раҳмдил бўлади!

— Ўлашимча, дадам тўғрисида дилимдагининг барини айта олмадим, уларни, ахир, эллик бир йилдан бери кўнглимда асраб юрибман-а, шунинг ўзиёқ алоҳида сўзларни, ҳатто қўшиққа қўшишни талаб қиласар, аммо биз мўмин бандалармиз, балиқдаймиз, истаганимизча чиройли гапира олмаймиз! Дилингдаги кўпгина ҳис этган, билганларинг доимо тилингга келавермайди.

— Бу ерда ҳамма гап шундаки, дадам вақти-соати яқин қолганини билиб туриб қўрқмади, мени — ўз ўғлини унумтади, нимаики муҳим деб билганларининг барини менга айтиб қолдиришга куч ва вақт топа олди. Олтмиш етти йил умр кўрдим ва айтишим мумкинки, қулоғимга қўйганларининг барি — тўғри!

Чол қачонлардир ранги қизил бўлган, энди қўнғир рангга кирган тўр қалпоғини олиб, ундан трубкасини суғурди-да, тақир, бронза тусли бошини эгиб, қаттиқ гапирди.

— Бари тўғри, азизим синъор! Одамлар, қандай қиёфада кўришни хоҳласангиз улар ўшандай, уларга очиқ чеҳра билан боқинг-а, ўзингиз ҳам хурсанд бўласиз, улар ҳам! Бу жуда оддий нарса.

Шамол борган сари кучаярди, тўлқинлар янада баландга кўтарилар, ўткирлашар, оппоқ бўла борар эди; денгизда тўсатдан қушлар пайдо бўлиб қолди, улар борган сари тезроқ қанот қоқиб, узоқ жойларга учиб кетмоқда, уч қатор елканли икки кема эса мовий уфқ чироғидан нарида фойиб бўлди.

Оролнинг тик қирғоқлари тўлқинлардан кўпирган, кўм-кўк сув қутуриб шовиллайди, чигирткалар ҳам тинмай қаттиқ чириллайди.

Эски токнинг йўғон занглари орасига яширинган оқ уйнинг шундоққина эшиги олдида, гул печак ва майдамайда хитой гуллари чирмашиб кетган шу занглар бостирмаси соясида, стол атрофида бир графин винони қўйиб бўёқчи Винченцо ҳамда слесарь Джиованни ўтирибди. Бўёқчи — кичкинагина, қоқ суюк, қора киши; унинг тим қора қўзларида хаёлкашнинг мулоим табассуми йилтираб кўринади; унинг устки лаби ва ёноқлари қириб олинганидан кўкариб турса ҳам, бу табассумдан юзи болаларникидай бачканга кўринади. Оғзи қизларникideк кичкина, чиройли, панжалари узун, у тетик бармоқлари билан сарифгул ғунчасини айлантирад ва уни шишган лабларига босиб, қўзларини юмади.

— Эҳтимол — мен билмасман — эҳтимол! — дейди у секингина, чаккалари сиқиқ бошини чайқаб, шунда унинг малла ранг соч толалари кенг пешонасига тушади.

— Ҳа, рост! Шимолга борган сари, одамлар саботлироқ,— деб тасдиқлади боши катта, елкаси кенг, қора сочи жингалак Джиованни; унинг юзи қизил мис рангигда, бурни қуёш таптида куйган ва жонсиз терининг оқ пўстлоқлари қоплаган; қўзлари катта-катта, ҳўқиз қўзларисимон ёқимли, ўнг қўлининг бошмолдоги йўқ. Унинг гапи ёғ босган ва темир чанглари ўтириб қолган қўлларининг ҳаракати сингари секин. Джиованни тирноқлари синиқ қора бармоқлари билан вино стаканини қисиб, йўғон овоз билан сўзини давом эттириди:

— Милан, Туринг — янги одамлар, янги ақл бунёдга келадиган ажойиб устахоналардир! Бироз сабр қил, кўрасан — ер юзи мусаффо ва мъянодор бўлиб қолади.

— Ҳа! — деди кичик жуссали бўёқчи, стаканни кўтариб ва виносига қуёш шуъласини тушириб, куйлади:

Оҳ, замонамиз тонгига ер қайноқ эди!
Биз вояга етганда ер бўлди совуқ!

— Шимолга яқин борган сари, иш яхши бўлаверади, деяпман... француздар ҳозир бизлардай такасалтанг умр кўришмайди, ундан нари немислар, оқибат русларни ол,— асл одамлар!

— Ҳа!

Ҳуқуқсизлар, озодлик ва ҳаётни қўлдан бериб қўйиш хавфи остида улар оламшумул иш қилишди — уларнинг шарофати билан бутун шарқ ҳаёт сари отланди.

— Мардлар мамлакати,— деди бўёқчи бошини эгид.— Ўшалар билан бирга яшасам дейман...

— Сен-а?— деб хитоб қилди слесарь, кафтининг ёни билан тиззасига уриб.— Бир ҳафта ўтар-ўтмас у ерда бир парча музга айланарсан дейман!

Иккови ҳам қотиб кулишди.

Атрофларида қўқ ва олтиндай сариқ гуллар барқ урар, осмондан қуёш ҳовуч-ҳовуч нур сепар, зилол шиша графин ва стаканлар ичидаги вино чўғдай товланар. узоқ-узоқлардан денгизнинг ипакдай майин садоси эши-тилар эди.

— Шундай, меҳрибоним Винченцо,— дейди слесарь, оғзи қулоғига етиб жилмаяркан,— менинг қандай қилиб социалист бўлганимни шеър билан айтиб бер,— буни биласан-а?

— Йўқ,— дейди бўёқчи, стаканларга вино қуяр экан, унинг қип-қизил бўлиб оқиб тушишига кулиб қараб.— Сен ҳеч қачон бу тўғрида гапирмаган эдинг. Бу фазилатинг ўзингга шундай ярашиб турибдики, мен сени шу зайлда туғилгансан деб ўйлайман.

— Мен ҳамма одамларга ва сенга ўхшаб яп-яланғоч ва ақлсиз туғилганман; ёшлигимдан мен бой хотинни хаёл қилардим, солдатликда — офицерлик лавозимига имтиҳон бериш учун ўқидим, ёшим йигирма учга кирганда билсам, дунёдаги ишларнинг ҳаммаси ҳам яхши бўла-вермас экан, шунинг учун аҳмоқ бўлиб умр ўтказгани уялдим!

Бўёқчи столга суюнди-да, бошини баланд кўтариб, жарнинг шундаккина лабида, шохларини чайқаб баҳай-бат қарағайлар турган тоққа қарай бошлади.

— Бизларни — менинг ротамни — Болоняга юбордилар; у ерда деҳқонлар қўзғолон кўтарган, бир хилла-ри — ижара ҳақини камайтиришни талаб қилас, бошқа-лари — иш ҳақини кўпайтириш зарурлигини айтиб бақиради, менга униси ҳам, буниси ҳам ноҳақ бўлиб кўринар эди: ер ижарасини камайтириш, ишчи ҳақини кўпайтириш — шу ҳам гап бўлди-ю, деб ўйлардим,—ахир бу нарса ер эгаларини хонавайрон қилади-ку. Шаҳар-лик бўлганим учун менга булар бемаъни ва бўлмағур

нарса бўлиб кўринарди. Жуда жаҳлим чиқди, иссиқ, кейин бир жойдан иккинчи жойга доимий равишда кўчиб юриш, кечаси соқчилик ишлари қўшилиб хуноб бўлдим,—у довюраклар эса, билсанг, катта ер эгаларининг машиналарини синдиришгани-синдиришган, шунингдек улар буғдойларни ёндиришни ва ўзлариники бўлмаган ҳамма нарсани бузиб-янчиб ташлашни яхши кўришади.

У винони ҳўплаб-ҳўплаб ичди-да, борган сари қизишиб давом этди:

— Улар далалардан қўйлар сингари зич, тўда-тўда юриб боришарди, лекин чурқ этишмас, қовоқлари солиқ, ишчанлардай боришарди, биз уларни найза ўқталиб, гоҳида қўндоқлар билан туртиб ҳайдардик. Улар бўлса тап тортмай, шошмай тарқалишар ва яна тўпланишарди. Бу нарса кундузги ибодатдек кўнгилсиз ва безгакдай кундан-кунга чўзилиб, охири кўринмас эди, бизнинг унтеримиз Луото яхши йигит, ўзи абруцевзли, асли деҳқон, роса қийналди: сарғайиб, ориқ-лаб кетди ва бир неча марта бизларга:

— «Жуда расво бўлди, болаларим! Афтидан, айтишга тўғри келади, ўлай агар!»— деди.

— Унинг зорланиши кайфимизни баттар бузди, нимага десанг, ҳар бурчакдан, ҳар тепа ва дараҳт ортидан деҳқоннинг бўй эгмас қайсар калласи кўринади, уларнинг ғазабнок кўzlари сени излаб, текшириб юради,— албатта бу одамлар бизларга унча хушмуомала эмас эди.

— Ич!— деди кичкина Винченцо, назокат билан улфати олдига лим-лим стакани суриб.

Слесаръ:

— Ташаккур,— яшасин матонатли одамлар!— деб хитоб қилди-да, винони ичиб, кафти билан мўйловини артди ва давом этди:

— Бир кун кичкина тепаликда, зайдун чакалакзорида, дараҳтларни қўриқлаб турар эдим, нимага десанг деҳқонлар дараҳтларни қийратмоқда эдилар, тепа тагида икки киши — чол билан йигит ишлар, улар аллақандай хандақ қазирдилар. Кун иссиқ, қуёш олов сингари куйдирар, балиқ бўлгинг келарди, зерикарди киши, кейин эсимдаки, бу одамларга жуда аччиғланиб қарар эдим. Чошгоҳ бўлганда, улар ишни ташлаб, нон, пишлоқ бир кўза винони олдиларига қўйдилар,— оббо жин ургур-

лар-ей, дедим ичимда. Шу пайтгача менга бир марта-ба ҳам қайрилиб боқмаган чол йигитга бир нималар деди, у бўлса йўқ дегандай бош чайқади, чол бўлса бирдан:

— «Бор!»—деди қатъий қичқириб.

Йигит қўлида кўза билан олдимга келиб, зўрға:

— «Дадам сизни ичкиси келяпти деб ўйлайди, винодан ичар экансиз!»—деди.

— Жуда ўнғайсиз бўлса ҳам, кўнгилга хуш ёқди, мен чолга бош чайқаб рад этдим ва ташаккур билдири-дим, чол бўлса осмонга имо қилиб жавоб берди:

— «Ичинг, синъор, ичинг! Биз буни солдат бўлганингиз учун эмас, одам бўлганингиз учун таклиф этяп-миз, умид қиласизки, виномизни ичиб, зора солдат кўнгли юмшаса».

— «Қопма, жин ургур!»—дедим ичимда ва уч қултум вино ичиб, ташаккур билдирилм, улар бўлса пастила овқат ейиша бошлади; кейин менинг навбатим тугаб ўрнимда салертинлик Уго турди, мен унга бу икки деҳ қон яхши одамлар экан деб секингина шипшиздим. Худди шу куни кечқурун, машиналар сақланадиган сарой девори олдида турганимда томдан бошимга черепица тушса борми—бошимга унча қаттиқ тегмади, лекин биттаси қирраси билан келиб елкамга шундай қаттиқ урилдики, чап қўлим шалвираб қолди.

Слесарь оғзини катта очиб ва кўзларини қисиб хохолаб кулди.

— Черепицалару, тошлар, таёклар,—деб айтди у кула туриб,— ўша ерларда ўз ҳолица ишлайверди, мана шу жонсиз нарсаларнинг мустақиллиги бошимизда анчамунча катта-катта ғурралар пайдо қилди. Солдат бир жойда турибдими ё юриб кетяптими — бирдан ер остидан калтак унга ҳамла қилади, осмондан тош ёғади. Биз газабланардик, албатта!

Кичкина бўёқчининг кўзларида хафалик кезиб, юзлари оқарди, кейин у секингина деди:

— Доим бу гапларни эшитсанг уяласан киши...

— Начора! Одамларга ақл аста-секин кирар экан. Ундан кейин мен ёрдам беринглар деб одамларни чақирдим, мени бир уйга олиб кирдилар, у ерда юзига тош тегиб яраланган бир одам ётарди. Мен ундан қандай қилиб бундай бўлди, деб сўровдим, у хафалик билан кулиб, деди:

— «Кампир урди, ўртоқ, оқсоч жодугар кампир урди ва мени ўлдир деди!»

— «Қамадиларми?»

— «Мен:— Үзим ийқилиб яраландим деб айтдим. Командир ишонмади, ишонмагани кўзларидан билиниб турар эди. Лекин кампир уриб ярадор қилди дейишга тил бормайди-да, биласан-ку! Иблис! Уларнинг аҳволи танг эди, шунинг учун ҳам бизни ёмон кўришарди, маълум нарса».

— Шундай!—деб ўйладим. Бир доктор билан икки аёл келди — бири жуда чиройли, малла соч, венецианка бўлса керак, иккинчиси эсимда йўқ. Улар ярамни кўришиди, арзимайдиган яра экан, албатта, менга компресс қўйишиди-ю, кетишли.

Слесарь қошини чимириб, жимиб қолди ва қўлини қаттиқ ишқалади; шериги яна стаканларга вино қўйди,— у вино қуяр экан, графинни баланд кўтарди, вино ҳавода қип-қизариб оқиб қилқилаб тушаверди.

— Биз икковимиз дераза олдига бориб ўтиридик,— деб маъюс давом этди слесарь,— шундай ўтиридикки, бизга кун нури тушмас эди. Шунда ҳалиги малла соч аёлнинг майн овозини эшишиб қолдим — у дугонаси ва доктор билан шундаққина дераза ёнида, боғдан ўтиб бораарди, у мен яхши тушунадиган француз тилида гапи-пар эди.

— «Назар солдингизми, кўзлари қандай, а?—деди у.— Афтидан у ҳам деҳқон бўлса керак. Мундирини ечиб, ҳамма биздагиларга ўхшаб, у ҳам социалист бўлади. Шундай, бундақа кўзли одамлар бутун дунёни эгалла-моқчи; ҳамма ҳаётни бошқатдан қурмоқчи, бизларни ҳайдамоқчи; ер билан яксон қилмоқчи бўладилар. Буларнинг ҳаммасини улар аллақандай кўр-кўронча кўнгилсиз адолатнинг тантана қилиши учун қилмоқчи бўладилар!»

Доктор:

— «Эси йўқ болалар, чала тентак, чала йиртқич-лар!» — деди.

— «Ҳалиги умумий тенглик ҳақидаги орзулар-чи...»

— «Ўйлаб кўринглар,— мен ҳўқиз кўзли йигитга ва юзи қуш юзига ўхшаган унисига ўхшаган бир одамман, бизлар — сиз, мен ва бу қиз ҳаммамиз — ўша қони бузук одамлар билан тенгмиз — бир тукимиз ҳам дигар эмас!— улар сингари йиртқич бўлиши лозим одамларни чақириш учун бундай одамларга...»

— Хотин қизишиб, жуда кўп гапирди, мен бўлсанм унинг сўзини эшитиб: «Ҳа, шундай, синьора!» дедим ичимда. Мен уни биринчи марта кўраётганим йўқ эди, сен албатта, биласанки, ҳеч ким хотин кишини солдатдай ташналик билан орзу қилмайди. Мен уни меҳрибон, ақлли, соф юрак деб фараз этардим, шу билан бирга менга дворянлар, айниқса, ақлли бўлиб кўринарди.

— Ўртогимдан: «Бу тилга тушунасанми?» деб сўрадим. Йўқ, тушунмас экан. Мен унгаmall соч аёлнинг гапларини айтиб бердим — йигитнинг жон-пони чиқиб кетди, у кўзини чақчайтириб, хонада депсаниб юра бошлади,— унинг бир кўзи боғлиқ эди.

— «Шундақа де! — деб дўнфиллади у.— Шундақа де! У мендан фойдаланади-ю, мени одам ҳисобламайди-я! Мен унинг учун ўз қадримни оёқ ости қилиб юрибману, у бўлса буни тан олмайди! Мен унинг мол-жони омон бўлсин деб жонимни тикиб юрибман...»

— У ақлли йигит эди, ўзини бениҳоят ҳақоратланган деб билди, мен ҳам. Иккинчи куниёқ биз иккимиз бу аёл тўғрисида овозни баланд қўйиб, бемалол гапириша бошладик. Фақат Луото бўғилиб насиҳат қиласат эди:

— «Хушёр бўлинглар, болаларим! Эсинглардан чиқ-масинки, сиз солдатсиз, шундай экан интизом бор — риоя қилиш керак!»

— Йўқ, биз уни унуганимиз йўқ. Лекин жуда кўпчилик, ростини айтсам, деярли ҳамма, кўр ва кар бўлиб олди, довюрак деҳқонлар эса, бизнинг ҳар ва кўр бўлиб олганимиздан жуда боплаб фойдаланишди. Улар ютишди. Улар бизга жуда хушмуомала бўлиб қолишли. Малла соч аёл улардан кўп нарса ўрганса бўларди, масалан, улар қандай қилиб соф кўнгил одамларнинг қадрига етишни бу аёлга яхшилаб ўргатиб қўя олардилар. Бу ерга биз қон тўкиш ниятида келган эдик, лекин кетаётганимизда кўпчилигимизга гуллар берилди. Қишлоқ кўчаларидан ўтиб кетаётганимизда — бизга тош ва черепициялар улоқтирилмай, улар ўрнига гуллар отдиilar, дўстим! Мен шунга лойиқ иш қилдик деб ўйлайман! Яхшилаб кузатилганингдан сўнг, ёмон кутилганингни унутар экансан!

У кулди-да, кейин сўзини давом эттириди:

— Мана шуни сен шеърга солишинг керак, Винченцо...

Бўёқчи хаёл суриб туриб, шундай деб жавоб берди:

— Ҳа, бу нарса поэма боп экан! Мен уни поэма қила-

май, киши йигирма бешдан ошгандан кейин яхши лирик бўлолмас экан.

У фижимланган гулни ташлаб, бошқасини узиб олдида, давом этди:

— Она кўкрагидан ёр кўксига етгунча йўл босган одам, яна нариги, бошқа баҳт сари бориши керак...

Слесаръ стакандаги винони чайқаб жим туарар эди. Денгиз майин шувиллар, пастроқда, токдан нарироқда, гулларнинг ҳиди иссиқ ҳавода анқиб юрар эди.

— Бизнинг бунчалик майин, бунчалик эринчоқ қилаётган қўёш,— деб тўнғиллади слесаръ.

— Мен яхши лирик шеърлар ёзолмайдиган бўлиб қолдим, ўзимдан ўзим хафаман,— деди секингина Винченцо, ингичка қошларини учирив.

— Сен бирор нарса қилдингми?

Бўёқчи гапни пайсалга солиб деди:

— Ҳа, кеча «Кома» отеляси тепасида бир нарса ёздим.

Шундай деб у овозини пасайтириб, хаёлчан ҳолда, оҳангдор қилиб ўқиди:

Саҳродай бўш соҳилга, кўҳна намхуш тошларга,
Куз қўёши хайрлашиб нурни сепар мулоийм.
Қора тошларга уриб ўзин ҳасис тўлқинлар,
Совуқ кўм-кўк денгизга чўмилтирад қўёшни
Куз шамоли учирган мис сингари япроқлар,
Кўпик аро кўринар жонсиз чипор қушлардай.
Оқ осман ғамгин, шаддот денгиз бўлса — тунд,
Қуёш кулади ёлғиз уфуққа ёнбошларкан.

Иккови ҳам анча маҳалгача жим қолишади; бўёқчи бошини эгиб ерга тикилади, каттакон, оғир-вазмин слесаръ илжаяди ва охири шундай дейди:

— Ҳамма нарса тўғрисида чиройли гап айтиш мумкин, лекин ҳаммасидан ҳам яххиси инсон ҳақидаги сўз, яхши одамлар тўғрисидаги қўшиқ энг яхшидир!

* * *

... Ресторан эшигига яқин темир столчага оч ранг костюм кийган, ориқ ва соч-соқолини олдирган бир киши келиб ўтиреди. У худди америкаликка ўхшаб ўтиреди-да, эринчоқлик билан хиргойи қилиб;

— Га-агсон-н... — дейди.

Атрофни қуюқ акация гуллари ўраган — улар оппоқ, худди тилладай: ҳамма ёқда қуёш нури порлайди, ерда ва кўқда майнин баҳор завқи. Кўча ўртасида туёқларини шиқиллатиб шалпангқулоқ пакана эшаклар чопишади, сяги оғир отлар салмоқдор қадам ташлайди, одамлар бамайлихотир ўтишади,— барча тирик мавжудот қуёшда, гулларнинг асалсумон ҳидлари анқиб турган ҳавода иложи борича кўпроқ юришга хоҳиши борлиги кўринади.

Баҳор жарчилари — болалар ора-чора ўтиб туради, офтоб уларнинг кийимларини равшан бўёқларга бўяйди; ола-була кийим кийган аёллар қилпиллаб, сузиб ўтишади,— кечаси юлдузлар қанчалик зарур бўлса, улар қуёшли кунда шунчалик даркор! Оч ранг костюм кийган кишининг кўриниши ғалати: худди унинг ҳамма ёғи қопқора кир бўлган-у, шу бугун ювинтиришган, лекин ювинтиришганда эса, ортиқ ҳафсала билан унинг афт-ангоридаги чиройли белгиларнинг барини қириб ташлашгандай эди. У худди уйларнинг деворларига, кул ранг кўча ва бульвардаги кенг плиталар бўйлаб кетаётган ҳамма нарсаларга тушиб турган шуълаларни санаётгандай атрофга туссиз кўзларини тикади. У сўлиган лабларини гул шаклида чўччайтириб, ғалати ғамгин бир куйни диққат билан аста айтади, оппоқ қўлининг узун бармоқлари билан столнинг жарангдор четига чертади — тирноқлари сўнник йилтиллайди,— бошқа қўлида сариқ қўлқоп — у бу қўли билан куй оҳангига мослаб, тиззасига уриб-уриб қўяди. Унинг юзида донолик ва қатъийлик белгиси бор — лекин афсуски, у қандайдир дағал нарса билан шилиб ташлангандай.

Гарсон¹ ҳурмат билан таъзим қилиб унинг олдига чашкада кофе, кичкина бутилкада яшил ликер ва бисквит қўйди, столнинг у четига кенг кўкрак ақиқ қўзли киши келиб ўтирди,—унинг юзлари, бўйни, қўллари дуддан сарғайган, туриш-турмуши бесўнақай, темирдай пишиқ, қандайдир каттакон машинанинг бир бўлагига ўхшайди.

Топ-тоза кишининг ҳорғин назари унга тушганда, у салгина қўзғалиб, қўлинин шляпасига тегизди ва қуюқ мўйловлари орасидан деди:

¹ Гарсон — ресторон ходими. (Тарж.)

- Хуш кўрдик, жаноби инженер.
- Ия, бу сизмисиз Трама!
- Ҳа, бу менман, жаноби инженер...
- Бирор ҳодиса бўлишини кутиш керакдир, а?
- Ишларингиз қалай?

Инженер нозик лабларини салгина қимирлатиб жилмайиб:

- Фақат савол бериб суҳбатлашиш жўн бўлмаса керак дейман, дўстим... — деди.

Унинг ҳамсуҳбати бўлса шляпасини қулоғига суреб, очиқ чеҳра билан қаттиқ кулди.

- Ҳа, албатта! Лекин, ҳақиқатан шундай билгим келадики... — деди кулиб туриб.

Қўмир ортилган аравага қўшилган ола қўтири эшак тўхтаб, бўйини чўзди-да, қайгули ҳангари, бироқ бугунги товуши ёқмади шекилли, авжига чиқсан жойида ўсал бўлгандай шартта тўхтади-ю, шалпанг қулоқларини қимирлатди ва бошини экканча туёқларини шиқиллатиб нарига чопди.

- Ақлимга ақл қўшадиган китоб чиқишини кутгандек, сизнинг машинангизни зориқиб кутяпман.

Инженер кофени ичиб туриб деди:

- Бу ўхшатишингизга унча тушунмадим...

Наҳотки сиз яхши китоб кишининг руҳини кўтаргани каби, машина унинг жисмоний кучини озод қиласди деб ўйламасангиз?

- Ҳа! — деди инженер бошини кўтариб. — Шундай!

У бўш чашкани столга қўйиб сўради:

- Сиз албатта ташвиқот қила бошларсиз?

- Бошлаб ҳам юбордим...

— Яна иш ташлашлар — тартибсизликлар, шундайми?

Ҳамсуҳбати жилмайиб туриб, елкасини қисиб:

- Бусиз иложи бўлганда ку... — деди.

Қовоғи солиқ, монахга ўхшаган қора кўйлакли кампир инженерга бинафша гулдастлари тутди, у иккитасини олди-да, биттасини ҳамсуҳбатига узатар экан:

- Сизнинг, Трама, миянгиз жойида, лекин афсус — идеалистсиз... — деди ўйланиб туриб.

— Гулингиз ва мақтоворингиз учун раҳмат, сиз — «афсус» дедингизми?

- Ҳа, сиз аслда шоирсиз, шунинг учун ҳам сиз қобилиятли инженер бўлиш учун ўқишингиз керак...

Трама оқ тишларини очиб, аста куларкан деди:

— Ҳа, бу тўғри! Инженер — шоир, шундай эканига сиз билан бирга ишлаб юриб ишондим...

— Сиз илтифотли одамсиз...

— Мен ҳам жаноб инженер социалист бўла қолса нима қиласкин? деб ўйлардим. Социалист ҳам шоир бўлиши керак...

Улар иккиси ҳам бир-бирига бир хилда маъноли боқиб кулишди, улар бир-бирларидан бутунлай бошқа, бири — ориқ, асабий сийқаланган, рангиз кўзли, иккинчиси — худди кеча тоблаб ясалган-ку, ҳали силлиқланмагандай.

— Йўқ, Трама, мен ўз устахонаму, сиздақа ўттиз чоғли бақувват йигитларим бўлишини афзал кўрардим. Ҳа, ана унда биз бирор нарса яратган бўлардик...

У аста столга чертиб қўйди ва гулларни костюмининг ёқасига тақаётib хўрсинди.

— Оббо,— Трама фифони чиқиб гапиради,— арзимаган нарсалар яшашга, ишлашга халақит беради-я...

— Ие, сиз, инсоният тарихини арзимаган нарса деяпсизми, уста Трама?— жилмайиб сўради инженер.

Ишчи бошидаги шляпасини юлиб олди, уни силкитиб, қизишиб ва дадил гапирди:

— Ҳе, менинг ота-боболаримнинг тарихи нимадан иборат?

— Сизнинг ота-боболарингизнингми?— деб сўради инженер, олдинги сўзни алоҳида қайд қилиб, яна қаттиқроқ истеҳзоли куларкан.

— Ҳа, меним! Бу — беадабликми? Майли беадаблик бўла қолсин! Аммо — нега Джордано Бруно, Вико ва Мадзини менинг ота-боболарим бўла олмас экан — нима, мен улар яшаган дунёда яшамаяпманми, уларнинг улуғ ақл-идроклари атрофимга сепиб кетган неъматлардан баҳраманд бўлмаяпманми?

— Бу жиҳатдан, тўғри!

— Бу дунёдан ўтганлар жаҳонда нимаики қолдириб кетган бўлса, бари меники!

— Албатта,— деди инженер қошлигини жиддий чимириб.

— Менгача — бизгача нимаики қилинган бўлса — маъдандир, улардан биз пўлат қуюшимиз керак, тўғри эмасми?

— Нега тўғри эмас экан? Турган гап!

— Ахир сиз, олимлар ҳам биз ишчиларга ўхшаб ўтмишдаги донолар иши эвазига яшайсизлар-ку.

— Йўқ, демайман,— деди инженер бошини эгиб; унинг ёнида кичкина, ўйналавериб абжафи чиқиб кетгандай бир бола кул ранг латта-путталарга ўралиб, ифлос қўлларида бойчечакдан гулдаста ушлаб турад эди; у зўр бериб гапиради:

— Синьор, гулимни олинг...

— Ҳали олувдим...

— Гул ҳеч қачон ортиқчалик қилмайди...

— Яша, бола!— деди Трама.— Яша, менгаям иккитасини бер...

Бола унга гулдасталарни берганда, у шляпасини кўтариб, инженерга таклиф этди.

— Истайсизми?

— Ташаккур.

— Ажойиб кун, тўғри эмасми?

— Буни мен тенги — элликка кирганлар ҳам ҳис этиши мумкин...

У хаёлчан кўзини сузиб атрофга қаради, кейин уҳ тортид.

— Сиз, менинг билишимча, баҳор офтобининг нашъасини айниқса жуда кучли ҳис этсангиз керак. Бу — ёш бўлганингиз учунгина эмас, билишимча, бутун жаҳон мен ҳис этганимга қараганда сизга бўлакча туюлади, шундай эмасми?

— Билмадим!— деди Трама, жилмайиб,— лекин ҳаёт ажойиб!

— Ўзининг ваъдалари биланми?— деб сўради инженер ишонқирамай, савол ҳамсуҳбатининг жигига тегди,— у шляпасини кийиб:

— Ҳаёт ҳаммага ҳам гўзал, шуниси менга ёқади!— деди у шартта.— Азизим инженер, меним учун сўзлар фақат товушлар ва ҳарфлардангина иборат эмас,— мен китоб ўқиганимда манзараларни кўраман, гўзалликдан баҳра оламан,— гўё буларнинг барини ўзим қилгандай ҳис этаман!

Иккови ҳам кулди, биттаси ўзининг хохолаб кула олиши билан мақтангандай, бошини орқага ташлаб, кўкрагини чиқариб, қаттиқ ва очиқласига кулди, иккинчиси деярли овоз чиқармай, тишларини очиб, худди хўрсингандек кулди, гўё у яқинда тилла чайнагану, ораларига

тилла кириб қолган кўкиш тишларини тозаламагандек эди.

— Сиз — шоввоз йигитсиз, Трам, сизни кўрганимда ҳамма вақт кўнглим кўтарилади,— деди инженер ва кўзини қисиб қўйиб:— Агар ғалаён кўтармасангиз эди...

— О, мен ҳамма вақт ғалаён кўтараман...

У чеҳрасини жиддий тусга киритиб, қоп-қора чуқур кўзларини қисиб сўради:

— Биз ўтган сафар ўзимизни жуда сипо тутдик, чоғимда?

Инженер елкасини қисиб, ўрнидан турди.

— Ҳа, албатта! Биласизми, ўша воқиа корхона учун қанчага тушди? Ўттиз етти минг лирага...

— Агар ўша пулни иш ҳақига қўшиб берилса жуда яхши иш бўларди...

— Ҳим! Сиз ёмон ҳисоблар экансиз. Жуда яхши иш эмиш? Ҳар каллада бир хаёл.

У қуруқшаган сариф қўлини чўзди, ишчи унинг қўлини сиққач:

— Яна такрор айтаман, сиз ўқишингиж керак, ўқиш...— деди инженер.

— Мен доим ўқийман...

— Сиздан зўр фантазияли инженер чиқарди.

— Ҳалиям фантазия яшашимга халал бераётгани йўқ...

— Хайр, қайсар йигит...

Инженер акацияларнинг таги билан қуёш нурлари тўрини оралаб, бармоқлари ингичка ўнг қўлига қўлқопини ҳафсала билан кияркан, ориқ оёқларини аста-аста босиб узоқлашди, пакана қоп-қора Гарсон ресторон эшигидан нари кетди. У бу ерда уларнинг сұҳбатини эшишиб турган эди. Гарсон чўнтагини кавлаб мис чақаларни чиқараётган ишчига:

— Бизнинг донгдоримиз тез қарияпти...— деди.

— У ҳозирча ўзини ҳимоя қила олади!— ишонч билан гапирди ишчи.— Унинг бош чаноғининг тагида чўғ қўп...

— Келаси сафар қаерда нутқ сўзлайсиз?

— Ўша жойда, меҳнат биржасида. Сиз менинг нутқимни эшитивдингизми?

— Уч марта, ўртоқ...

Улар қўлларини маҳкам сиқишиб, жилмайишганча ажрашди; биттаси инженер кўздан ғойиб бўлган томон-

нинг қархисига жўнади, иккинчиси ўйчан куйлаб, столлардан идиш-товоқларни йиғишири бошлади.

Кўча ўртасидан олдлариға фартук тутган мактаб болалари — ўғил болалар ва қизлар саф тортиб ўтишмоқда, улардан шўхлик ва қулги худди учқун сачрагандай ҳар ёқса учади; олдинда кетаётган иккитаси зўр бериб қоғоздан ясалган карнай чалади, гўё болаларнинг устига ақация гулларидан аста қор ёғади. Ҳамма вақт, айниқса баҳорда болаларга ҳавас билан тикилиб, уларнинг ортидан:

— Ҳей, одамлар! Яшасин сизларнинг келажагингиз! — деб шўх ва қаттиқ қичқиргинг келади.

* * *

Муқаддас сукунат ичида қуёш чиқмоқда, булатларнинг тилла ранг гуллардан анқиган хушбўй ҳидга қоришиб, оролдаги тошлардан ҳавога кўкиш туман кўтарилимоқда.

Мудраётган кўм-кўк сув водийсида, рангпар осмон гумбази остида, орол худо — қуёшга қилинган қурбонликка ўхшар эди.

Юлдузлар ҳозиргина ўчди, лекин оппоқ Зуҳра юлдузи пардек булатларнинг тиниқ қаторлари устидаги хира осмоннинг совуқ юксаклигига ёлғиз ўзи чўмиб, ҳамон порлаб турибди; ним пушти рангга салгина бўялган булатлар илк нурлар оловида ёнади, уларнинг акси тинч денгиз сатҳида худди кўм-кўк сув тагидан қалқиб чиқкан садафларга ўхшайди.

Кумуш шудринглар оғирлигидан эгилган ўтлар ва гул барглари офтобни қутлаб тикланмоқдалар. Тиниқ шудринг томчилари ўтларнинг уч-учида осилиб турибди, улар тўлишиб-тўлишиб, иссиқ уйқуда терлаган ерга томади. Уларнинг аста гомишини эшитгинг келади — афуски эшитиб бўлмайди.

Қушлар уйғониб, зайтун баргларида қанот силкитади, сайдайди, пастликда эса офтоб уйғотган денгизнинг оҳуриши тоғу тошга туташади.

Шундай бўлса ҳам жимжит, одамлар ҳали уйқуда. Мусаффо тонгда гуллар ва ўтларнинг ҳиди товушлардан аниқроқ

Денгиз тўлқинлари орасидаги қайиққа ўхшаш шохлар ўраб олган кичкина оқ уйнинг эшигидан қари чол Этторе Чекко қуёшга рўпара чиқади. У якка-ёлғиз, одамови, маймунникидай қўллари узун, донишмандларни-кидай боши тақир, давр унинг юзини шу қадар эзиб ташлаганки, қовоқлари шалвираб осилиб қолганлигидан кўзлари кўринмайди.

У тук босган қоп-қора қўлини аста кўтариб, пешона-сига тутди-да, қизараётган осмонга, кейин атрофига боқади: кўз ўнгидаги оролнинг кул ранг-ақиқ тошида зумрад ва тилла ранг бўёқлар қўшилиб товланади, пушти ранг, сариқ ва қизил ранглар ловиллади; чолнинг бронза тусли юзи мулоим табассумдан титрайди, у юмалоқ, оғир бошини маъқуллагандек қимирлатади.

У ўз мувозанатини сақлагандек қаддини сал эгиб, оёқларини кериб турибди. Унинг атрофида эса энди ту-филган ёш куннинг шўхлиги зўраяди, токлардаги яшиллик ёрқинроқ ялтирайди, синчалак ва саъва қаттиқроқ чуғурлашади; чакалакзорда маймунжонлар, ломонослар, ихрож ўтлари орасида беданалар сайрайди, қаердадир олифта, бегам неаполликка ўхшаб қора қуш дрозд ҳуштак чалади.

Кекса Чекко узун, ҳорғин қўлларини боши устига кўтариб, худди пастга, косадаги май сингари сокин денгизга қараб учишга ҳозирланадай чўзилади.

У қари суякларини ростлаб бўлгач, эшик олдидаги тошга ўтириди, курткасининг чўнтағидан очиқ хат олди, уни йироқроқ тутиб, чимирилиб тикилди, ва овоз чиқармай лабларини қимирлатди. Унинг кўпдан олинмаган, худди кумуш суви юритилгандек катта юзида янги кулги жилваланди. Унинг кулгисида меҳр, қайfu ва ғурур бир-бири билан ғалати қўшилган эди.

Унинг олдидаги картон парчасида кўк бўёқ билан иккита яғриндор йигитнинг сурати чизилган. Улар жингалак соч, кекса Чеккога ўхшаш бошлари катта, елкамамелка ўтирибди, хурсанд, кулишяпти. Уларнинг тепасига йирик ва аниқ қилиб, шундай деб ёзиб қўйилибди:

«АРТУРО ВА ЭНРИКО ЧЕККО

Ўз синфининг манфаатини ҳимоя қилган иккি олижаноб курашчи. Улар бир ҳафталик иш ҳақлари 6 дол-

лар бўлган 25 000 тўқувчини уюштирганлар, шунинг учун уларни турмага қамашди.

Яшасин ижтимоий ҳаққоният курашчилари!»

Кекса Чекко саводсиз, ёзув ҳам бошқа тилда, лекин у ҳар бир сўз ўзига таниш, мис карнайлар сингари янграйдиган, куйладиган қилиб битилганлигини билади.

Бу кўк очиқ хат чолни анча ташвишга солди: у хатни икки ойча олдин олган эди. Уша заҳотиёқ унинг ота юраги бирор фалокат юз берганини сезган эди: ахир камбағалнинг расми у қонунга хилоф иш қилганидагина очиқ хатга чизилар эди-да.

Чекко бу бир парча қофозни чўнтағига яширди, лекин у юрагида тошдай туриб қолиб, кундан-кунга оғирлаша борди. Бир неча марта хатни попга кўрсатмоқчи ҳам бўлган эди. Аммо кишиларнинг: «Поп худога одамлар тўғрисида балки ҳақиқатни гапирав, аммо одамларга ҳеч қачон ҳақиқатни гапирмайди» деган сўзларнинг тўғрилигини ўзининг узоқ умри давомида билганидан кўрсатмади.

Очиқ хатнинг сирини энг олдин ажнабий сариқ рассомдан сўради. Бу новча ориқ йигит Чекконинг уйига тез-тез келиб турар, мольбертини ўнгай жойлаштирадида, бошлаб қўйган картинасининг тўрт бурчак соясига бошини пана қилиб, ётиб ухлар эди.

— Синъор,— деб сўради чол рассомдан,— бу кишилар нима қилишибди?

Рассом чолнинг болаларининг қувноқ афтига тикилиб деди:

— Бирорта кулгили иш қилишганга ўхшайди...

— Улар тўғрисида нима деб ёзишибди?

— Инглизча экан. Инглизларнинг тилини ўзларидан бошқа фақат битта худо ва яна гапи рост бўлса менинг хотинимдан бўлак ҳеч ким билмайди. Хотиним бошқа вақт ҳеч тўғри гапирмаган...

Рассом саъвага ўхашаш сайроқи бўлганидан афтидан, жиддий гаплаша олмас эди. Чол қовоғини согланча рассомдан йироқлашди, бошқа кун рассомнинг хотини семиз хонимнинг олдига борди. Уни боғдан топди. Хоним кенг оқ ҳарир кўйлақда кўк кўзларини кўмкўк осмонга ғазаб-

ли тикиб беланчакда ётиб, иссиқдан эриб кетгудек қий-
налмоқда эди.

— Бу кишилар турмага қамалган,— деди бузуқ талаф-
фузда.

Бутун орол зарбадан чайқалиб кетгандек чолнинг оёқ-
лари қалтиради. Шунга қарамай сўрашга ўзида куч топа
олди:

— Уғрилик қилишганми ё биронни ўлдирганми?

— Асло! Шунчаки улар социалистлар.

— Социалистлар деганингиз нима?

— Сиёсий деганим,— хоним ҳолдан кетган одам-
дай жавоб қилди ва кўзини юмди.

Чекко ажнабийлар ўтакетган бефаросат, улар калаб-
рияликлардан ҳам нодонроқ эканлигини билар, шундай
бўлса-да, болалари тўғрисида ҳақиқатни билишни иста-
гани учун ҳам хонимнинг катта эринчоқ кўзларини очи-
шини кутиб, узоқ турди. Ахийри хоним кўзларини очган-
нида у расмга бармоғини қадаб:

— Бу ростми?— деб сўради.

— Билмайман,— деб хуноб бўлиб жавоб қайтар-
ди хоним.— Айтдим-ку, ахир бу — сиёсат деб, тушуна-
санми?

Йўқ у тушунмас эди: сиёсатни Римда министрлар ва
бой одамлар камбағалларга солинадиган солиқни кўпай-
тириш учун қилишади. Унинг ўғиллари эса — ишчилар,
улар Америкада яшайди, азамат йигитлар эди — уларга
сиёсатнинг нима кераги бор?

У ўғилларининг расмларини қўлидан қўймай кечаси
билан ўтириб чиқди. Ойдинда у қоп-қора кўринар
ва кишини ваҳимага солар эди. Эрталаб попдан сў-
рашга қасд қилди. Қора жанда кийган поп жиддий ра-
вишда:

— Социалистлар худонинг иродасига қарши чиққан
кишилардир. Шуни билсанг бас,— деди гапни қисқа қи-
либ.

У чолнинг орқасидан янада жиддийроқ қилиб қўшиб
қўйди:

— Шу ёшга кириб, бундақа нарсалар билан қизи-
қиш уят сенга!..

«Яхшиям расмни кўрсатмаганим» деб ўйлади
Чекко.

Орадан яна уч кун ўтгач олифта ва енгилтак сарта-
рошнинг олдига борди. Бу ҳангى эшакдай бақувват йи-

гитни денгиз гўзаллигидан лаззатланиш баҳонасида келиб, аслда, камбағал йигитларни топиб айш-ишрат қилишни кўнгли тусаган қари америкалик аёллардан пул олиб севармиш, деб айтишарди.

— Ия! — деб бақирди бу нодон йигит очиқ хатдаги ёзувни ўқиб ва унинг лунжлари қувончидан шишиди.— Булар менинг ўртоқларим, Артуро ва Энрико-ку! Э-ҳа, Этторе ота сизни ва ўзимни юрагимдан табриклайман! Мана ҳамشاҳарларимдан яна иккитаси машхур — бу билан фахрланмай бўладими?

— Бекордан бекорга вайсама,— деб огоҳлантириди чол.

Лекин у қўлини пахса қилиб бақирар эди.

— Жуда соз!

— Улар ҳақида нима деб ёзишипти?

— Ўқиёлмайман, лекин имоним комилкӣ, ҳақ гапни ёзишган, камбағаллар, улар ҳақида тўғри гапиришлари учун улуғ қаҳрамон бўлишлари керак, ниҳоят!

— Жим, илтимос қиласман сендан,— деди-да, чол Чекко жаҳл билан ёғоч ковушини тошларга тақиллатиб урганча кетди.

Рус синъорнинг олдига кетди. Уни хушфеъл ва софдил дейишаради. Келди-да, кундан-кунга ажали яқинлашаётган синъор ётіан каравотга ўтириди-да:

— Бу кишилар ҳақида нима дейишибди? — деб сўради.

Рус касалдан нурсизланган, ғамгин кўзларини сузиб, очиқ хатдаги ёзувни заиф овозда ўқиди ва чолга мулоҳим жилмайди.

— Синъор, ўзингиз кўриб турибсиз — мен жуда қарид қолдим. Гез орада худойимнинг даргоҳига қадам ранжида қиласман,— деди чол.— Биби Марям мендан болаларимни қандай тарбиялаганимни сўраб қолгундай бўлса, мен буларнинг барини тўппа-тўғри, батафсил айтиб беришим керак. Бу расимдагилар менинг болаларим, лекин мен тушумаяпман, улар нима қилишибди, нега турмага тушибди?

Шунда рус унга жиддий ва содда қилиб маслаҳат берди:

— Биби Марямга айтингки, сизнинг болаларингиз унинг ўғлининг асосий васиятини яхши англашган: улар яқин кишиларига меҳр-муҳаббат қўйишган...

Ёлғон гапни шунчаки айтиб бўлмайди: ёлғонлаш учун тумтароқ ва ялтироқ сўзлар керак, чол руснинг гапига

ишонди ва унинг меҳнатда пишмаган кичкина қўлини қаттиқ сикди.

— Турма — улар учун иснод эмас экан-да?

— Йўқ,— деди рус.— Ахир ўзингиз биласиз-ку, бойлар бениҳоят кўп ёмонликлар қилиб, уни ёпиб кетиша олмаган тақдирда қамалади, камбағаллар бўлса салгина яхшилик талаб қилишсаёқ қамоққа тушади. Мен сизга айтсам, сиз баҳтли отасиз!

У Чеккога заиф овозда виждонли одамлар дунёда нима ишлар қилишаётгани, улар очарчилик, разолат вужудга келтирган барча даҳшатлар ва ёвузликларни енгмоқчи эканликлари ҳақида узоқ гапириб берди...

Қуёш кўкда оловдан ясалгандек ёниб турари, кул ранг харсанглар уюмига ўз нурларининг зарини сочмоқда. Ҳар бир харсангнинг ажинларидан эса зумрад майсалар, осмондай кўм-кўк гуллар қуёшга илҳоқ бўлиб бўй чўзмоқда. Қуёш нурининг тилла учқунлари юм-юмалоқ биллур шабнам томчиларида ялт этади ва ўчади.

Чол теварак-атрофдаги ҳамма нарсалар ёруғликнинг жонли маҳсулини эмиб, нафас олаётганига, қушлар оворагарчилик билан уя қуриб, сайрашаётганига разм солади. У ўз болаларини ўйлади: йигитлар океан ортидаги катта шаҳар турмасида,— бу албатта уларнинг соғлиғига зарар, ҳам ёмон...

Аммо умр бўйи виждони тоза бўлган отаси каби улар ҳам виждонли йигитлар бўлиб ўсишди, шунинг учун ҳам қамоқда ётишибди,— бу жиҳатдан уларга яхши, ўзининг кўнгли учун ҳам яхши.

Чолнинг бронза тусли юзи ифтихор туйғуси билан жилмайишдан эриб кетгандай бўлади.

— Ер — бой, одамлар — камбағал, қуёш — сахий, киши — ёвуз. Умр бўйи мен шу ҳақда ўйладим, уларга буни гапирмаган бўлсам ҳам улар отанинг фикрини тушунибди. Ҳафтасига олти доллар — ў-ҳў, бу қирқ лира! Лекин улар буни оз деб билишибди, ўзларига ўхшаган йигирма беш минг киши уларга қўшилибди — яхши яшашни истаган киши учун бу оз...

Болаларида ўзининг юрагидаги яшрин фикрлари

ўсган ва ривож топганига ишонди. Бу билан фаҳрлана-ди, лекин одамлар ўзлари ҳар куни тўқиидиган эртакла-рига ўзлари ишонмасликларини билиб, жим бўлиб қо-лади.

Фақат баъзан унинг қари, кенг юраги болаларининг келажаги ҳақидаги ўйлар билан тўлади. Шундай пайтда кекса. Чекко буқчайган қаддини ростлаб, нафасини олиб, кучининг борича йироқларга, болалари кетган денгиз то-мон қараб хирқироқ овоз билан:

— Ҳор-манг-лар!.. — дейди.

Қуёш қуюқ ва майин денгиз суви узра кулиб, тобора юқори кўтарилади, узумзорлардаги одамлар эса чолга жавобан:

— Бор бў-линг!.. дейишади.

* * *

Яков авлиё маҳалласидагилар ўз фонтани билан мақ-танса арзиди, чунки бу фонтан бўйида ўлмас Джованни Боккачио яйраб суҳбатлашиб, дам олиб ўтиришни яхши кўрар эди. Бунинг устига Томазо Аниелло — Мазаниеллонинг дўсти буюк Роза Сальватор кўп марта бу фон-танинг суратини катта қилиб чизган. Қамбағал халқ-нинг озодлиги учун курашиб ҳалок бўлган бу кишини шу халқ Мазаниелло деб атаган эди. Мазаниелло ҳам биз-нинг шу маҳалламиизда туғилган эди.

Умуман бизнинг маҳалламиизда кўп ажойиб одамлар туғилиб ўсган. Ҳозиргига қараганда қадим бундай одам-лар тез-тез туғилиб турар ва машҳурроқ эди. Эндиликда эса ҳамма пиджак кийиб, сиёsat билан шуғулланадиган бўлганидан кейин, бироннинг бирордан юқорироқ кўта-рилиши қийин гап бўлиб қолди, газета қофозларига йўр-гаклангандан кейин кишининг қалби ҳам яйраб ўスマйди.

Утган йил ёзига қадар маҳалламизнинг яна бир иф-тихори сабзвотфуруш Нунча эди. Дунёда энг қувноқ ва маҳалламиизда энг чиройли аёл киши шу эди. Шаҳарнинг бошқа жойларига қараганда қуёш доим унинг тепасида кўпроқ тўхтаб ўтар эди. Фонтан ҳозир ҳам албатта, ҳар вақтдагидек турибди; вақт ўтиши билан тобора сарғайиб ажнабийларни ўзининг ажойиб ҳуснига маҳлиё қилиб тураверади,— мармар болалар қаримайди ҳам, ўйиндан чарчамайди ҳам.

Гўзал Нунча эса бултур ёзда қўчада танца тушаётиб ўлиб қолди,— бундақа ўлим жуда камдан-кам бўлади, шунинг учун бу тўғрида гапирса арзийди.

У жуда ҳам қувноқ ва дилдор эдики, эри билан осо-йишта ҳаёт кечириши маҳол эди; эри унга анча вақтгача тушунолмайди — бақирап, сўкинар, қўл силтар, одамларга пичноқ ўқталар эди. Бир кун пичноқни ишга солиб бирорвонинг биқинини тешиб ҳам қўйди. Аммо полиция бунақа ҳазилни ёқтирамайди. Стефано турмада бир оз ётгача, кейин Аргентинага жўнаб кетди, ҳаво алмашишнинг сержашл одамларга нафи катта-да.

Нунча йигирма уч ёшида беш яшар қизчаси билан бева қолди. Эридан яна бир жуфт эшкак, арава ва сабзавот экиладиган ер қолди. Қувноқ кишига кўп нарса керакмас, унинг учун эса бу нарсалар кифоя эди. Унинг қўлидан иш келар, унга ёрдам бермоқчи бўлганлар ҳам кўп эди. Меҳнат ҳақи тўлаш учун пули етмагандаги эса, у кулги, ашула билан ва пулдан доим қадрли кўнгил қувончи билан тўлар эди. Унинг ҳаётидан баъзи хотинлар, албатта, баъзи эркаклар хурсанд эмас эди. Соф кўнгил бу аёл хотинлик кишиларга тегишиш у ёқда турсин, аксари эркакларни хотинлари билан яраштириб қўйишга ҳам уста эди. У кўпинча:

— Хотинидан кўнгли қолган киши, севишни ҳам билмайди... — дерди.

Ийитлик чоғидан диний семинарияда ўқиб, руҳонийликка тайёрланган, аммо денгизда майхоналарда ва кўнгил очар жойларда тентираб юриб, жубба кийиш ва жаннат йўлини йўқотган балиқчи Артур Лано бемаза қўшиқлар тўқишига уста эди. Бир кун у Нунчага:

— Сен дейман, ишқ-муҳаббат диний илмдек қийин бир нарса деб ўйлайсанми? — деди.

— Мен илм деган нарсани билмайман, сен тўқиган қўшиқларнинг ҳаммасини биламан,— деди у ва, бочкага ўхшаш бу гирдиғум кишига қўшиқ айтиб берди:

Шундай бўлди муқаррар
У пайтда баҳор эди
Биби Марямнинг ўзи
Тўйида бўлган эди

У хохолаб кулганда қип-қизил семиз юзларида унинг жовдир кўзлари йўқолиб кетгандек бўлди.

Бу аёл ўзи ҳам хурсанд бўлиб, бошқаларни ҳам хурсанд қилиб, кўнглини кўтариб ҳаёт кечираради. Ҳатто ду-

ғоналари ҳам, одамнинг табиати — унинг қон-қонига син-гиган бўлишини фаҳмлаб, ҳатто азиз-авлиёлар ҳам ҳар доим ўзларини тутиб турга олмасликларини эслаб, унга кўнишиб, иноқ бўлиб қолган эди. Ахир, эркак киши худо эмас, фақат худо хиёнат қилмайди-да...

Нунча ҳамма қойил қолган маҳалланинг энг гўзал, энг яхши раққоси бўлиб юлдуздек ўн йил порлаб турди. Башарти қиз бўлганида уни, албатта, бозор маликаси қилиб сайлаган бўлардилар, чунки ҳамманинг назарида маликадек эди.

Уни ҳатто ажнабийларга ҳам кўрсатдилар. Улардан кўплари бу нозанин билан танҳо гаплашмоқни жуда-жуда орзу қиласарди; Нунча бундан доим ичаги узилгудек бўлиб куларди.

— Бу сийқаси чиққан синъор мен билан қайси тилда сўзлашаркин?

— Олтин пул тилида-да, тентак — дейишарди. унга серсовлат одамлар. Шунда у:

— Бегоналарга мен пиёз, саримсоқ, памидордан бўлак нарса сотмайман,— деб жавоб қиласарди.

Унга чин кўнглидан яхшилик истовчи баъзи кишилар ҳам у билан қаттиқ туриб гаплашган маҳаллари бўларди:

— Атиги бир ой деган гап, Нунча, сен бой бўласан кетасан! Шу тўғрида яхшироқ ўйлаб кўр, қизинг борлигини унутма...

— Йўқ,— деб эътиroz билдиради у,— мен танимни севаман ва уни ҳақорат қилдириб қўя олмайман. Мен биламанки, бир нарсани истар-истамас бир карра қилдингми, ўзингни бир умр бебурд қиласан...

— Аммо, сен бошқаларга йўқ демайсан-ку!

— Ўзимизникиларга, қачон истасам...

— Ўзимизникилар деганинг нимаси?

У буни яхши биларди:

— Қалбим шулар орасида ўсган ва уни тушунадиган кишилар...

Шундай бўлса-да, англиялик бир сайдҳ билан бу аёл ўртасида қизиқ бир воқиа бўлиб ўтади. Бу одам гарчи бизнинг тилимизни яхши билса-да, жуда қизиқ ва камгап эди. Ўзи ёш бўлса ҳам сочи оқарган, юзида кўндаланг тириғи бор эди. Важоҳати қароқчиникига, кўзлари авлиёниги ўхшарди. Бирорлар бу одам китоб ёзяпти деса, бошқалар қиморбоз дерди. Нунча у билан ҳатто қаёқладир Сицилияга кетиб қолиб, у ёқдан жуда озиб-тўзиб

қайтган эди. Аммо у одам бой эмас экан,— Нунча ҳеч нарса олиб келмади: на пул ва на совға. Яна ўз кишилари орасида ҳар қачонгидек ҳаммани хурсанд қилиб яшайверди.

Бир байрам куни одамлар черковдан чиқиб келаётганда, кимдир ажабланиб:

— Қаранглар — Нина худди онасига ўхшаб кетяпти-я!— деди.

Бу кундек равшан ҳақиқат эди: Нунчанинг қизи одамлар сезмаган ҳолда онаси каби ёруғ юлдуздек порлаб бораради. Ёши атиги ўн тўртга кирган бўлса-да, лекин бўйи-бости расо, патила соч, кўзлари чараклаган эди. У балоратга етгандек ва хотин бўлса бўлгудек кўринарди.

Хатто онаси ҳам қизига ҳайрон бўлиб қараб:

— Ёпирай, наҳотки мендан ҳам чиройли бўлсанг?

Қизи табассум билан жавоб қилди:

— Йўқ, сиздек бўлсанм бас, шуниси ҳам кифоя...

Шундагина кишилар бу қувноқ хотиннинг юзида хафалик асарини биринчи марта кўрдилар. У кечқурун дугоналарига:

— Бизнинг турмушимиз ана шундоқ! Стаканингдаги чойингни ичиб яримлатмасингданоқ, унга бирор қўй чўзади...— дейди.

Албатта. Нина билан онаси ўртасида рақибалик асари илгари кўринмас эди: чунки қизи ўзини содда ва эҳтиёт тутар, ёруғ дунёга бепарво назар ташлар, эркаклар олдида оғиз очмасди. Онасининг кўзлари эса эҳтирос билан ёнар, овози ҳамон ёқимли эди.

Одамлар унинг атрофида илк тонг нури тушган елканли кемадек товланар эди. Дарҳақиқат тўғри: Нунча кўплар учун ишқ-муҳаббат кунининг илк нури эди. Кўплар учун ўз араваси ёнида кўчада хиромон юриш қилиб келаётганини кўриб, овози эса томларга паровоз қилаётганини эшишиб, мамнуният ичиде сукут қиласардилар. Буюк рассом томонидан черковнинг оқ деворига солинган суратдек, раиг-баранг сабзавотлар орасида бозорда туриши ҳам жозибадор эди. Унинг жойи авлиё Яков черкови жиловхонасининг сўл томонида эди. Дарҳақиқат, у шу жойдан уч қадам нарида ўлди. У худди нур сочгандек турар, унинг ҳазил-мутобалари, кулишлари ва минглаб қўшиқлари нур сочиб, одамларнинг бошлари узра парвоз қилиб юргандек эди.

У ясанишни ҳам жойига қўяр, кийими унинг жамоли-

ни байни тиниқ стакандаги винодек кўрсатарди. Стакан қанчалик шаффоф бўлса вино шунчалик яхшироқ кўринади. Чунки винонинг ранги унинг тами билан ҳидига қўшилиб, кўнглимизга андаккина қўёш қонини қўйиш билан биз ичадиган сўзсиз қўшиқни тугаллади. Оҳ, вино қандай соз! Одамга ўзининг ғариб кўнглини бир стакан лаззатли қизил вино билан овутиш насиб бўлмаса, бу серғовга ва серташвиш олам эшакнинг туёғига ҳам арзимас эди, чунки яхши вино ваҳдад майи сингари бизларни гуноҳ юқидан халос қиласди, ифлосликлар тўлиб-тошиб ётган бу дунёни севишига ва кечиришга ўргатади... Сизлар стакандаги вино орқали қўёшга боқсангиз, вино сизларга шундай эртакларни сўйлайдики...

Нунча офтоб нурлари остида туради ва одамларнинг кўнглида қувноқ фикрларни уйғотиб, уларда ўзинга ёқиши истагини қўзғатади: гўзал хоним олдида кўз илғамас одам бўлиш уят, одам ўзини каттороқ кўрсатгуси келади. Нунча кўп яхши ишлар қиласди, кўп кучларни уйғотиб, ҳаётга йўллар эди. Яхшилик кишида доим яхши истаклар уйғотади.

Шундоқ қизи худди монахиня ёки қин ичидағи пичоқдек онаси ёнида аксари бирга бўлади. Эркаклар уларни таққослаб кўради, балки баъзилар хотин буни сезаётганини ва яшамоқ унга алам қилаётганини билади.

Замон шошиб-пишиб, майда қадам ташлаб, ўтиб боради, одамлар қўёшнинг заррин нурлари остида олтин зарралариdek липиллаб кўринади. Нунча тез-тез қалин қошларини чимириб, баъзан лабларини тишлаб, худди рақибининг қўлидаги картасини билмоқ ҳаракатида бўлган картабоззек, қизига қараб-қараб қўяди...

Бир йил, икки йил ўтади, қизи борган сари онаси тенглашиб, ундан ўтади. Йигитлар энди қайси бирига мулойим боқишини билмайдилар — бу ҳаммага аён. Дугоналар-чи,— дўстлар ва дугоналар ҳам ачишган ерига туз сепишни яхши кўрардилар.

— Ҳа, Нунча, қизинг сени йўлда қолдиряптими? — деб сўрайдилар. Нунча кулиб туриб:

— Катта юлдузлар ой ёруғида ҳам кўринади,— деб жавоб қиласди.

Онаси бўлгани учун қизининг ҳусн-латофатидан фахрланарди, аммо хотин бўлгани учун Нунча ўшликка ҳasad қилмаслиги мумкин эмас эди; қизи Нина онасидан қўёш юзини тўсиб қўйди,— сояда қолиш онага алам қиласди.

Лано янги қўшиқ тўқиди, унинг биринчи бандида шундай дейилган:

Эр бўлсайдим,— қизимга
Буюардим дунёга
Гўзал бир қиз туғмоғни
Мен ундан ёш чоғимдай...

Нунча бу қўшиқни айтгуси келмасди. Нина онасига гўё бир неча бор:

— Агар сен эслироқ бўлганингда биз яхшироқ яшаган бўлар эдик, дебди деган миш-мишлар юради.

Ахир бир куни онасига қизи шундай дейди:

— Ойи, сен мени одамлардан мунча тўсасан, ахир мен ёш эмасман, ҳаётдан ўз ҳиссамни олишни истайман! Сен кўп умрингни хурсандчилик билан ўтказдинг,— менинг яшайдиган вақтим келмадимикан?

— Ўзи нима гап? — деб сўрайди онаси, кўзларини ерга тикиб, онаси нима гаплигини биларди.

Австралиядан Энрико Борбоне қайтиб келди. Бу одам у ерда ўтинчи эди. Бу ажойиб мамлакатда ҳар бир киши истаганча пул топа оларди. У ўз юртинг қуёшида илинмоқ учун келган ва эркинроқ кун кўриладиган жойга яна қайтиб кетиши ниятида эди. У ўттиз олти ёшга кирган, серсоқол, бақувват, қувноқ бу одам ўз саргузаштларини, қалин ўрмонлардаги турмуш ҳақида ажойиб қилиб сўзлаб берарди; ҳамма унинг гапларини афсона деб билар, она билан қиз ҳақиқат деб тушунарди.

— Мен Энрикога ёқиб қолганга ўхшайман,— дейди Нина онасига,— сен эса у билан ўйнашасан, уни енгил табиат қилиб қўяссан, бу ишинг менга халақит беради.

— Биламан,— дейди Нунча — яхши, онанг устидан биби Марямга шикоят қилмассан...

Бу хотин кўплардан кўра ўзига ёқсан (бу ҳаммага аён эди) бу одамдан тентаклик билан ўзини олиб қочди.

Маълумки осонликча қўлга киргизилган ғалаба ғолибларни кеккайтириб юборади, башарти ғолиб ҳали бола бўлса иш чатоқ!

Нина онасига номуносиб муомала қиласди; авлиё Яков куни, маҳалламизнинг ҳайитида одамлар баҳузур яйраганда, Нунча тарантелла рақсига қойил қилиб тушганда, қизи барака шундай деди:

— Ҳадеб ўйин тушаверишинг нимаси? Ёшингга ҳам тўғри келмаса керак, юракни аяш лозим...

Қизнинг мулойимгина қилиб айтган бу қаттиқ гапини эшитганлар бирдан жим қолдилар, Нунча эса хипча белига қўлларини тираб, ғазаб билан ўшқирди:

— Менинг юрагим? Сенга ташвиши тушиб қолдими-я? Яхши, қизча, саломат бўлинг! Аммо, кўрамиз, кимнинг юраги кучли экан!

Ўйланиб туриб таклиф этди:

— Икковимиз шу ердан фонтангача уч марта чопиб бориб, қайтамиз, дам олмаймиз...

Хотинларнинг бу пойгаси кўпларга эриш туюлди, баъзилар бунга шармандалик, манжалақилик деб қарадилар, аммо кўпчилик Нунчани ҳурмат қилиб, унинг таклифиға ҳазил аралаш жиддий қараб, онасининг таклифини қабул қилишга Нинани мажбур этдилар.

Судъя тайинладилар, чопиш муддатини белгиладилар,— худди пойгадагидек ҳаммаси мукаммал ва аниқ қилинди. Кўп эркак ва аёллар онасининг ютиб чиқишини чин кўнгилдан истаб, уни дуо қиласидилар, агар биби Марям Нунчани мадад қилиб, қувват берадиган бўлса, назр-ниёз атаб қўйдилар.

Мана она билан қиз бир-бирига қарамай ёнма-ён турди; доира гумбуzlади, улар жойларидан қўзғалиб, икки оппоқ қушдек кўча бўйлаб майдонга ўқдек учдилар,— онасининг бошида қизил рўмол, қизининг бошида эса ҳаво ранг рўмол.

Бир минутдан кейин қизнинг чаққонликда ва кучда онасидан орқада қолиши аниқ бўлиб қолди,— Нунча худди ернинг ўзи ўз боласини кўтаргандек, бемалол ва чиройли елиб кетмоқда эди,— одамлар деразалардан ва йўлаклардан унинг оёғи остига гулдасталар отардилар, чапак чалиб, ҳайқиришиб уни олқишлидилар. Икки марта бориб келганида қизидан тўрт минут илгарила бетди,— муваффақиятсизликдан ранжиган, ҳолдан кетган Нина кўзлари ўшга жиққа тўла, ҳарсиллаб жиловхона остонасига келиб йиқилди.— Учинчи марта чопишга мадори қолмади.

Нунча абжир мушукдек унинг тепасида энгашиб, кўплар билан бирга қўшилишиб кулди:

— Болам,— деди у қизнинг тўзғиб кетган соchlарини кучли қўли билан силаб,— болагинам, шуни билгинки, энг кучли юрак ўйин-кулги, иш ва муҳаббатда,— ҳаётда чиниққан хотиннинг юрагидир, ҳаётни ўттиздан ошганингдан сўнг биласан.. Қизим, хафа бўлма!..

Нунча пойгадан кейин ўзига дам бермай яна тарантелла танасиға тушмоқчи бўлди:

— Талабгор борми?

Энрико ўртага чиқиб, шляпасини қўлига олиб, бу хотинг таъзим қилди, унинг олдида узоқ вақт ҳурмат билан бош эгид турди.

Доира гумбурлаб чалинди, ўткир эски винодек одамини маст қилувчи шўх рақс авжига минди. Нунча илондек тўлғонди,— бу эҳтиросли рақснинг мазмунини чуқур тушунарди, унинг гўзал ва чарчамас гавдаси яйраб-яшнаётгани, ўйнаётганини кўриш роҳат эди.

У кўплар билан узоқ ўйин тушди, эркаклар ҳолдан кетди, у ҳамон ўйинга тўймас эди. Ярим кечадан ошгандан кейин:

— Кел, Энри, сўнгги марта!— деб у билан секин танца бошлади, унинг кўзлари кенгайиб, мулойим нур сочиб, кўп нарса ваъда қиласиди,— аммо бирдан қичқириб, чапак чалиб, худди тиззасидан чопилгандек йиқилиб тушди.

Докторнинг айтишича, юраги ёрилиб ўлган эмиш.
Эҳтимол...

* * *

Пепе — нозик, ингичка ва калтакесакдек абжир ўн ўшлардаги бола. Тор елкаларида ола-була йиртиқ кийимлари осилиб ётади, офтобдан ва ифлосликдан қорайган бадани беҳисоб тешиклардан мўралаб туради.

У қуриган хас-чўпга ўҳшайди, денгиздан эсган шамол уни учирив ўйнайди. Пепе офтоб чиққандан ботгунча ороллардаги тошлар устида ирғишлаб юради ва ҳар соат унинг толмас товушчаси аллақаёқдан жаранглаб эшитилиб қолади:

Гўзал Италия,
Италиям менинг!..

Ҳамма нарса унга эрмак: сербаракат ерлар устида чамандек яшнаб ётган гуллар, қўкимтири тошлар орасида юрган калтакесаклар, зайдун дараҳтининг жимжимадор барглари, яшил тош сингари ток новдалари орасидағи қушлар, денгиз тубларидаги қоронғи боғлардаги баълиқлар, шаҳарнинг тор ва чалкаш кўчаларида юрган сайёҳлар: қилич ичидан юзи тиришиб қолган семиз немис, одамови ролини ўйнашга ўрганиб қолган артистнамо

инглиз, зўр бериб инглизга ўхашни истаган, лекин эп-
лай олмаган америкалиқ, шақилдоқдек тинмайдиган нус-
хаси топилмас француз,— ҳаммаси ҳам эрмак эди.

Пепе ўртоқларига кеккайғанлигидан соchlари дикка-
йиб турган димоғдор бир немисни синчков кўзлари билан
кўрсатиб:

— Башарасини қаранг-а!— деди,— юзи менинг қор-
нимдан кичиклик қилмайди!

Пепенинг немисларни кўрарга кўзи йўқ; у қўчалар,
майдонларда ва қоронғи дўкончаларда вино ичиб, карта
ўйнаб ва газета ўқиб, сиёsat тўғрисида баҳс қилишади-
ган ўз одамларининг фикрлари ва кайфиятлари билан
яшайди.

— Бизларга,— дейдилар улар,— биз камбағал жануб-
ликларга дўстлигимиз эвазига Африка қумларини бизга
инъом қилган хушмуомала иттифоқчиларимиздан кўра
Балкан славянлари яқинроқ ва дилкашроқдир.

Жанубнинг оддий кишилари бу гапни кўп гапиради-
лар. Пепе эса ҳамма гапни эшигади ва ҳаммасини ёдида
сақлаб қолади.

Бир инглиз қайчига ўхашаш оёқларини хунук ташлаб
боради. Пепе эса унинг олдига тушиб олиб, ўликларга
ўқиладиган дуони ўқийди ёки ғамгин бир ашулани ай-
тади:

Дўстим яқинда ўлди,
Хотиним жуда хафа.
Мен тушуна олмайман
Фам чекади у нега?

Пепенинг ўртоқлари кула-кула, юмалашиб унинг ор-
қасидан борадилар, сайёҳ нурсиз кўзларини мулоимги-
на тикиб қараганида, улар чакалакдаги сичқонлар син-
гари ўзларини бурчак-бурчакка урадилар.

Пепе ҳақида жуда кўп қизиқ ҳикоялар сўзлаб бериш
мумкин.

Бир куни аллақандай бойвучча унга ўз дугонасига ўз
боғидан бир сават олма олиб бориб беришни буюрган.

— Бир сольдо ишлаб қоласан,— дейди у хотин. За-
рар қилмайсан.

Пепе саватни жон деб бошига кўтариб жўнаб қолади,
сольдони олиш учун кечқурун қайтиб келди. Аёл унга:

— Жуда имиллаганга ўхшайсан,— деди.

— Чарчаганимни айтмайсизми, азизим синьора,— деб
жавоб қиласди хўрсиниб Пепе.— Улар ўнтадан кўп экан.

- Лиқ тўла саватда-я? Ўнта олма?
- Болалар, синьора.
- Олмалар-чи?
- Бошлаб Микеле, Жовонни деган болалар...
- Хотиннинг жаҳли чиқиб, болани елкасидан ушлаб:
- Айт, олмани обориб бердингми?— деб силтади.
- Майдонгача, синьора! Билсангиз, мен ўзимни яхши тутдим: бошда уларнинг масхара қилганига парво қилмадим, мени эшак десалар ҳам майли, сиз синьорага ҳурматим туфайли ҳаммасига чидай деб ўйладим. Лекин онамни ҳақорат қила бошлаганларидан кейин, ҳа сенларни, бу қилиқларинг кетмайди деб ўйладим. Шунда саватни ерга қўйиб, бу муттаҳамларга шундай мўлжаллаб отдимики, кўрсангиз қота-қота кулардингиз, марҳаматли синьора!
- Улар олмаларни талаб кетишдими!— деб қичқирди аёл.

Пепе уҳ тортиб, дейди:

- Йўғ-э. Болаларга тегмаган олмалар деворга тегиб эзилиб кетди, душманларимни енгиб улар билан ярашганимдан кейин қолган-қутганини едик...

Аёл шаллақилик қилиб Пепени тоза қарғайди,— бола тек туриб қарғишларга қулоқ солади, баъзан тилини чўқиллатиб, баъзан эса маъқуллагандай секин:

— Тоза боплаяпсиз, гапга уста экансиз,— дейди.

Аёл чарчаб нари кетганидан кейин бола унинг орқасидан гап қилди.

— Агар сиз боғингизда пишган чиройли олмалар билан ўша муттаҳамларнинг ифлос бошига боплаб туширганимни кўрганингизда, сиз шундай ташвишланмасдигиз,— оҳ қани эди кўрсангиз!— ўшанда менга ваъда қилган бир сольдо ўрнига икки сольдо берардингиз!

Бу қўпол аёл ғолиб боланинг гўзал ғурурини англа майди, болага темирдек қаттиқ мушт билан таҳдид қиласди.

Пепенинг ўзидан катта тентакроқ опаси бир бой американнинг вилласига оқсоқ бўлиб (уй йиғишириш хизматига) киради. Опаси яхши овқат еб, тезда тозаланиб, қизариб августда етилган нокдек тўлишади.

Укаси бир куни ундан:

- Сен ҳар куни овқат ейсанми? — деб сўрайди.
- Хоҳласам уч марта ейман,— деб мақтанади.

— Тишларингни аясанг бўларди! — дейди унга Пепе, кейин ўйланиб, яна сўрайди:

— Хўжайининг жуда бойми?

— Хўжайиним? Билишимча қиролдан ҳам бой!

— Ҳа, майли, бачкана гапни қўяйлик! Хўжайининг нинг нечта шими бор?

— Айтольмайман.

— Унтами?

— Балки кўпдир...

— Бориб менга калтароқ ва иссиқроқ биттасини олиб кел, — дейди Пепе.

— Нега?

— Қара, меникини?

Буни кўриш маҳол эди, — Пепенинг путида шимидан бир парчаси илиниб қолган эди.

— Ҳа, — деб кўнади опаси, — сен кийинишинг керак!

Аммо у бизни ўғри қилиши мумкин-ку?

Пепе ишонтирали қилиб дейди:

— Одамлар ўзимиздан ҳам аҳмоқ деб ўйламаслик керак! Кўпдан оз-оз олсанг, бу ўғрилик эмас, шунчаки баҳам кўриш!

— Бу қўшиқ-ку, — деб кўнмайди опаси. Аммо Пепе дарров уни кўндиради. Опаси ошхонага кўкиш бир шими келтирганида, у Пепенинг бутун бўйидан ҳам узун экан. Пепе дарров нима қилишни пайқаб олади.

— Пичноқни бер! — дейди у.

Икковлари америкаликнинг шимини дарҳол бола учун костюмга айлантирилар: кенгроқ бўлса ҳам жуда қулай бир қоп пайдо бўлди. Елкасини боғич билан боғлаб, бўйнидан айлантириб қўйиш мумкин эди. Шимнинг чўн-таклари енг бўлди.

Агар хўжайиннинг хотини уларга халал бермагандан яна яхшироқ ва қулайроқ қилиб олишлари мумкин эди. У ошхонага кириб, ҳамма тилда ҳам хунук эшитиладиган ва америкаликларда ҳақорат, деб билинган сўзларни ёғдиради.

Пепе уни бидирлашдан тўхтата олмайди. У афтини бужмайтирас, қўлинин юраги устига қўяр, бошини чангальлар, уҳ тортар, бироқ хотин эри келгунча жафи тинмади.

— Нима гап? — деб сўраб қолади эри.

Шунда Пепе гап қотиб:

— Синъор, хотинингизнинг шовқин солишига жуда ҳайронман, — дейди. — Мен сизни деб ранжиридим. Били-

шимча, аёлингиз ўйлайдики, биз шимни бузибмиз. Сизга айтсам, шим менга жуда боп! Хотинингиз ўйлайдики, мен сизнинг биттаю битта шимингизни олибман. Сиз бошқасини сотиб ололмас эмишсиз..

Америкалик унинг гапига индамай қулоқ солиб туриб, дейди:

— Ўйлайманки, йигитча, полиция чақирсанак дейман.

— Шундоқ денг?—дейди Пепе ҳайрон бўлиб.—Нега?

— Сени турмага қамасинлар.

Бу гап Пепега жуда қаттиқ тегади, йиғлаб юборишига оз қолади, аммо ўзини тутиб олиб, сипохгарчилик билан дейди:

— Агар шуни маъқул кўрсангиз, синъор, одамларни турмага қамашни яхши кўрсангиз, у вақтда яхши! Агар шимим кўп бўлса мен ундай қилмас эдим, сизда ахир биттамас-ку! Мен эса сизга иккита, ҳатто учтасини берардим; гарчи уч шимни бирдан кийиб бўлмаса ҳам, айниқса иссиқ кунда!

Америкалик ҳаҳолаб кулиб юборади; гоҳида бойларнинг ҳам вақти чоғ бўлади.

Кейин у Пепени шоколад билан сийлаб, унга бир франк беради. Пепе тангани тишлаб кўриб, раҳмат айтади:

— Ташаккур сизга, синъор! Чинакам тангага ўхшайди-я?

Тошлар орасида ўтириб улардаги чизиқлардан гўё тошларнинг қора тарихини ўқиётгандек ўйга ботиб ўтириш унинг учун бир роҳат эди. Шу дамларда кўзлари катта очилган, хуморлашган, ингичка қўллари орқада, боши сал қайишиб, гўё гул косасидек майин тебраниб туради. У аста ғўнгиллайди, у доим қўшиқ айтади.

Унинг гулларга боқиб турган маҳали ҳам ажиб,— глиция гуллари бинафша ранг бўлиб деворга чирмашган, Пепе эса бу гуллар олдида ипак баргчаларнинг денгиз шабадасининг нафаси билан аста шилдираётганига гўё тордек таранг бўлиб қулоқ осмоқда.

Кўзини узмай, қўшиқ айтади:

— Фиорино-о... фиорино-о...

Денгизнинг бўғиқ гулдураши йироқдан катта доира нинг зарбига ўхшаб эшитилади. Гуллар устида капалаклар ўйнайди. Пепе бошини кўтариб, офтобдан кўзларини

қисиб, уларни томоша қиласди. Улар ҳасад қилгандек хафаҳол жилмаяди, бироқ катталардек табассум қиласди.

— Ҳайт! — деб қичқиради у чапак чалиб, кўкиш калтакесакни ҳуркитиб.

Денгиз тинчиб, ойнадай тиниқлашгач, оппоқ тўлқин кўпиклари тошлар орасидан ариганда, Пепе бирорта тош устида ўтириб ўткир кўзлари билан шаффоф сувни, сарғиш йўсинглар орасида сузиб юрган балиқларни, ли-пиллаб ўтган қисқич бақаларни, ёнбоши билан сузиб ўтган крабни томоша қиласди. Сукунат ичиди, мовий сув устида боланинг қўнғироқдек оҳангдор овози аста оқиб ўтгандек бўлади.

— Оҳ, денгиз... денгиз...

Катта ёшдаги кишилар унинг тўғрисида:

— Бу бола анахист бўлади! — дейдилар.

Яхшилар, бир-бирларига парволироқ кишилар бошқача:

— Пепе бизнинг шоиримиз бўлади,—дейдилар.

Боши кумушдан қўйилгандек, юзи эса худди қадимги румо тангасига ўхшаш, доно ва ҳамма ҳурмат қиласдиган дурадгор чол Пасквалино шундай дейди:

— Болалар бизлардан яхшироқ бўладилар, ва бизлардан кўра яхшироқ ҳаёт кечирадилар!

Кўплар унинг гапига ишонади.

1911 — 1913